



爾雅疏卷第六

翰林侍講學士朝請大夫守國子祭酒上柱國賜紫金魚袋臣邢昺等奉

勅校定

釋天第八

釋曰河圖括地象云易有太極是生兩儀兩儀未分其氣混沌清濁既分伏者爲天偃者爲地釋名云天顯也在上高顯又云天坦也坦然高遠說文云天顛也至高無上從一大也春秋說題辭云天之言鎮也居高理下爲人經紀故其字一大以鎮之此天之名義也天之爲體中包乎地日月星辰屬焉然天地有高下之形四時有升降之理日月有運行之度星辰有次舍之常旣曰釋天不得不略言其趣故其形狀之殊凡有六等一曰蓋天文見周髀如蓋在上二曰渾天形如彈丸地在其中天包其外猶如雞卵白之繞黃揚雄桓譚張衡蔡邕陸績王肅鄭玄之徒並所依用三曰宣夜舊說云殷代之制其形體事義無所出以言之四曰昕天昕讀爲軒言天北高南下若車之軒是吳時姚信所說五曰穹天云穹隆在上虞氏所說不知其名也六曰安天是晉時虞喜所論案鄭注考靈耀云天者純陽清明無形聖人則之制璿璣玉衡以度其象

如鄭此言則天是大虛本無形體但指諸星運轉以爲天耳但諸星之轉從東而西必三百六十五日四分日之一星復舊處星既左轉日則右行亦三百六十五日四分日之一至舊星之處卽以一日之行而爲一度計二十八宿一周天凡三百六十五度四分度之一是天之一周之數也天如彈丸圍圓三百六十五度四分度之一案考靈耀云一度二千九百三十二里千四百六十一分里之三百四十八周天百十萬一千里者是天圓周之里數也以圍三徑一言之則直徑三十五萬七千里此爲二十八宿周迴直徑之數也然二十八宿之外上下東西各有萬五千里是爲四遊之極謂之四表據四表之內并星宿內忽有三十八萬七千里然則天之中央上下正半之處則一十九萬三千五百里地在於中是地去天之數也鄭注考靈耀云地蓋厚三萬里春分之時地正當中自此地漸漸而下至夏至之時地下萬五千里地之上畔與天中平夏至之後地漸漸向上至秋分地正當天之中央自此地漸漸而上至冬至上遊萬五千里地之下畔與天中平自冬至後地漸漸而下此是地之升降於三萬里之中但渾天之體雖繞於地地則中央正平天則北高南下北極高於地三十六度南極下於地三十六度然則北極之下三十六度常見不沒南極之

上三十六度常見不見南極去北極一百二十一度餘若逐曲計之則一百八十一度餘若以南北中半言之謂之赤道去南極九十一度餘去北極亦九十一度餘此是春秋分之日道赤道之北二十四度爲夏至之日道去北極六十七度也赤道之南二十四度爲冬至之日道去南極亦六十七度地有升降星辰有四遊又鄭注考靈耀云天旁日四表之中冬南夏北春西秋東皆薄四表而止地亦升降於天之中冬至而下夏至而上二至上下蓋極地厚也地與星辰俱有四遊升降四遊者自立春地與星辰西遊春分西遊之極地雖西極升降正中從此漸漸而東至春末復正自立夏之後北遊夏至北遊之極地則升降極下至夏季復正立秋之後東遊秋分東遊之極地則升降正中至秋季復正立冬之後南遊冬至南遊之極地則升降極上冬季復正此是地及星辰四遊之義也星辰亦隨地升降故鄭注考靈耀云夏日道上與四表平下去東井十二度爲三萬里則是夏至之日上極萬五千里星辰下極萬五千里故夏至之日下至東井三萬里也日有九道故考靈耀云萬世不失九道謀鄭注引河圖帝覽嬉云黃道一青道二出黃道東赤道一出黃道南白道二出黃道西黑道一出黃道北日春東從青道夏南從赤道秋西從白道冬

北從黑道立春星辰西遊日則東遊春分星辰西遊之極日東遊之極日與星辰相去三萬里夏則星辰北遊日則南遊夏至星辰北遊之極日南遊之極日與星辰相去三萬里以此推之秋冬放此可知計夏至之日日在井星當嵩高之上以其南遊之極故在嵩高之南萬五千里所以夏至有尺五寸之景也於時日又上極星辰下極故日下去東井三萬里也然鄭四遊之說元出周髀之文但二十八宿從東而左行日從西而右行一度逆沿二十八宿案漢書律歷志云冬至之時日在牽牛初度春分之時日在雙四度夏至之時日在東井三十一度秋分之時日在角十度若日在東井則極長八尺之表尺五寸之景若春分在雙秋分在角晝夜等八尺之表七尺五寸之景冬至日在斗則晝極短八尺之表一丈三尺之景一丈三尺之中去其一尺五寸則餘有一丈一尺五寸之景是冬夏往來之景也凡於地千里而差一寸則夏至去冬至體漸南漸下相去十一萬五千里又考靈耀云正月假土八萬里假下一十萬四千里所以有假上假下者鄭注考靈耀之意以天去地十九萬三千五百里正月雨水之時日在上假於天八萬里下至地一十一萬三千五百里夏至之時日上極與天表平也後日漸向下故鄭注考靈耀云夏至日與表平冬至之時日下至於

地八萬里上至於天十一萬三千五百里也委曲其考靈耀注凡二十八宿及諸星皆循天左行一日一夜一周天一周天之外更行一度計一年三百六十五周天四分度之一日月五星則右行日一日一度月一日二十三度十九分度之七此相通之數也今歷象之說則月一日至於四日行最疾日行十四度餘自五日至八日行次疾日行十三度餘自九日至十九日行則遲日行十二度餘自二十日至二十三日又小疾日行十三度餘自二十四日至於晦行又最疾日行一十四度餘此是月行之大率也二十七日月行一周天至二十九日疆半月及於日與日相會乃為一月故考靈耀云九百四十分為一日二十九日與四百九十九分為月是一月二十九日之外至第三十分至四百九十九分月及於日計九百四十分則四百七十為半今四百九十九分是過半二十九分也但月是陰精日為陽精故周髀云日猶火月猶水火則外光水則含景故月光生於日所照魄生於日所蔽當日則光盈就日則明盡京房云月與星辰陰者也有形無光日照之乃有光先師以為日似彈丸月似鏡體或以為月亦似彈丸日照處則明不照處則闇案律歷志云二十八宿之度角一十二度元九氏十五房五心五尾十八箕十一東方七十五度斗二十六

牛八女十二虛十危十七營室十六辟九北方九十八度奎十六婁十二胃十四  
昂十一畢十六觜二參九西方八十度井三十二鬼四柳十五星七張十八翼  
十八軫十七南方一百一十二度丑爲星紀初斗十二度終婺女七度子爲玄  
枵初婺女八度終於危十五度亥爲娵觜初危十六度終於奎四度戌爲降婁  
初奎五度終於胃六度酉爲大梁初胃七度終於畢十一度申爲實沈初畢十  
二度終於井十五度未爲鶉首初井十六度終於柳八度午爲鶉火初柳九度  
終於張十七度巳爲鶉尾初張十八度終於軫十一度辰爲壽星初軫十二度  
一度五星者東方歲星南方熒惑西方太白北方辰星中央鎮星其行之遲速  
俱在律歷志不更煩說元命包云日之爲言實也月闕也劉熙釋名云日實也  
光明盛實月闕也滿則缺也說題辭云星陽精之榮也陽精爲日日分爲星  
故其字曰下生也釋名云星散也布散於天又云陰陰也氣在內與陰也陽揚  
也陽氣在外發揚此等是陰陽日月之名也祭法黃帝正名首物其名蓋黃  
帝而有也或後人更有增足其天高地下日盈月闕觜星度少井斗度多日月  
右行星辰左轉四遊升降之差二儀運動之法非由人事所作皆是造化自然

先儒因其自然遂以人事爲義或據理是實或構虛不經既無正文可馮今  
皆略而不錄 穹蒼至上天 釋曰此釋四時之天名也云穹蒼蒼天也者詩  
大雅柔柔云靡有旅力以念穹蒼故此釋之也詩人因天形穹隆其色蒼蒼故  
云穹蒼其實則與下云春爲蒼天者是一故云穹蒼蒼天也郭云天形穹隆  
其色蒼蒼因名云也云春爲蒼天者詩王風黍離云悠悠蒼天故此釋之也  
郭云萬物蒼蒼然生者言春時萬物蒼蒼然生春時天名曰蒼天也云夏爲  
昊天者詩雨無正云浩浩昊天故此釋之昊者元氣博大之貌郭云言氣皓  
者皓曰日光出之貌也言畏日光明皓曰因名云昊天也云秋爲昊天者詩大  
雅召旻云旻天疾威之類旻愍也言秋氣肅殺萬物可愍故曰旻天郭云旻  
猶愍也愍萬物彫落者旻愍詩序文但彼愍作閔音義同也云冬爲上天者  
詩小雅信南山云上天同雲之類言冬時無事唯在於上故曰上天郭云言時  
無事在上臨下而已者言冬氣閉藏無他生殺之事唯在於上監於下而已也  
案詩傳云蒼天以體言之尊而君之則稱皇天元氣廣大則稱昊天仁覆閔  
下則稱旻天自上降監則稱上天據遠視之蒼蒼然則稱蒼天毛公此傳當  
有此文不知出何書李巡云古詩人質仰視天形穹隆而高其色蒼蒼故曰穹

蒼是蒼天以體言之也皇君也故尊而君之則稱皇天昊大貌故言其混元之氣  
昊昊廣大則稱昊天旻閔也言其以仁慈之恩覆閔在下則稱旻天從上而下  
視萬物則稱上天據人遠而視之其色蒼蒼然則稱蒼天又李巡注此云春萬  
物始生其色蒼蒼故曰蒼天夏萬物盛壯其氣昊大故曰昊天秋萬物成熟皆  
有文章故曰旻天冬陰氣在上萬物伏藏故曰上天案此以四時異其天名詩  
傳則各用所宜為稱似相乖異而鄭玄則和合二說故異義天號今尚書歐陽  
說春曰昊天夏曰蒼天秋曰旻天冬曰上天爾雅亦云古尚書與毛詩同謹案  
尚書堯典羲和以昊天摠勅以四時故知昊天不獨春也左傳夏四月孔丘卒  
稱曰昊天不弔非秋也玄之間也爾雅者孔子門人所作以釋六藝之言蓋不  
誤也春氣博施故以廣大言之夏氣高明故以遠人言之秋氣或生或殺故以  
閔下言之冬氣閉藏而清察故以監下言之皇天者至尊之號也六藝之中諸  
稱天者以情所求之耳非必於其時稱之浩浩昊天求天之博施蒼天蒼天求  
天之高明旻天不弔求天之生殺當得其宜上天同雲求天之所為當順其時  
也此之求天猶人之說事各從其主耳若察於是則堯命羲和欽若昊天孔丘  
卒昊天不弔無可怪耳是鄭和合二說之事也爾雅春為蒼天夏為昊天歐

陽說春為昊天夏為蒼天鄭既言爾雅不誤當從爾雅而又從歐陽之說以春  
昊夏蒼者鄭讀爾雅與孫郭本異故許慎既載今尚書說即言爾雅亦云明見  
爾雅與歐陽說同雖蒼昊有春夏之殊則未知孰是要二說理相符合故鄭和  
而釋之 四時 釋曰此題上事也言上所陳是四時天之名也題之在下者若

周公踐阼及詩篇章句皆篇末題之故此亦爾白虎通云歲時者何謂春秋冬  
夏也時者期也陰陽消息之期也鄉飲酒義云春之為言蠢也產萬物者聖也  
夏之為言假也養之長之假之仁也秋之為言擊也擊之以時察守義者也冬  
之為言中也中者藏也 春為至醴泉 釋曰此釋太平之時四氣和暢以致  
嘉祥之事也云春為青陽者言春之氣和則青而溫陽也云夏為朱明者言夏  
之氣和則赤而光明也云秋為白藏者言秋之氣和則色白而收藏也云冬為  
玄英者言冬之氣和則黑而清英也云四氣和謂之玉燭注云道光照者道言  
也言四時和氣溫潤明照故曰玉燭李巡云人君德美如玉而明若燭聘義云  
君子比德於玉焉是知人君若德輝動於內則和氣應於外統而言之謂之玉  
燭也云春為發生夏為長嬴秋為收成冬為安寧者此亦四時之別號也云  
四時和為通正者言上四時之功和是為通暢平正也云謂之景風者言所以

致景風景風卽祥風也云甘雨時降萬物以嘉者嘉善也甘雨卽時雨也不爲萬物所苦故曰甘若月令苦雨數來則非甘也甘雨旣以時降則萬物莫不嘉善之也云謂之醴泉者言四時平暢亦所以使地出醴泉也醴泉者水泉味甘如醴也云祥者亦題上事也祥吉也善也言此上皆太平之吉祥也注此亦至祥風釋曰云此亦四時之別號者言與上青陽等同爲四時別號故云亦也上據氣而言此據功爲說云口子皆以爲太平祥風者案口子仁意篇述太平之事云燭於玉燭飲於醴泉暢於永風春爲青陽夏爲朱明秋爲白藏冬爲玄英四氣和爲正光此之謂玉燭其雨時降萬物以嘉高者不少下者不多此之謂醴泉其風春爲發生夏爲長贏秋爲方盛冬爲安靜四氣和爲通正此之謂永風是也注所以出醴泉釋曰案援神契云德及於天斗極明日月光甘露降德至深泉則黃龍見醴泉湧是言王者脩德以召和平則致景風醴泉也案此經所釋卽謂發生等爲景風時雨爲醴泉而郭云所以致景風醴泉者所以弘通其義也穀不至爲荐釋曰此釋歲凶災荒之名也穀謂五穀黍稷麻麥豆也熟成也五穀不成曰饑郭云凡草菜可食者通名蔬李巡曰可食之菜皆不熟爲饑周禮天官大宰職云以九職任萬民八曰臣妾聚斂䟽材

鄭玄云䟽材百草根實可食者詩小雅云降喪饑饉襄十四年穀梁傳曰一穀不升謂之嗛二穀不升謂之饑三穀不升謂之饑四穀不升謂之康五穀不升謂之大饑又謂之大祲彼以五穀熟之多少立差等之名其實五者皆是饑也三穀不升於民之困蓋與蔬不熟同故俱名爲饑也果木子也不成熟之歲名荒仍因也相因而饑謂連歲不熟也爲荐饑僖十三年晉荐饑是也云災者亦題上事也下皆倣此注左傳曰今又荐饑釋曰此晉語文也左丘明旣作傳以解春秋又采簡牘以作國語其文不主於經故謂之外傳俱是丘明所作亦得云左傳曰案彼云晉饑乞糴於秦不豹曰晉君無禮於君莫不知往年有難今又荐饑已失人又失天其殃也多矣君其伐之勿與糴是其事也太歲在甲至赤奮若釋曰此別太歲在日在辰之名也甲至癸爲十日日爲陽寅至丑爲十二辰辰爲陰案漢書律歷志文迺以前歷上元泰初四千六百二十七歲至於元封七年復得闕逢攝提格之歲中冬孟康曰言復得者上元泰初時亦是闕逢之歲歲在甲曰闕逢在寅曰攝提格此謂甲寅之歲也然則乙卯之歲曰旃蒙單閼丙辰之歲曰柔兆執徐丁巳之歲曰強圉大荒落戊午之歲曰著雍敦牂己未之歲曰屠維協洽庚申之歲曰上章涖灘辛酉之歲曰重光

作噩壬戌之歲曰玄戰閏茂癸亥之歲曰昭陽大淵獻甲子之歲曰闕逢困敦  
丁丑之歲曰旃蒙赤奮若以此推之周而復始可知 載歲也至曰載 釋曰  
別年歲之名也載卽歲也白虎通云王者受命而改正朔者明易姓示不相襲  
也命受之於天不受之於人所以變易民心革其耳目以則化也然則歲名變  
易理亦同此故夏曰歲取歲星行一次夏書曰每歲孟春遣人以木鐸徇于路  
是也商曰祀取四時一終則以祀者嗣也取其與來繼往之義孫炎曰取四時  
祭祀一訖商書曰惟元祀十有二月乙丑伊尹祠于先王是也周曰年者取禾  
一熟也案說文云年穀熟也從禾千聲春秋曰大有年然則年者禾熟之名每  
歲一熟故以爲歲名左傳曰卜年七百是也唐虞曰載載始也取物終更始堯  
典曰朕在位七十載舜典曰五載一巡守是也 注取歲星行一次 釋曰案律  
歷志分二十八宿爲十二次晉灼注天文志云大歲在四仲則歲行三宿大歲  
在四孟四季則歲行二宿二八十六三四十二而行二十八宿十二歲而周天是  
歲星年行一次也 月在甲至月名 釋曰此辨以日配月之名也設若正月  
得甲則曰畢陬二月得乙則曰橘始三月得丙則曰脩脩四月得丁則曰圉余  
五月得戊則曰厲臯六月得巳則曰則且七月得庚則曰室相八月得辛則曰

塞壯九月得壬則曰終亥十月得癸則曰極陽十一月得甲則曰畢辜十二月  
得乙則曰橘涂周而復始亦可知也若史記歷書云月名畢聚也 注離騷至  
孟陬之義釋曰離騷者屈原之所作也屈原與楚同姓仕懷王爲三閭大夫爲  
大夫靳尚所譖毀見疎乃作離騷經離別也騷愁也言已放逐離別心中愁思  
猶陳正道以諷諫君也其經曰高陽之苗裔兮朕皇考曰伯庸攝提貞於孟陬  
兮惟庚寅吾以降彼注云言巳生得陰陽之正中是引之以證正月爲陬之義  
注國語至是也 釋曰此越語文也案彼云越王將伐吳范蠡諫曰王姑待之  
至於亥月王召范蠡而問焉彼注云魯哀公十六年九月也至十七年三月越  
伐吳是也引之以證九月爲亥也 注純陰至名云 釋曰云純陰用事嫌於  
無陽故以名云者以易言之五月一陰生十月純坤用事故云純陰用事也云  
嫌者君子愛陽而惡陰故以陽名之無陽而得陽名者以分陰分陽迭用柔剛  
十二月之消息見其用事耳其實陰陽常有詩緯曰陽生酉仲陰生戌仲是十  
月中兼有陰陽也四月秀萸靡草死豈無陰乎明陰陽常兼有也詩小雅云日  
月陽止是也 注皆月至不論 釋曰言正月爲陬已下皆月之別名云自歲  
陽至此者謂自闕逢以下也云其事義皆所未詳通者案李巡孫炎雖各有



其說皆構虛不經疑事無質故闕而不論 南風至風雨 釋曰此釋風雨之名也易曰風以動之雨以潤之又曰潤之以風雨洪範日月之從星則以風雨然則風雨相將之物故此類聚而釋之也 南風謂之凱風者李巡曰南風長養萬物萬物喜樂故曰凱風凱樂也郭氏無說義或當然詩邶風云凱風自南是也 東風謂之谷風者孫炎曰谷之言穀穀生也谷風者生長之風也詩邶風云習習谷風是也 北風謂之涼風者北風一名涼風言北方寒涼之風也月令孟秋之月涼風至詩邶風云北風其涼是也西風謂之泰風者孫炎曰西風成物物豐泰也詩大雅桑柔云泰風有隧是也 焚輪謂之頽者李巡曰焚輪暴風從上來降謂之頽頽下也孫炎曰迴風從上下曰頽郭云暴風從上下與李同也詩小雅云習習谷風維風及頽是也 扶搖謂之焱者李巡曰扶搖暴風從下升上故曰焱焱上也孫炎曰迴風從下上曰焱郭云暴風從下上亦用李說莊子說鵬云搏扶搖而上者九萬里月令孟春行秋令則焱風暴雨掇至是也 風與火爲庵者郭云庵庵熾盛之貌言風自火出火因風熾火而有風者爲庵 迴風爲飄者郭云旋風也李巡曰一曰飄風別二名也詩蓼莪云飄風發發是也一日出而風爲暴者孫炎曰陰雲不興而大風暴起然

則爲風之暴疾故詩邶風云終風且暴毛傳云暴疾也 風而雨土爲霾者孫炎曰大風揚塵土從上下也詩邶風云終風且霾是也 陰而風爲曠者孫炎曰雲風曠日光詩邶風云終風且曠是也 天氣下地不應曰霽者郭云言蒙昧洪範云曰霽鄭注云霽聲近蒙詩云霽雨其濛則霽是天氣下降地氣不應而蒙闇也 地氣發天不應曰霧霧謂之晦者郭云言晦冥月令仲冬行夏令氛霧冥冥鄭云霜露之氣散相亂也然則地氣發而上天不應之則爲氛霧霧又名晦春秋僖十五年己卯晦震夷伯之廟公羊穀梁皆云晦冥也是矣 蟬蝻謂之零蟬蝻虹也者郭云俗名美人虹江東呼零然則蟬蝻一名零一名虹詩邶風云蝻蝻在東月令季春之月虹始見音義云虹雙出色鮮盛者爲雄雄曰虹闇者爲雌雌曰蝻虹是陰陽交會之氣純陰純陽則虹不見若雲薄漏日日照雨滴則虹生蟬與蝻音義同 蜺爲挈貳者蜺雌虹也一名挈貳說文云霓屈虹青赤或白色陰氣也郭云見離騷者卽天問云白蜺嬰茀胡爲此堂及遠遊章云雌蜺嬋媵以曾橈兮是也挈貳其別名也文見尸子 弁日爲蔽雲者郭云卽暈氣五彩覆日也然則暈氣弁日名蔽雲周禮春官眡祲掌十輝之法鄭司農云輝謂日光烝是也 疾雷爲霆霓者郭云雷之急擊者謂霹

霽案說文云霽雷餘聲也鈴鈴所以挺出萬物也又云震劈歷振物者然則疾雷一名霆霓又名震春秋震夷伯之廟謂劈歷破之是也霽霽俗字也 雨霓爲霄雪者霓水雪雜下也因名霄雪霄卽消也詩小雅頌弁如彼雨雪先集維霰鄭箋云將大雨雪始必微温雪自上下遇温氣而搏謂之霽案大戴禮曾子云陽之專氣爲霽陰之專氣爲雹盛陽之氣在雨水則凝滯而爲雪陽氣薄而脅之不相入則消散而下因水而爲霽是霽由陽氣所薄而爲之故鄭言遇温氣而搏也霓與霽音義同 暴雨謂之凍者暴雨謂驟雨也一名凍郭云今江東呼夏月暴雨爲凍雨離騷云令飄風兮先驅使凍雨兮灑塵是也者此離騷九歌大司命文案彼云廣開兮天門紛吾乘兮玄雲令飄風兮先驅使凍雨兮灑塵是也 小雨謂之霽霖者小雨一名霽霖小雅信南山云益之以霽霖是也李巡云水雪俱下案此文上有暴雨下云久雨於中間無雪事而云水雪俱下妄矣久雨謂之淫者淫過也久雨過多害於五稼故謂之淫月令季春行秋令則天多沈陰淫雨早降謂久雨也注云左傳曰天作淫雨者莊十一年傳文也 淫謂之霖者淫雨又名霖也郭云雨自三日已上爲霖者隱九年左傳文也 濟

謂之霽者濟止也雨止名霽郭云今南陽人呼雨止爲霽書云曰霽云風雨者題上事也 壽星至星名 釋曰此別星名也案周禮保章氏以星土辨九州之地所封域皆分星以觀妖祥鄭玄注云大界則曰九州州中諸國之封域於星亦有分焉其書亡矣堪輿雖有郡國所入度非古數也今其存可言者十二次之分也星紀吳越也玄枵齊也娵訾衛也降婁魯也大梁趙也實沈晉也鶉首秦也鶉火周也鶉尾楚也壽星鄭也大火宋也析木燕也又漢書律歷志東方角亢氏房心尾箕北方斗牛女虛危室壁西方奎婁胃卯畢觜參南方井鬼柳星張翼軫宿凡二十八此經所釋次惟有九宿惟十七者以爾雅之作釋六藝所載者所不載者則闕焉 壽星角亢也者言壽星之次值角亢之宿也郭云數起角亢列宿之長故曰壽天文志云東宮倉龍左角理右角將大角者天王帝坐廷亢主宗廟是也 天根氏也者氏一名天根郭云角亢下繫於氏若木之有根國語曰天根見而水涸是也 天駟房也者房一名天駟也郭云龍爲天馬故房四星謂之天駟天文志曰房爲天府曰天駟國語曰月在天駟是也 大辰房心尾也者大辰房心尾之摠名也辰時也郭云龍星明者以爲時候故曰大辰春秋昭十七年冬有星孛於大辰是也 大火謂之大辰者

大火大辰之次名也李巡云大火倉龍宿心以候四時郭云大火心也在中  
 明故時候主焉左傳曰心為大火是也 析木謂之津箕斗之間漢津也者析  
 木之津者箕斗之次名也孫炎曰析別水木以箕斗之間是天漢之津也劉炫  
 謂是天漢即天河也天河在箕斗二星之間箕在東方木位斗在北方水位分  
 析水木以箕星為隔隔河須津梁以渡故謂此次為析木之津也不言析水而  
 言析木者此次自南而盡此故依此次而名析木也郭云箕龍尾斗南斗天漢  
 之津梁以四方皆有七宿各成一形東方成龍形西方成虎形皆南首而北尾  
 南方成鳥形北方成龜形皆西首而東尾箕在蒼龍之末故云龍尾斗至南  
 方即見故云南斗昭八年左傳曰今在析木之津國語曰日在析木之津皆是  
 也案經典但有析木之津無析木謂之津今定本有謂字因注云即漢津也誤  
 矣 星紀斗牽牛也者星紀斗牛之次也郭云牽牛斗者日月五星之所終始  
 故謂之星紀左傳曰歲在星紀是也 立枵虛也者立枵虛之次名也郭云虛  
 在正北北方色黑枵之言耗耗亦虛意然則以其色黑而虛耗故名其次曰立  
 枵案襄二十八年左傳云春無冰梓慎曰今茲宋鄭其饑乎歲在星紀而淫  
 於立枵以有時苗陰不堪陽蛇乘龍龍宋鄭之星也宋鄭必饑立枵虛中也枵

耗名也土虛而民耗不饑何為顛頊之虛虛也者虛星又謂之顛頊之虛也郭  
 云顛頊水德位在北方然則以北方三次以立枵為中立枵次有三宿又虛在  
 其中以水位在北顛頊居之故謂立枵虛星為顛頊之虛也昭十年左傳云鄭  
 裨竈言於子產曰今茲歲在顛頊之虛是也 北陸虛也者虛星又謂之北陸  
 也孫炎曰陸中也北方之宿虛為中也昭四年左傳云古者日在北陸而藏冰  
 杜注云陸道也陸之為中為道皆無正訓各以意耳要以虛為北方中星宿是  
 日行之道故謂之北陸郭云虛星之名凡四者謂立枵也虛也顛頊之虛也北  
 陸也 營室謂之定者營室一名定郭云定正也作宮室皆以營室中為正詩  
 鄘風云定之方中作于楚宮鄭箋云定星昏中而正於是可以營制宮室故謂  
 之營室 娥訾之口營室東辟也者娥訾室辟之次也辟居南則在室東孫炎  
 曰娥訾之歎則口開方營室東辟四方似口故因名也郭云營室東辟星四方  
 似口因名云由其營室與東辟相成故得正四方襄三十年左傳云歲在娥訾  
 之口是也 降婁奎婁也者降婁奎婁之次名也孫炎曰降下也奎為溝瀆故  
 稱降也郭云奎為溝瀆故名降者漢書天文志云奎曰封豨為溝瀆是也案襄  
 三十年左傳曰鄭公孫揮與裨竈晨過伯有氏其門上生莠子羽曰其莠猶在

乎於是歲在降婁降婁中而且禪竈指之曰猶可以終歲歲不及此次也已及其亡也歲在娵訾之口其明年乃及降婁是也大梁昴也西陸昴也者大梁昴之次名也昴西方之宿名也昴又謂之西陸昭四年左傳云古者日在北陸而藏冰西陸朝覲而出之又十一年傳云歲及大梁蔡復楚凶是昴星之名凡三郭云昴西方之宿別名旄頭者天文志云昴曰旄頭胡星也是矣 濁謂之畢者畢西方之宿名一名濁郭云掩兔之畢或呼為濁因星形以名詩小雅云有掾天畢毛傳云掾畢狼畢所以掩兔也特牲饋食禮曰宗人執畢鄭注云畢狀如叉蓋為其似畢星取名焉然則掩兔祭器之畢俱象畢星為之但掩兔之畢施網為異爾 味謂之柳柳鶉火也者柳南方之宿名南方七宿共為朱鳥之形柳為朱鳥之口故名味味即朱鳥之口也鶉火柳之次名也鶉即朱鳥也火屬南方行也因名其次為鶉火襄九年左傳曰晉侯問於士弱曰吾聞之宋災於是乎知有天道何故對曰古之火正或食於心或食於味以出內火是故味為鶉火心為大火是也北極謂之北辰者極中也辰時也居天之中人望之在北因名北極斗杓所建以正四時故云北辰論語云為政以德辟如北辰是也何鼓謂之牽牛者李巡云何鼓牽牛皆二十八宿名也孫炎曰何鼓之旗十二

星在牽牛北也或名為何鼓亦名牽牛如此文則牽牛何鼓一星也如李巡孫炎之意則二星今不知其同異也案漢書天文志牽牛為犧牲其北河鼓河鼓大星上將左右左右將亦以牽牛河鼓為二星郭云今荆楚人呼牽牛星為擔鼓擔者荷也順經為說以時驗而言也 明星謂之肩明者孫炎曰明星太白也出東方高三舍今日曰明星昏出西方高三舍今日曰太白郭云太白星也晨見東方為肩明昏見西方為太白然則肩明是太白矣詩小雅云東有啓明西有長庚長庚不知是何星也或以星出在東西而異名或二者別星未能審也彗星為欃槍者彗星一名欃槍漢書天文志云歲星贏而東南石氏見彗星甘氏不出三月迺生彗本類星末類彗長二丈贏東北石氏見覺星甘氏不出三月迺生天棊左右銳長數丈縮西北石氏見槍雲如馬甘氏不出三月迺生天棊本類星末銳長數丈石氏欃槍槍彗異狀其殃一也郭云亦謂之孛言其形孛孛似掃彗春秋左氏傳昭十七年冬有星孛于大辰西及漢申須曰彗所以除舊布新也公羊傳曰孛者何彗星也彗謂帚也言其狀似掃帚光芒孛孛然妖變之星非常所有故言孛又言彗也 奔星為約約者奔星即流星也一名約約

星名題上事也 春祭至祭名 釋曰此別四時及三代諸祭名也春祭曰祠

夏祭曰禘秋祭曰嘗冬祭曰蒸者此四時之祭名也郭云祠之言食禘新菜可  
灼嘗嘗新穀蒸進品物也此皆周禮也自殷以上則禘禘蒸嘗王制文是也至  
周公則去夏禘之名以春禴當之更名春曰祠故禘禘志云王制記先王之法  
度宗廟之祭春曰禴夏曰禘秋曰嘗冬曰蒸禘為大祭於夏於秋於冬周公制  
禮乃改夏為禴禘又為大祭祭義注云周以禘為殷祭更名春曰祠是祠禴嘗  
蒸之名周公制禮之所改也者然詩小雅云禴祠蒸嘗于公先王此文王之詩  
所以已得有制禮所改之名者然王者因革與世而遷事雖制禮大定要亦所  
改有漸易曰不如西鄰之禴祭鄭注為夏祭之名則文王時已改言周公者據  
制禮大定言之耳 祭天燔柴者祭天名燔柴祭法云燔柴於泰壇祭天也  
郭云既祭積薪燒之大宗伯云以禋祀祀昊天上帝以實柴祀日月星辰以禋  
燎祀司中司命飄師兩師鄭注云禋之言煙周人尚臭煙氣之臭聞者禋積也  
詩曰芃芃棫樸薪之櫛之三祀皆積柴實牲體焉或有玉帛燔燎而升煙所以  
報陽也然則祭天之禮積柴以實牲體玉帛而燔之使煙氣之臭上達於天因  
名祭天曰燔柴也 祭地曰瘞瘞者祭地名瘞瘞祭法云瘞埋於泰折祭地也

禴禘

然則祭神州地祇於北郊瘞瘞埋牲因名祭地曰瘞瘞李巡曰祭地以玉埋地中  
曰瘞埋孫炎曰瘞者翳也既祭翳藏地中 祭山曰瘞瘞者瘞縣祭山之名也  
瘞謂埋藏之大宗伯云以狸沈祭山林川澤鄭注云祭山林曰狸是也縣謂縣  
其牲幣於山林中因名祭山曰瘞縣郭云或瘞或縣置之於山是也又云山海  
經曰縣以吉玉是也者案中山經云歷兒冢也其祠祀毛太牢之具縣以吉玉  
彼注云縣祭山之名是也 祭川曰浮沈者浮沈祭川之名也郭云投祭水中  
或浮或沈大宗伯云以狸沈祭山林川澤鄭注云祭川澤曰沈順其性之含藏  
是也祭星曰布者李巡曰祭星者以祭布露地故曰布孫炎曰既祭布散於地  
似星布列也郭云布散祭於地 祭風曰磔者磔謂披磔牲體象風之散物  
因名云郭云今俗當大道中磔狗云以止風此其象 是禴是禘師祭也者是  
禴是禘詩大雅皇矣篇文也師祭也作者所以解詩也言用師出征之祭名也  
郭云師出征伐類於上帝禘於所征之地者王制云天子將出征類乎上帝禘  
於所征之地是也言類乎上帝則類祭祭天也祭天而謂之類者尚書夏侯歐  
陽說以事類祭之在南方就南郊祭之春官肆師注云類禮依郊祀而為之是  
用尚書說為義也禘之所祭其神不明肆師云凡四時之大田獵祭表貉則為

馮注云貉師祭也於立表處爲師祭祭造軍法者禱氣勢之增倍也其神蓋  
蚩尤或曰黃帝又旬祝掌四時之田表貉之祝號杜子春云貉兵祭也田以講  
武治兵故有兵祭習兵之禮故貉祭禱氣勢之十百而多獲由此二注言之則  
馮祭造兵爲軍法者爲表以祭之馮周禮作貉貉又或爲貉字古今之異也貉  
之言百祭祀此神求獲百倍 既伯既禱馬祭也者既伯既禱詩小雅吉日篇  
文也馬祭也作者所以釋詩也毛傳云伯馬祖也重物慎微將用馬力必先爲  
之禱其祖禱禱獲也郭云伯祭馬祖也將用馬力必先祭其先知伯是祭馬祖  
者爲馬而祭故知馬祖謂之伯者伯長也馬祖始是長也鄭注周禮云馬祖天  
駟上文云天駟房也彼注云龍爲天馬故房四星謂之天駟馬國之大用王者  
重之故夏官校人春祭馬祖夏祭先牧秋祭馬社冬祭馬步注云馬祖天駟先  
牧始養馬者馬社始乘馬者馬步神爲災害馬者既四時各有所爲祭之馬  
祖祭之在春其常也而將用馬力則又用彼禮以禱之 禘大祭也者經傳之  
文稱禘非一其義各殊論語云禘自既灌及春秋禘于太廟謂宗廟之祭也喪  
服小記云王者禘其所自出也及大傳云禮不王不禘謂祭感生之帝於南郊  
也祭法云周人禘鬯而郊稷謂祭昊天於圓丘也以此比餘處爲大祭摠得稱

此  
禘宗廟謂之禘者禘諦也言使昭穆之次審諦而不亂也祭天謂之禘者亦  
言使典禮審諦也郭云五年一大祭者出禮緯文知非祭天之禘者以此文下  
云釋又祭也爲宗廟之祭知此亦宗廟之祭也 釋又祭也者又復也釋復祭  
之名也郭云祭之明日尋釋復祭公羊傳云釋者何祭之明日也穀梁傳云釋  
者祭之旦日之享賓也天子諸侯謂之爲釋少牢饋食大夫之禮也謂之賓尸  
與祭同日若然是亦與賓尸事不同矣而詩頌絲衣序云釋賓尸者釋祭之禮  
主爲賓事此尸但天子諸侯禮大異日爲之別爲立名謂之爲釋言其尋釋昨  
日卿大夫禮小同日爲之不別立名直指其事謂之賓尸耳此序言釋者此  
祭之名賓尸是此祭之事故特詳其文也然又祭之名三代各異周名釋商名  
彤夏名復昨郭云春秋經曰壬午猶釋者宣八年經文也又云書曰高宗彤日  
周書篇也孫炎云彤者相尋不絕之意夏曰復昨者郭云未見義所出以夏之  
典訓無言復昨名者是未見義所出也詩傳及詩箋亦無此一句說者云昨是  
祭肉也以祭之旦日復陳其祭肉以賓尸也未知然不祭名者以題上事也  
春獵至講武 釋曰此說田獵習武之事也云春獵爲蒐夏獵爲苗秋獵爲獮  
冬獵爲狩者比四時田獵之名也郭云蒐搜索取不任者苗爲苗稼除害獮順

殺氣也狩得獸取之無所擇隱五年左傳文與此同杜注云蒐索擇取不孕者  
苗爲苗除害也獮殺也以殺爲名順秋氣也狩圍守也冬物畢成獲則取之無  
所擇也周禮大司馬職中春教振旅遂以蒐田中夏教芟舍遂以苗田中秋教  
治兵遂以獮田中冬教大閱遂以狩田其名亦與此同鄭立解苗田與此小異  
言擇取不孕任者若治苗去不秀實者孫炎亦然桓四年公羊傳曰春曰苗秋  
曰蒐冬曰狩三名既與禮異又復夏時不田穀梁傳曰四時之田皆爲宗廟之  
事也春曰田夏曰苗秋曰蒐冬曰狩皆與禮異者良由微言既絕曲辨妄生左  
丘明親受聖師爾雅者或云子夏所作故二者與禮合漢代古學不行明帝集  
諸學士作白虎通義因穀梁之文爲之其說曰王者諸侯所以田獵何爲苗除  
害上以共宗廟下以簡集士眾也春謂之田何春歲之本舉本名而言之也夏  
謂之苗何擇其懷任者也秋謂之蒐何蒐索肥者也冬謂之狩何守地而取之  
也四時之田摠名爲田何爲田除害也案苗非懷任之名何云擇其懷任秋獸  
盡皆不瘦何云蒐索取肥雖名通義義不通也故先儒皆依周禮左傳爾雅之  
文而爲之說其名亦有意焉雖復春獵獲則取之不能擇取不孕夏獵所取無  
多不能爲苗除害爲因時異而變文耳謂之獵者蔡邕月令章句云獵者捷取

之名也 宵田爲獮者宵夜也夜獵名獮郭云管子曰獮獵畢弋者案管子四  
稱篇管仲對桓公曰昔者無道之君誅其良臣赦其婦女獮獵畢弋暴遇諸父  
者是也又云今江東亦呼獵爲獮者以時驗而言也或曰卽今夜獵載鑪照也  
者亦得爲一義故復引之 火田爲狩者郭云放火燒草獵故爲狩言與冬獵  
同名故云亦也李巡孫炎皆云放火燒草守其下風周禮羅氏蜡則作羅禱鄭  
云禱細密之羅此時蟄者畢矣可以羅罔圍取禽也今俗放火張羅其遺教禮  
記王制云昆蟲未蟄不以火田則是已蟄得火田也 乃豕豕土戎醜攸行者此  
詩大雅縣篇文也郭云豕土大社戎醜大眾郊特牲云社所以豕地之道也禮  
運云命降於社之謂殺地是社爲土之神也豕詰爲大土爲社主故知豕土大  
社也釋詁云戎犬也醜眾也故云戎醜大眾也 起大事動大眾必先有事乎  
社而後出謂之宜者此作者既引詩文於上然後爲此辭以釋之也孫炎曰大  
事兵也有事祭也宜求見使祐也此文本解戎醜攸行之意言國家起發軍旅  
之大事以興動其大眾必先有祭事於此社而後出行其祭之名謂之爲宜以  
師行必須宜祭以告社故言戎醜攸行也成十三年左傳曰國之大事在祀與  
戎故兵爲大事也春秋昭十五年有事於武宮雜記云有事於上帝皆是祭事

故謂祭為有事以兵凶戰危慮有負敗祭之以求其福宜故謂之宜王制云天子將出宜乎社是也郭云周官所謂宜乎社者春官大祝職云大師宜于社造于祖是也 振旅闐闐者此詩小雅采芑篇文也鄭箋云至戰止將歸又振旅伐鼓闐闐然振猶止也旅眾也郭云振旅整眾闐闐羣行聲也出為治兵尚威武也入為振旅反尊卑也者此亦作者釋上詩文也古者春教振旅秋教治兵以戎是大事又三年一教隱五年左傳曰三年而治兵入而振旅是也征伐之時出軍至對陳用治兵禮戰止至還歸用振旅法名異而禮同也以此出當用之故以脩治兵事為名入則休息故以整眾為名其治兵振旅之名周禮左傳穀梁與此皆同唯公羊以治兵為祠兵其禮治兵則幼賤在前振旅則尊老在前郭云幼賤在前貴勇力尊老在前復常儀也講武者題上事也言皆所以講習武事也 素錦至旌旂 釋曰別旌旂之異名也素錦綢杠者自此至維以縷說旂之制也綢韜也杠竿也先以白地錦韜旂之竿禮記所謂綢練設旒夏也則以縷帛著於素錦名縷縷即眾旒所著者陞上也又畫白龍於縷令上向又練絳帛為旒九以著於縷飾旒之邊用綦組維持其旒使不曳地以失縷詩鄘風云素絲紕之鄭箋云素絲者以為縷以縫紕旌旗之旒縷或以維持

之是也郭云周禮曰六人維王之大常者夏官節服氏職文後鄭注云維之以縷王旌十二旒兩兩以縷綴連旁三人持之禮天子旌曳地鄭司農云維持之是也廣雅云天子杠高九仞諸侯七仞大夫五仞天子十二旒至地諸侯九旒至軫卿大夫七旒至軾士三旒至肩 緇廣充幅長尋曰旒者緇黑色也以黑色之帛廣全幅長八尺屬於杠名旒又以帛繼續旒末為燕尾者名旒郭云義見詩者小雅六月云白旒央央是也 注旒首曰旒者李巡曰旒牛尾著竿首孫炎曰析五采羽注旒上也其下亦有旒縷郭云載旒於竿頭如今之幢亦有旒如是則竿之首有旒有羽也故周禮序官夏采注云夏采夏翟羽色禹貢徐州貢夏翟之羽有虞氏以為綏後世或無故染鳥羽象而用之謂之夏采其職注云綏以旒牛尾為之綴於幢上所謂注旒於竿首者也 有鈴曰旂者郭云縣鈴於竿頭畫交龍於旒司常云交龍為旂又曰諸侯建旂然則旂者畫二龍於上一升一降相交又縣鈴於竿是諸侯之所建也詩小雅云旂旒央央是也 錯革鳥曰旗者孫炎云錯置也革急也畫急疾之鳥於縷也鄭志荅張逸亦云畫急疾之鳥隼以司常云鳥隼為旗詩小雅云織文鳥章也郭云此謂合刺鳥皮毛置之竿頭者意與孫鄭少異云即禮記云載鴻及鳴鳶者案曲禮云前



有水則載青旌前有塵埃則載鳴鳶前有車騎則載飛鴻前有士師則載虎皮前有摯獸則載貔貅鄭注云載謂舉於旌首以警眾也禮君行師從卿行旅從前驅舉此則士眾知所有所舉各以其類象青雀水鳥鳶鳴則將風鴻取飛有行列也士師謂兵眾虎取其有威勇也貔貅亦摯獸也因章曰旂者孫炎曰因其緇色以爲旗章不畫之是也司常云通帛爲旛鄭注云通帛謂大赤從周正色無飾郭云以帛練爲旛因其文章不復畫之周禮云通帛爲旛者以因其文章與周禮通用絳帛隨義立名其實一也故引爲證旌旂者九旗之名雖異旗旂爲之摠稱故以此題之案祭名講武旌旂俱非天類而亦在此者以皆王者大事又祭名則天曰燔柴講武則類於上帝旌旂則日月爲常他篇不可攝故繫之釋天也

爾雅疏卷第六

宋本此卷明補唐大序

光緒四年歲在著雍攝提格吳興陸氏十萬卷樓重雕

陸心源校

爾雅疏卷第七

翰林侍講學士朝請大夫守國子祭酒上柱國賜紫金魚袋臣邢昺等奉勅校定

釋地第九

釋丘第十

釋山第十一

釋水第十二

釋地第九

釋曰案說文云元氣初分輕清陽爲天重濁陰爲地萬物所陳列也白虎通云地者易也言養萬物懷任佼易變化含吐應節也釋名云地底也其體在底下載萬物也禮統云地施也諦也應變施化審諦不誤也此篇釋地之所載四方中國州府陵藪之異故曰釋地兩河至九州釋曰此釋九州之名及其界域也兩河間曰冀州注自東河至西河釋曰周禮職方氏云河內曰冀州禹貢不說境界孔安國云此州帝都不說境分以餘州所至即可知其禹貢兗州云濟河自東河以東也豫州云荆河自南河以南也雍州云西河自西河以西也明東河之西西河之東南河之北是冀州之境也言東河西河南河者皆據帝都冀州而言也案禹貢導河自積石龍門南流謂之西河至于華陰折

而東經底柱孟津過洛汭皆東流謂之南河至于大伾折而北流過洛水至于大陸又北播爲九河同爲逆河入于海謂之東河此惟云兩河者從可知李巡曰兩河間其氣清厥性相近故曰翼翼近也 河南曰豫州注自南河至漢釋曰職方與此同禹貢云荆河惟豫州孔安國云西南至荆山北距河水以其荆山在荆州漢水所經故文不同其實一也李巡云河南其氣著密厥性安舒故曰豫豫舒也 河西曰雍州注自西河至黑水 釋曰周禮正西曰雍州禹貢云黑水西河惟雍州孔安國云西距黑水東據河案酈元水經黑水出張掖雞山南流至燉煌過三危山南流入于南海然則雍州之境東據龍門河西距此黑水也李巡云河西其氣蔽壅厥性急凶故曰雍雍壅也兼得梁州之地西北之位陽所不及陰壅也 漢南曰荆州注自漢南至衡山之陽 釋曰周禮正南曰荆州禹貢荆及衡陽惟荆州孔安國云北據荆山南及衡山之陽言北據荆山則至漢水也李巡曰漢南其氣燥剛稟性彊梁故曰荆荆彊也釋名以爲取荆山之名荆警也南蠻數爲寇逆常警備也 江南曰揚州注自江南至海釋曰周禮東南曰揚州禹貢淮海惟揚州孔安國云北據淮南距海然則揚州之境跨江北至淮此云江南者舉遠大而言也李巡曰江南其氣燥勁厥性輕

揚太康地記云以揚州漸太陽位天氣奮揚履正含文故取名焉 濟河間曰兗州注自河東至濟 釋曰周禮河東曰兗州禹貢濟河惟兗州孔安國云東南據濟西北距河孔傳凡云據者謂跨之也距至也濟河之間相去路近兗州之境跨濟而過東南越濟水西北至東河也李巡云濟河間其氣專質厥性信謙故曰兗兗信也釋名以爲取兗水之義 濟東曰徐州注自濟東至海釋曰禹貢海岱及淮惟徐州孔傳云東至海北至岱南及淮此云自濟東則是西至濟也李巡曰淮海間其氣寬舒稟性安徐故曰徐徐舒也周合其地於青州 燕曰幽州注自易水至北狄 釋曰周禮東北曰幽州李巡曰燕其氣深要厥性剽疾故曰幽幽要也禹貢其地合於冀州地理志云涿郡故安縣閭鄉易水所出東至范入濡也從此易水至於北狄幽州之境也 齊曰營州注自岱東至海此蓋殷制 釋曰周禮正東曰青州禹貢海岱惟青州孔傳云東北據海西南距岱然則此營州則青州之地也博物志云營與青同海東有青巨齊有營巨豈是名乎太康地記云東方少陽其色青其氣清歲之首事之始故以青爲名焉云此蓋殷制者以此文上與禹貢不同下與周禮又異禹別九州有青徐梁而無幽并營是夏制也周禮周公所作有青幽并而無徐梁營是

周制也此有徐幽營而無青梁并疑是殷制以無正文故云蓋也此上釋九州之名故題云九州也 魯有大野 釋曰此下至周有焦護釋十藪之名也禹貢徐州云大野既豬地理志云大野澤在山陽鉅野縣北鉅即大也由其旁有大澤故縣以鉅野為名哀十四年左傳云西狩於大野以其澤在曲阜西故云西狩也郭云今高平鉅野縣者東晉時鉅野屬高平郡故與志不同凡注言今者皆謂東晉時也 晉有大陸注今鉅鹿此廣河澤是也 釋曰孫炎曰廣河猶大陸以地名言之近為是也禹貢冀州云大陸既作是也案定元年左傳晉魏獻子田於大陸焚焉還卒於甯杜預注嫌鉅鹿絕遠疑此田在汲郡吳澤甯今脩武縣近吳澤計此二澤相去甚遠亦得言大陸者以其廣平曰陸但廣而平者則名大陸故異所而同名也澤雖卑下旁帶廣平之地故統名焉 秦有楊陟注今在扶風汧縣西 釋曰周禮異州云其澤藪曰陽陟鄭注云所在未聞又雍州云其澤藪曰弦蒲鄭注云在汧案地理志汧山在西古文以為汧山北有蒲谷鄉弦中谷雍州藪今注亦云在汧然則周禮弦蒲即此楊陟也 宋有孟諸注今在梁國睢陽縣東北 釋曰周禮青州其澤藪曰望諸鄭注云望諸明都也在睢陽禹貢豫州云導荷澤被孟豬左傳亦作孟豬文不同者

聲轉字異正是一地也 楚有雲夢注今南郡華容縣東南巴丘湖是也 釋曰周禮荊州云其澤藪曰雲曹鄭注云雲曹在華容禹貢云雲土夢作又昭三年左傳楚子與鄭伯田于江南之夢又定四年楚子涉睢濟江入于雲中杜預云南郡枝江縣西有雲夢城江夏安陸縣東南亦有夢城或曰南郡華容縣東南有巴丘湖江南之夢也雲夢一澤而每處有名者司馬相如子虛賦云雲夢者方九百里則此澤跨江南北亦得單稱雲單稱夢曹即夢也 吳越之間有具區注今吳縣南太湖即震澤是也 釋曰周禮揚州云其澤藪曰具區鄭注云在吳南地理志云會稽吳縣故周泰伯所封國也具區在西古文以為震澤禹貢揚州云三江既入震澤底定是也 齊有海隅注海濱廣斥 釋曰此營州藪也云海濱廣斥禹貢文也孔傳云濱涯也言復其斥鹵案說文云鹵鹹地也東方謂之斥西方謂之鹵海畔迴闊地皆斥鹵故云廣斥也 燕有昭余祁注今太原鄆陵縣北丸澤是也 釋曰周禮并州其澤藪曰昭餘祁鄭注云在鄆地理志云鄆丸澤在北是為昭餘祁并州藪是也 鄭有圃田注今災陽中牟縣西圃田澤是也 釋曰周禮豫州云其澤藪曰圃田鄭注云在中牟地理志云中牟圃田澤在西豫州藪僖三十三年左傳云鄭之有原圃猶

秦之有具囿也又詩車攻云東有甫草鄭玄以為甫田之草皆謂此也 周有  
 焦護注今扶風池陽縣瓠中是也 釋曰孫炎云周岐周也詩六月云玁狁匪  
 茹整居焦護是也時人謂之瓠中也 十藪 釋曰此題上事也說文云大澤  
 也風俗通云藪厚也有草木魚鼈所以厚養人也 東陵至是也 釋曰此五  
 方之陵名也其義及所在未詳云鴈門是也者此指解北陵也即鴈門山是也  
 陵莫大於加陵 釋曰莫無也陵大阜也言陵無大於加陵者謂加陵最大也  
 今所在未聞 梁莫大於溴梁注溴水名梁隄也 釋曰釋宮云隄謂之梁  
 詩傳云石絕水曰梁然則以土石為隄障絕水者名梁雖所在皆有而無大於  
 溴水之旁者杜預云溴水出河內軹縣東南至温入河春秋襄十六年公會晉  
 侯以下于溴梁是也 墳莫大於河墳 釋曰墳大防亦謂隄雖水所皆有而  
 河墳最大也 八陵 釋曰此亦隄上事也大阜曰陵溴梁河墳雖非大阜以  
 其絕大若陵故通謂之八陵也 東方至生焉 釋曰此釋八方中國名山所產  
 之物也 注醫無至玉屬 釋曰案地理志遼東郡無慮縣應劭曰慮音閭  
 顏師古曰即所謂醫巫閭是縣因山為名故云山名今在遼東周禮幽州鎮也  
 云珣玕琪玉屬者說文云珣周書所謂夷玉也玕石之似玉者琪玉也皆玉之

類也故云玉屬 注會稽至縣也 釋曰周禮揚州云其山鎮曰會稽鄭注云  
 在山陰地理志會稽郡山陰縣云會稽在南上有禹冢禹井故云山名今在山  
 陰縣南也云竹箭篠也者禹貢揚州云篠簜既敷釋草云篠竹箭也郭云別二  
 名則竹箭一名篠是竹之小者可以為箭幹者也 南方之美者有梁山之犀  
 象焉 釋曰郭氏不注梁山所在犀象二獸皮角牙骨材之美者也 注黃金  
 璠石之屬 釋曰經惟言金知黃金者以三品之中黃金為上此言美者故知黃  
 金璠石之次玉者玉藻至佩璠玕而緼組綬是也其類非一故云之屬 注  
 霍山至精好 釋曰周禮異州其山鎮曰霍山鄭云在彘案地理志河東郡彘  
 縣云霍大山在東冀州山周厲王所奔應劭曰順帝改曰永安然則東晉時屬  
 平陽郡而縣名永安故云今在平陽永安縣也云珠如今雜珠而精好者郭氏  
 時驗為然也 注璆琳至玕樹 釋曰璆與球同說文云璆玉磬也琳美玉名  
 書云夏擊鳴球美玉可以為磬故皆云美玉也云山海經曰者案海內西經云  
 帝之下都崑崙之虛方八百里高萬仞其上有三頭人琅玕樹注云琅玕子似珠  
 是也 注幽都至筋角 釋曰山海經云北海之內有山名曰幽都之山是也  
 東北至皮焉 釋曰斥山山名也文皮虎豹之屬其皮毛有文采細縟故謂之

文皮焉 中有至生焉 釋曰岱岳泰山也此言中國也五穀黍稷麻麥豆也  
 泰山東近海禹貢海岱惟青州厥貢鹽絺海物惟錯言其饒多非一釋故注云  
 言泰山有魚鹽之饒也 九府 釋曰此亦題上事也府聚也財物之所藏也  
 言此八方及中皆美物之所聚藏故題云九府也 東方至氣也 釋曰此釋  
 五方異氣而產非常之物也云東方有比目魚焉者言東方水中有魚其形狀  
 似牛脾鱗細紫黑色一眼兩片相合兩目相比乃得行故曰比目魚云不比不  
 行者比合也言一片不能行須兩片相合乃行故云不比不行也云其名謂之  
 鰈者言鰈為此魚之名也一名比目魚一名鰈郭云江東又呼為王餘魚 注  
 似鳧至乃飛 釋曰案山海經云崇吾山有鳥狀如鳧一翼一目相得乃飛名  
 曰蠻蠻郭云比翼鳥也色青赤不比不能飛爾雅作鵙鵙者正謂此也 西方至  
 之歷 釋曰云西方有比肩獸焉者此謂歷也與印印距虛相比歷則肩卑不  
 能走而能取甘草印印距虛則肩高不得取甘草而善走穆天子傳曰印印距  
 虛走百里是也故各以其能而濟所不能歷常為印印距虛齧取甘美之草仰  
 而食之即有急難印印距虛則皆資而走者其名謂之歷也 注呂氏至音厥  
 釋曰云呂氏春秋者案漢書藝文志云呂氏春秋二十六篇秦相呂不韋輯

略土作也云曰北方有獸至則顛者大慎覽順說篇之文也引之反以證印印  
 距虛之形也然則以下郭氏注云今鴈門廣武縣云云者自驗知之也 北方  
 至迭望 釋曰此即半體人也兩半相比乃得為人作動及禦非常以肩在上  
 而顯故謂之比肩民焉迭更也謂一體取食則一體瞻望所以備驚急也故云  
 迭食而迭望 中有枳首蛇焉 釋曰枳岐也此即兩頭蛇也江東呼越王約  
 髮言是越王約髮所變也亦名弩弦即以形相似而名之也 五方 釋曰亦  
 題上事也言是五方風氣殊異而生此怪物也 邑外至曰畬 釋曰此釋郊  
 野之地遠近高下不同之名也云邑外謂之郊者邑國都也謂國都城之外  
 名郊也云郊外謂之牧者言可放牧也書牧誓云王朝至于商郊牧野乃誓是  
 也云牧外謂之野者言牧外之地名野詩傳云郊外曰野者以細別言之則郊  
 外之地名牧牧外之地名野若大判而言則野者郊外通名故周禮六遂在遠  
 郊之外遂人職云凡治野田是其郊外之地總稱野也云野外謂之林者言野  
 外之地名林以其去都邑遠薪采者少其地可長木林因名云也云林外謂之  
 坳者言林外之地最為遠野名坳魯頌云駟駒牡馬在坳之野毛傳云坳遠野  
 是也 注邑國至里也 釋曰云邑國都也者案周禮四縣為都四井為邑春

秋莊二十八年左氏傳曰凡邑有宗廟先君之主曰都無曰邑然則邑與都異此爲一者彼對文之例耳但都者聚居之處故詩小雅云彼都人士說文云邑國也是天子諸侯所居國城或謂之邑或謂之都故以國都解邑也云假令百里之國五十里之界界各十里也者以其百里之國國都在中去境五十里每十里而異其名則坳爲邊畔去國最遠故毛傳以爲遠野也此假令者據小國言之郊爲遠郊牧野林坳自郊外爲差耳然則郊之遠近計國境之廣狹以爲差也聘禮云賓及郊注云郊遠郊周制天子畿內千里遠郊百里以此差之遠郊上公五十里侯四十里伯三十里子二十里男十里也近郊各半之是鄭之所約也是以司馬法云王國百里爲遠郊又此經從邑之外止有五名明當每皆百里故知遠郊百里也知近郊半之者書序云周公既沒命君陳分正東郊成周於時周都王城而謂成周爲東郊則成周在其郊也於漢王城爲河南成周爲洛陽相去不容百里則所言郊者謂近郊故鄭注云天子近郊五十里今河南洛陽相去則然是鄭以河南洛陽約近郊之里數也周禮杜子春注云五十里爲近郊白虎通亦云近郊五十里遠郊百里是儒者相傳爲然也下溼曰隰者謂地形庫下而水溼者李巡曰下溼謂土地窳下常沮洳名爲隰也

云大野曰平者大野之澤一名平魯有大野是也云廣平曰原者謂澤之廣平者亦名原漢以平原爲郡名屬青州云高平曰陸大陸曰阜大阜曰陵大陵曰阿者李巡曰高平謂土地豐正名爲陸土地高大名曰阜最大名爲陵陵之大者名阿詩大雅皇矣云無矢我陵我阿是也此上七者或萊沛沮洳或險陷磽确雖不可種穀給食亦得其名也云可食曰原陂者曰阪下者曰隰此三者釋地形雖有高下不平皆可種穀給食高而可食者名原詩大雅云篤公劉于胥斯原是也陂陀不平而可食者名阪詩小雅正月云瞻彼阪田有苑其特是也下平而可食者名隰本作溼誤注公羊傳曰下平曰隰釋曰此昭元年傳文也案彼云晉荀吳帥師敗狄于大原此大鹵也曷爲謂之大原地物從中國邑人名從主人原者何上平曰原下平曰隰何休云分別之者地勢各有所生原宜粟隰宜麥當教民所宜因以制貢賦是也田一歲曰菑二歲曰新田三歲曰畬釋曰此釋耕田年歲遠近名義不同之事也菑者災也畬和柔之意也孫炎云菑始災殺其草木也新田成柔田也畬和也田舒緩也郭云今江東呼初耕地反草爲菑注詩曰于彼新田釋曰此小雅采芑篇文也案彼云薄言采芑于彼新田于此菑畝毛傳取此文爲說故引爲證也注

易曰不畜畚 釋曰此无妄六二爻辭也鄭注亦取此文故引以為證也

野 釋曰此亦題上事也上自邑外謂之郊以下雖遠近高下其名不同野為

摠稱故題云野 東至至人武 釋曰此釋九州之外四方極遠之國名及其

人性稟氣不同也秦遠邠國濮鈞祝栗此四方極遠之國名也觚竹者漢書地

理志遼西令支有孤竹城是也北戶者即日南郡是也顏師古曰言其在日之

南所謂北戶以向日者西王母者山海西荒經云西海之中流沙之濱赤水之

後黑水之前有大山名崑崙之丘有人戴勝虎齒有尾穴處名曰西王母又穆

天子傳曰天子賓于西王母乃紀其迹于弇山名曰西王母之山是也日下者

謂日所出處其下之國也山海東荒經云大荒之中有山名曰大言日月所出

有波谷山者有大人之國又云大荒之中有山名曰合虛日月所出有中容之

國如此之類是也云謂之四荒者言聲教不及無禮義文章是四方昏荒之國

也在上四極之內云九夷八狄七戎六蠻謂之四海者孫炎云海之言晦晦聞

於禮義也 注九夷至荒者 釋曰知在東西南北者以曲禮云其在東夷北

狄西戎南蠻雖大曰子故也案風俗通云東方人好生萬物觚觸地而出夷者

觚也其類有九依東夷傳夷有九種曰畎夷于夷方夷黃夷白夷赤夷玄夷風

夷陽夷又一曰玄菟二曰樂浪三曰高驪四曰蒲飾五曰晁夷六曰索豕七曰

東屠八曰倭人九曰天鄙蠻者風俗通云君臣同川而浴極為簡慢蠻者慢

也其類有八李巡云一曰天竺二曰咳首三曰僬僥四曰跂踵五曰穿胷六曰

僮耳七曰狗軼八曰旁春戎者風俗通云斬伐殺生不得其中戎者兇也其類

有六李巡云一曰僥夷二曰戎矢三曰老白四曰耆羌五曰鼻息六曰天剛狄

者風俗通云父子媿叔同穴無別狄者辟也其行邪辟其類有五李巡云一曰

月支二曰穢貊三曰匈奴四曰單于五曰白屋案李巡所注爾雅本謂之四海

下更三句云八蠻在南方六戎在西方五狄在北方故得此解孫炎郭氏諸本

皆無此三句案明堂位稱九夷八蠻六戎五狄周禮職方氏掌四夷八蠻七閩

九貉五戎六狄之人鄭注云四八七九五六周之所服國數也徧檢經傳四夷

之數參差不同先儒舊解此爾雅上文殷制明堂位及職方并爾雅下文皆為

周制義或當然此在四荒之內九州之外於王者世一見周禮曰九州之外謂之

蕃國世一見是也故云次四荒者 距齊州以南戴日為丹穴 釋曰此明四

海之中別有下四種之名也距去也齊中也中州猶言中國也戴值也言去中

國以南北戶以北值日之下其處名丹穴天老說鳳云濯羽弱水莫宿丹穴又

山海經云禱過山東五百里曰丹穴山是乎云北戴斗極為空桐者斗北斗也極者中宮天極星其一明者泰一之常居也以其居天之中故謂之極極中也北斗拱極故云斗極值此斗極之下其處名空桐 注即蒙汜也 釋曰即者即淮南子云日出扶桑入於蒙汜是也 注地氣使之然也 釋曰言是土地之氣剛柔不同使之仁智信武耳若考工記云鄭之刀宋之斤魯之削吳越之劍遷乎其地而弗能為良地氣然也

釋丘第十

釋曰案廣雅云小陵曰丘說文解字曰土之高也非人所為也從北從二地也人居在丘南故從北中邦之居在崐崙東南一曰四方高中央下為丘象形此下云非人為之丘然則土有自然而高小於陵者名丘也其體雖一其名則多或近道途或因水澤所如則陵畝各異其重則再三不同通見詩書此篇具釋故名釋丘 丘一成為敦丘釋曰成重也言丘上更有一丘相重累者名敦丘詩衛風氓篇云送子涉淇至于頓丘是也 注成猶至為敦 釋曰孫炎云形如覆敦敦器似盃今案下文別云如覆敦者敦丘則此自是丘之一重者故郭氏云成猶重也與孫氏意異云周禮曰為壇三成者此秋官司儀職文也鄭司

農云三成三重也引之證成為重也 再成為陶丘 釋曰丘形上有兩丘相重累者名陶丘李巡曰再成其形再重也禹貢曰濟水東出于陶丘北是也注今濟至陶丘 釋曰濟陰郡名定陶縣名地理志云定陶縣西南有陶丘亭是也 再成銳上為融丘 釋曰丘形再重而頂鐵者名融丘也 三成為崐崙丘 釋曰丘形三重者名為崐崙丘 注崐崙山三重故以名云 釋曰崐崙山記云崐崙山一名崐丘三重高萬一千里是也凡丘之形三重者因取此名云耳 如築者築丘 釋曰郭氏兩解一云形似車築也 二或云築謂稻田塍埒築切 許叔重云塍埒稻田畦隄埒畔也案地理志云泰山有築丘春秋莊十年公敗宋師于乘丘是因丘以為名乎 如階者階丘 釋曰階水中可居之小者丘形似之名為階丘也 水潦所止泥丘 釋曰水潦雨水也丘形頂上污下雨水停止而成泥濘者名泥丘 方丘胡丘 釋曰丘形四方者名胡丘 絕高為之京 釋曰言卓絕高大如丘而人力為作之者名京案春秋宣十二年左氏傳楚敗晉師於邲潘黨曰君盍築武軍而收晉尸以為京觀楚子曰云云今罪無所而民皆盡忠以死君命又可以為京乎是其類也非人為之丘 釋曰李巡云謂非人力所為自然生者孫炎曰地性自然也故



郭云地自然生 水潦所還埒也 釋曰還環繞也埒小隄也壘土爲之言此  
上正章也 釋曰正者名章也章亦平也 澤中有也都也 釋曰都水所聚也言在池澤中者  
因名都也 當途梧也 釋曰途道也梧遇也當道有梧梧言若相遇於  
道路然也 途出其右而還之畫也 釋曰右謂西也還繞也畫規畫也言道  
出也西而復環繞之者名畫也若爲道所規畫然也 途出其前戴也 釋  
曰謂道過也南若爲道負戴故名戴也 途出其後昌也 釋曰謂道過  
北者名昌也 水出至營也 釋曰此釋也之前後左右有水過之者名也左  
右猶東西也 注今齊至及東 釋曰地理志云齊郡臨淄城中有也即營也  
也志又云泰山萊蕪縣淄水所出東至博昌入沛然則淄水出萊蕪經臨淄過  
營也南折而北至博昌入沛也言此以證水出其左名營也 如覆敦者敦  
也注敦盃 釋曰案周禮九嬪職云凡祭祀贊玉盃注云玉盃敦也受黍稷  
器又少牢禮曰主婦執壹金敦黍有蓋凡設四敦皆南首注云敦有首者尊者  
器飾也飾象龜形孝經緯說敦與簠簋容受雖同上下內外皆圓爲異郭氏  
言敦盃舉其類而言之也也形如覆敦者名敦也 邈也沙也注旁行連延

釋曰說文云邈行也邈邪行也故注云旁行連延也連延謂連接延長也形邪  
行連接而長者名沙也地理志云鉅鹿有紂所作沙也臺在東北七十里 左  
高至陵也 釋曰此四者釋也形左右前後高而名不同者也 注詩云旄也  
之葛兮 釋曰邈風旄也篇文也 偏高阿也注詩云陟彼阿也 釋曰謂也  
形四隅有一高而不正在左右前後者名阿也詩云者鄘風載馳篇文也  
宛中宛也注宛謂中央隆高 釋曰案詩陳風云宛也之上兮毛傳云四方高中  
央下曰宛也李巡孫炎亦皆云中央下而郭氏以爲中央高者以其四方高中  
央下即是上文水潦所止泥也又下云上有也爲宛也作者嫌人不曉故  
重辨之既言上有也非中央隆高而何此郭氏所以不從先儒也 也背有  
也爲負也 釋曰此解宛也之狀也言中央隆峻若背之上更有一也而負  
戴之者名宛也又名負也 左澤定也 釋曰謂也之東有水澤者名定也  
右陵泰也 釋曰謂也之西有大阜者名泰也 注宋有大也社曰見史記  
釋曰案六國年表周顯王三十三年秦惠文王二年宋大也社亡是也宋依也  
作社在宋國於時亡去故云大也社亡亦咎徵也 如畝畝也 釋曰李巡曰  
謂也如田畝曰畝也孫炎曰方百步郭以爲畝田之壟也也形有界埒似之因

名云詩小雅巷伯云楊園之道倚於畝丘是也 如陵陵丘注陵大阜也 釋曰丘形如大阜者名陵丘云陵大阜者釋地文也 注說者至在耳 釋曰此郭氏破先儒說天下名丘未當也碌小石也碌碌多貌恐此州黎等五丘碌碌然小耳史記毛遂入楚謂平原君諸舍人曰公等碌碌所謂因人成事者也意相類也殆近也近自更有魁梧然桀大者五但名號所在今所未詳知也此已上釋眾丘之名義故題曰丘也 望厓洒而高岸 釋曰望視也厓水邊也洒水深也言視水邊之厓其下水深其厓高峻者名岸詩衛風云淇則有岸夷上洒下不濬 釋曰李巡云夷上平上洒下陷下故名濬孫炎曰平上陷下故名曰濬不者蓋衍字郭云厓上平坦而下 深者為濬不發聲也詩王風葛藟云在河之濬是也 噢隈 釋曰噢一名隈也孫炎云隈水曲中也詩衛風云瞻彼淇隈故此釋之也 注淮南子曰漁者不爭隈 釋曰案淮南子原迫篇云昔舜耕於歷山暮年而田者爭處境垆以封畔肥饒相讓釣於河濱暮年而漁者爭處湍瀨以曲隈深潭相予是不爭隈之事也引之以證隈即厓內深隈之處也 厓內為噢外為隈 釋曰別厓表裏之名也孫炎云內曲裏也外曲表也李巡曰厓內近水為噢其外為鞫此句覆釋上文噢隈之處也云

外為隈者隈當作鞫博寫誤也詩大雅公劉云芮鞫之即毛傳云水之外曰鞫然則厓在水曲其內名噢又名隈其外名鞫又作坵音義同今以噢隈一事分為外內之名故知誤也 畢堂牆 釋曰李巡云堂牆名厓似堂牆曰畢郭以畢終南山之道名也其邊之厓如堂室之牆言平正也詩秦風云終南何有有紀有堂是也 重岸厓 釋曰言兩厓相重累者亦名岸也 岸上濬 釋曰岸上平地去水稍遠者名濬詩大雅縣篇云率西水濬之類是也 墳大防 釋曰李巡曰墳謂厓岸狀如墳墓名大防也詩周南云遵彼汝墳又釋地云墳莫大於河墳是也 洙為厓 釋曰李巡曰洙一名厓厓謂水邊也詩秦風云所謂伊人在水之洙是也 窮瀆汜 釋曰謂窮困不過之水瀆名汜也亦得名谿即釋山云山嶺無所通谿郭注云所謂窮瀆者雖無所通與水注川同名是也 谷者激 釋曰謂窮瀆汜若能通於谷者則別名激也此以上釋厓岸之名也故題厓岸 釋山第十一 釋曰案釋名云山產也言產生萬物說文云山宣也宣氣散生萬物有石而高象形也此篇釋諸山之名故云釋山 河南華至江南衡 釋曰篇首載此五

山者以為中國之名山也案周禮職方氏河南曰豫州其山鎮曰華山正西曰雍州其山鎮曰嶽正東曰兗州其山鎮曰岱山正北曰并州其山鎮曰恒山正南曰荊州其山鎮曰衡山鄭注云鎮名山安地德者也又為五嶽知者案鄭注大司樂云五嶽岱在兗州衡在荊州華在豫州嶽在雍州恒在并州是也案下文及經典羣書言五嶽者皆數嵩高不數嶽而鄭云然者蓋鄭有所案據更見異意也其正名五嶽必取嵩高為定解下文別釋云河南華注華陰山者案禹貢導河積石至于龍門南至于華陰東至于底柱孔安國云河自龍門南流至華山北而東行然則此山在河之南故曰河南華下皆放此在華陰縣界故曰華陰山也云河西嶽注吳嶽者在西河之西一名吳嶽鄭立云在汧云河東岱注岱宗泰山者在東河之東一名岱宗一名泰山鄭立云在博云河北恒注北嶽恒山者下文恒山為北嶽是也鄭立云在上曲陽云江南衡注衡山南嶽者禹貢云岷山導江又曰岷山之陽至于衡山孔江云衡山江所經然則江水經此山之北東入于海故曰江南衡也鄭注大宗伯云五嶽南曰衡山是也山三襲陟注襲亦重釋曰山之形若三山重累者名陟重衣謂之襲故以襲為重也上篇注已云成猶重也故此云亦也再成英注兩山相重釋曰成

重也山形兩重者名英今南郡英山縣蓋取此名也一成坏注書曰至于大伾釋曰案此文則山上更有一山重累者名坏書曰者禹貢文也孔安國云山再成曰伾與此不同者蓋所見異也鄭立云大伾在脩武武德之界張揖云成臯縣山也漢書音義臣瓚以為皆非今黎陽縣山臨河豈不是大伾乎瓚意當然山大而高崧注今中嶽高山蓋依此名釋曰詩大雅云崧高維嶽毛傳云崧高貌釋名云崧竦也亦高稱也李巡曰高大曰崧此則山高者自名崧本不指中嶽今之中嶽名嵩高或取此文以立名乎無正文故云蓋以疑之山小而高岑注言岑崧釋曰言山形雖小而高嶽崧者名岑也銳而高嶽注言鐵峻釋曰銳則鐵也言山形鐵峻而高者名嶽列子曰渤海之東有壑其中山曰員嶠蓋同此也卑而大扈注扈廣貌釋曰言山形卑下而廣大者名扈禮記檀弓云南宮縚之妻之姑之喪夫子誨之髻曰爾母扈扈爾鄭注云扈扈謂大廣蓋取此義也小而眾歸注小山叢羅釋曰言山小而眾叢萃羅列者名歸小山岌大山垣注岌謂高過釋曰言小山與大山相並而小山高過於大山者名岌非謂小山名岌大山名垣也屬者嶧注言駱驛相連屬釋曰言山形相連屬駱驛然不絕者名嶧駱驛連屬不絕之辭禹貢云嶧陽

孤桐地理志云東海下邳縣西有葛嶧山取此名也 獨者蜀注蜀亦孤獨  
 釋曰言山之孤獨者名蜀案說文云蜀蟲名詩云蚰蚸者蜀釋蟲云蛇烏蠋郭  
 云大蟲如指似蠶此蟲更無羣匹故云蜀亦孤獨既蟲之孤獨者名蜀是以山  
 之孤獨者亦名蜀也 上正章注山土平 釋曰正猶平也言山形土平者名  
 章 宛中隆注山中央高 釋曰言山形中央蘊聚而高者名隆 山脊岡注  
 謂山長脊 釋曰孫炎云長山之脊也言高山之長脊名岡詩云陟彼高岡是  
 也 未及上翠微注近上旁陂 釋曰謂未及頂土在旁陂陀之處名翠微一  
 說山氣青縹色故曰翠微也 山頂冢峯者屢屨 釋曰此二句釋小雅十月  
 云山冢峯崩之文也毛傳云山頂曰冢鄭箋云峯者崔嵬雖音字小異義實  
 同也是取此文為說彼云冢者謂山頂也釋言三顛頂也故此郭云山巔彼云峯  
 者謂山巔之末其峯巉巖屢屨然者也 山如堂者密 釋曰言山形如堂室  
 者名密 注尸子至美撻 釋曰此尸子綽子篇文引之證山有名密者如防  
 者盛注防隄 釋曰此盛讀如柔盛之盛隄防之形墮而高峻若黍稷之在器  
 故其山形如隄防者亦名盛也 巒山墮 釋曰凡物狹而長者謂之墮則此  
 言山墮者謂山形狹長者一名巒也 注詩曰墮山喬嶽 釋曰周頌般篇文

也 重甌隄注謂山至名云 釋曰孫炎云山墓有重岸也郭云甌甌者鄭眾  
 注考工記云甌無底甌方言云甌自關而東謂之甌故知甌甌也 左右有岸  
 屈注夾山有岸 釋曰謂山兩邊有水山與水為岸此山名屈 大山宮小山  
 霍 釋曰宮猶圍繞也謂小山在中大山在外圍繞之山形若此者名霍非謂  
 大山名宮小山名霍也 注宮謂至是也 釋曰云禮記曰者喪大記文也鄭  
 注云宮謂圍障之也引之者證宮為圍繞之義也 小山別大山鮮注不相連  
 釋曰謂小山與大山分別不相連屬者名鮮李巡云大山少故曰鮮 山絕陸  
 注連山中斷絕 釋曰謂山形連延中忽斷絕者名陸 多小石礫注多礫  
 釋曰礫即小石也山多此小石者名礫釋名曰小石曰礫 多大石礫注多  
 盤石 釋曰盤大石也山多此盤石者名礫 多草木岵無草木岵注皆見  
 詩 釋曰岵當作岵音起案詩魏風云陟彼岵兮瞻望父兮又曰陟彼岵兮瞻  
 望母兮毛傳云山無草木曰岵山有草木曰岵與此不同者當是傳寫誤也王  
 肅解依爾雅 山上有水埒注有停泉 釋曰謂山巔之上有停泉者名埒  
 夏有水冬無水泉注有停潦 釋曰潦雨水也言山上污下夏有停潦至冬竭  
 固者名泉 山續無所通谿 釋曰續即溝瀆也山有續而無通流者名谿

注所謂至同名 釋曰云所謂者所謂釋丘云窮瀆汜者也云與水注川同名者即釋水云水注川曰谿是也 石戴至爲砮 釋曰詩周南卷耳云陟彼崔嵬又云陟彼砮矣毛傳云崔嵬土山之戴石者石山戴土曰砮與此正反者或傳寫誤也 山夾水澗陵夾水澗 釋曰謂山間有水者名澗詩云考槃在澗是也其陵間有水者名澗 山有穴爲岫 釋曰謂山有巖穴者爲岫也 山西曰夕陽注暮乃見日 釋曰日即陽也夕始得陽故名夕陽詩大雅公劉云度其夕陽幽居允荒是也 山東曰朝陽注旦即見日 釋曰謂山頂之東皆早朝見日但是山東之岡脊總曰朝陽詩大雅卷阿曰梧桐生矣于彼朝陽是也 泰山至中嶽 釋曰案周禮大宗伯云以血祭祭社稷五祀五嶽故此釋之也白虎通云嶽者何謂嶽之爲言捩捩功德也東方爲岱者言萬物皆相代於東方也南方爲霍霍之爲言護也言太陽用事護養萬物也西方爲華華之爲言獲也言萬物成熟可得獲也北方爲恒恒者常也萬物伏藏於北方其常也中央爲嵩嵩言其峻大也風俗通云嶽捩考功德黜陟也然則以四方方有一山天子巡守至其下捩考諸侯功德而黜陟之故謂之嶽也案詩傳言四嶽之名東嶽岱南嶽衡此及諸經傳多云泰山爲東嶽霍山爲南嶽者皆山

有二名也風俗通云泰山山之尊一曰岱宗岱始也宗長也萬物之始陰陽交代故爲五嶽長王者受命恒封禪之衡山一名霍言萬物霍然大也華變也萬物成變由於西方也恒常也萬物伏北方有常也嵩高也言高大也是解衡之與霍泰之與岱皆一山而有二名也若此上云江南衡地理志云衡山在長沙湘南縣張楫廣雅云天柱謂之霍山地理志云天柱在廬江潛縣則在江北矣而云衡霍一山二名者本衡山一名霍山漢武帝移嶽神於天柱又名天柱亦爲霍故漢已來衡霍別耳郭云霍山今在廬江潛縣西南別名天柱山漢武帝以衡山遼曠移其神於此今其土俗人皆呼之爲南嶽南嶽本自以兩山爲名非從近也而學者多以霍山不得爲南嶽又言從漢武帝始乃名之如此言爲武帝在爾雅前乎斯不然矣竊以璞言爲然何則孫炎以霍山爲誤當作衡山案書傳虞夏傳及白虎通風俗通廣雅並云霍山爲南嶽豈諸文皆誤明是衡山一名霍也 注即天柱山潛水所出 釋曰此據作注時霍山爲言也此山本名天柱漢武帝移江南霍山之祀於此故又名霍山其經之霍山即江南衡是也故上注云衡山南嶽也 注大室山也 釋曰案山海經云半石山東五十里曰少室山又東三十里曰泰室山郭注云即中嶽嵩高山也今在陽

城縣西戴延之西征記云其山東謂之太室西謂之少室相去十七里嵩其總名也以其下各有室焉故謂之室是也梁山晉望也注晉國至河上 釋曰言梁山在晉國境內晉以歲時望祭之故云晉望也注晉國所望祭者案春秋僖三十一年經云夏四月四卜郊不從乃免牲猶三望公羊傳云三望者何望祭也鄭君以為望者祭山川之名也諸侯之祭山川在其地者非其地則不祭賈逵服虔杜預皆以為三望分野之里國中山川楚語云天子徧祀羣神品物諸侯二王後祀天地三辰及其土地之山川注國語者皆云諸侯二王後祀天地三辰日月星也非二王後祀分野星辰山也以此言之則分野之星國內山川其義是也今案昭元年左傳云辰為商星參為晉星又禮記禮器云晉人將有事於河必先有事於呼池及此云梁山晉望也然則晉國二望謂參也梁山也河也故云晉國所望祭者云今在馮翊夏陽縣西北者地理志文也知臨河上者成五年公羊傳曰梁山者何河上之山也故知臨河上

釋水第十二

釋曰說文解字云水準也北方之行象眾水並流中有微陽之氣也白虎通云水之為言准也是平均法則之稱此篇釋諸水之名故曰釋水 泉一見一否

為瀝 釋曰說文云泉水原也言此泉其水有時出見有時不出而竭涸者名

瀝謂瀝微也故注云纔有貌 井一有水一無水為瀾洿 釋曰說文云井鑿

地取水也釋名云井清也泉之清絜者也世本云伯益作亦云黃帝始穿此言

井或一時有水一時無水者名瀾洿也 注山海至類也 釋曰案中山經云

帝囿山東南五十里曰視山其上多韭有井焉名天井夏有水冬竭者是也孫

子兵法云地陷曰天井然則非人為之者曰天井云即此類也者以此經但言

井山海經言天井非正相當故云類也 濫泉正出正出涌出也 釋曰詩大

雅瞻卬云鸞沸檻泉故此釋之也詩言檻泉者正直上出之泉也其水涌出

故更云正出涌出也李巡曰水泉從下上出曰涌泉濫檻音義同 注公羊至

正也 釋曰案昭五年傳云叔弓帥師敗莒師于濇泉濇泉者何直泉也直泉

者涌泉也是其事也郭云直出者蓋以義言之彼言直此言正其意一也故云

直猶正也 沃泉縣出縣出下出也注從上溜下 釋曰李巡亦云水泉從上

溜下然則相傳為然也曹風云洌彼下泉則此沃泉也 洌泉穴出穴出

也注從旁出也 釋曰李巡曰水泉從旁出名曰洌洌仄出是側出曰洌泉也

大東云有洌洌泉是也 涇關流川注通流 釋曰說文解字云川貫穿通流

水也虞書曰濬畎澮距川言深畎澮之水會為川也釋名云川穿也穿地而流也然則深闊者則通流大川之別名也 過辨回川注旋流 釋曰回旋也言川水之中有回旋而流者名過辨 澮反入 釋曰反復也謂河水決出而復入河者名澮即下云水自河出為澮是也 澮沙出 釋曰言澮者是沙堆出於水中之名也故云沙出 澮出不流 釋曰謂水泉潛出停成汗池者名澮地理志云扶風澮縣雍州弦蒲澮出西北入渭以其初出不流停成弦蒲澮藪故曰澮出不流也其終則入渭也 歸異出同流肥 釋曰謂小水支分歸入大水則異其泉源初出則同流者名肥即詩邶風泉水云我思肥泉茲之永歎毛傳云所出同所歸異為肥泉是也 漢大出尾下 釋曰尾猶底也言源深大出於底下者名漢漢猶灑散也 注今河至底也 釋曰河東馮翊者皆郡名也云河中階上者皆謂水中可居之小者云人壅其流以為陂種稻者澤障曰陂謂人壅畜此水以為陂澤而溉稻田也云漢魁者魁師也首也以其水源故謂之魁也 水醮曰醮 釋曰醮盡也凡水之盡皆曰醮醮則竭涸之一名也 水自至汝為澮 釋曰此十者皆大水分出別為小水之名也注書曰澮沮會同 釋曰禹貢兗州云雷夏既澤澮沮會同孔安國云雷夏澤

名澮沮二水會同此澤引之證水自河出別名為澮也 注書曰沱潛既道釋曰禹貢梁州云岷嶓既藝沱潛既道孔安國云岷山嶓冢皆山名沱潛發源此州入荊州案地理志云蜀郡有湔道岷山在西徼外江水所出也隴西郡西縣嶓冢山西漢水所出是二者皆山名也沱出于江潛出于漢二水發源此州而入荊州故荊州亦云沱潛既道案郭氏音義云沱水自蜀郡都水縣嶓山與江別而更流又云有水從漢中沔陽南流至梓潼漢壽入大穴中通峒山下西南潛出一名沔水舊俗云即禹貢潛也郭氏此言並解梁州沱潛也然則此注言書曰者亦指梁州者也所以荊州亦有沱潛者蓋以水從江漢出者皆曰沱潛所以荆梁二州皆有也 注書曰岷山導江東別為沱 釋曰亦禹貢文也孔安國云江東南流沱東行引之證江水溢出名沱也 注詩曰遵彼汝墳釋曰此周南汝墳篇文也毛傳云汝水名也墳大防也毛意以為伐薪宜於厓岸之上故以大防解之郭意以為汝墳所分之處有美地因謂之墳且毛詩墳從土此墳從水所以異也 水決之澤為澮 釋曰凡水為人所決陂障為澤者亦與上出不流者同名澮也 決復入為澮 釋曰凡水決之歧流復還本水者名澮詩召南云江有澮是也 河水至為徑 釋曰案詩魏風伐檀篇云

河水清且漣漪又曰河水清且直漪又曰河水清且淪漪故此釋之毛傳云風行水成文曰漣直直波也小風水成文轉如輪也李巡云分別水大小曲直之名郭氏云瀾言渙瀾淪言蘊淪徑言徑澁然則瀾直淪論水波之異漪皆辭也案詩漣淪皆言波名直波不言徑而言直又在淪漪前者取韻故也瀾漣雖異而義同瀾漪先舉詩文然後釋之直淪不舉者省文從可知也 泔水厓注水邊地 釋曰謂水邊厓岸之地別名泔李巡曰泔水邊地名厓也詩大雅江漢云江漢之泔是也 注詩曰居河之湄 釋曰此小雅巧言之篇文也以詩有此言故釋之云水草交爲湄李巡曰水中有草水交會曰湄今詩作麋音義同濟有至爲厲 釋曰案詩邶風匏有苦葉篇云匏有苦葉濟有深涉深則厲淺則揭故此先引詩文然後釋之云揭者揭衣也謂渡處水淺惟褰裳可涉者名揭注云謂褰裳也者對文言之則在上曰衣在下曰裳散而言之則通是以此經言揭衣注言褰裳曲禮云兩手握衣去齊尺衣亦謂裳也云以衣涉水爲厲者此衣謂禪也言水深至於禪以上者而涉渡者名厲云繇膝以下爲揭者此更釋揭涉及厲之名繇與由同繇由也言水淺自膝以下爲揭水差深自膝以上者爲涉水若深至衣帶以上者爲厲注云繇自也釋詁文潛行爲泳 釋

曰謂人潛隱水底而行者名爲泳詩周南漢廣云漢之廣矣不可泳思是矣注晏子至七里 釋曰晏子者名嬰諡平仲相齊景公孔子稱善與人交者也著書謂之晏子春秋云景公蓄勇士公孫接田開疆古冶子事景公以勇力搏於虎問晏子而趨三子者不起晏子見公請去之公乃使人餽之二桃令三子計功而食公孫接曰接一搏特獮再搏乳虎若接之功可以食桃而母與人同矣援桃而起田開疆曰吾杖兵卻三軍者再若開疆之功可以食桃而母與人同矣援桃而起古冶子曰吾嘗從君濟於河鼉銜左驂以八砥柱之下流當是時也冶少不能游潛行逆流百步順流九里得鼉而殺之左操馬尾右擊鼉頭鶴躍而出津人皆曰河伯也冶之視之則大鼉之首也若冶之功可以食桃而母與人同矣二子恥功不逮而自殺古冶子亦自殺是其所引之文也以證潛行爲泳之事也但彼作九里此作七里蓋傳寫誤或所見本異也 汎汎至綏也 一釋曰汎汎楊舟緋緇維之此詩小雅采芣篇文也云緋緇也緇綏也此釋詩緋緇之義也李巡云緋竹爲索所以維持舟者郭云綏繫孫炎云舟止繫之於樹木戾竹爲大索然則緋訓爲緋緋是大緇緇訓爲綏綏又爲繫正謂舟之止息以緇繫而維持之也 天子至乘泔 釋曰此釋尊卑橋船之異制也云天子



造舟者詩大雅大明云造舟爲梁是也言造舟者比船於水加版於上卽今之浮橋故杜預云造舟爲梁則河橋之謂也維舟以下則水上浮而行但船有多少爲等差耳云庶人乘泝者詩漢廣云江之永矣不可方思毛傳云方泝也釋言云舫泝郭注云水中箴筏論語曰乘桴浮於海注云桴編竹木大曰楫小曰桴是也桴泝音義同 水注至曰瀆注此皆道水轉相灌注所入之處名也釋曰郭云轉相灌注者蓋以川瀆皆水之大者也虞書云濬畎澮距川下云江河淮濟爲四瀆是也今若言水注川曰谿謂水之注入川者名谿則注入溝者名澮溝小如澮豈能容乎若言注溝曰澮謂注溝水入之者名澮則注川水入之者名谿杜預云谿亦澗也豈能容受川水乎然則水注川曰谿是澗谿之水注入於川也故李巡云水出於山入於川曰谿注谿曰谷謂山谷中水注入澗谿也山谷曰溝此以下與上不類謂山谷中水無澗谿者注入平地之溝溝廣深四尺注溝曰澮廣二尋深二仞曰澮謂注溝水入之者名澮注澮水入之者名瀆故注云轉相灌注也 逆流至泝游注皆見詩 釋曰案詩秦風蒹葭云溯洄從之道阻且長溯游從之宛在水中央是也孫炎曰逆渡者逆流也順渡者順流也然則逆流順流皆謂渡水有逆順也 正絕流曰亂 釋曰正直也謂

橫絕其流而直渡名曰亂 注書曰亂于河 釋曰案禹貢梁州云入于渭亂于河孔安國云越沔而北入渭浮東渡河而還帝都曰所治以帝都在河之東故直橫渡河陸行而還帝都也彼孔氏引此文故以爲證也 江河至者也 釋曰案白虎通云瀆者何謂瀆中國恬濁發源而注海其功著大稱瀆也案禹貢云導河積石至于龍門南至于華陰東至于底柱又東至于孟津東過洛汭至于大伾北過降水至于大陸又北播爲九河同爲逆河入于海岷山導江東別爲沱又東至于澧過九江至于東陵東迤北會于匯東爲中江入于海導沅水東流爲濟入于河溢爲滎東出于陶丘北又東至于荷又東北會于汶又北東入于海導淮自桐柏東會于泗沂東入于海是發源注海者也 水泉 釋曰題上事也下皆倣此 水中至爲澮 釋曰此一段釋水中之地名也故下題云水中案李巡云四方皆有水中央獨可居但大小異其名耳若人所作者則名澮周南云在河之洲召南云江有渚采繁云于沼于沚秦風蒹葭云宛在水中坻是其所出之文也 河出至一直 釋曰此一段釋河源所自及遠近曲直之勢也故下題云河曲云河出崑崙虛色白者崑崙山名虛山下基也言河源出於崑崙山下之基其初纖微源高激湊故水色白也云所渠并于七百者謂所受

之渠并計凡有一千七百也云一川色黃者以其所受渠多沙壤溷淆故爲一川而水色黃也云百里一小曲千里一曲一直者此河自然之勢也故謂之河曲 注山海至北隅 釋曰案海內西經云帝之下都崑崙之虛方八百里高萬仞河水出東北隅以行其北西南又入渤海又出海外即西北而北入禹所謂石山又北山經云敦夢山敦夢水出焉西注渤澤出乎崑崙東北隅實惟河源郭注云即河出崑崙虛也今注云西北者蓋所見本異或傳寫誤 注潛流至濁黃 釋曰云潛流地中者案漢書西域傳云河有兩源一出葱嶺一出于闐于闐在南山下其河北流與葱嶺河合東注蒲昌海蒲昌海一名鹽澤者去玉門陽關三百餘里廣袤三四百里其水停居冬夏不增減皆以爲潛行地下南出于積石爲中國河又山海經云不周山東望渤澤河水之所潛也其源渾渾泡泡郭注云河出崑崙潛行地下至葱嶺山于闐國復分流歧出合而東流注渤澤又復潛行南出于積石而爲中國河渤澤一名蒲昌海潛行渾渾泡泡水濱涌之貌是潛流地中也說文云汨水流也溷濁也淆雜亂也言水流激其沙壤所受之渠又多衆水溷濁雜亂所以宜其水濁且黃也 注公羊至一直 釋曰此文十二年傳文也案彼經云晉人戰于河曲傳云曷爲以水地河

曲疏矣河千里而一曲也言其河曲之地疏闊故可戰也引之證河必千里一曲一直之義然此注以疏爲流又加一直字誤也 徒駭至鬲津 釋曰案禹貢云九河既導故此釋其名下即題云九河也李巡曰徒駭者禹疏九河以徒衆起故曰徒駭太史禹大使徒衆通其水道故曰太史馬頰河勢上廣下狹狀如馬頰也覆釜水中多渚往往而處形如覆釜胡蘇其水下流故曰胡蘇胡下也蘇流也簡大也河水深而大也絜言河水多山石治之苦絜絜苦也鉤盤言河水曲如鉤屈折如盤也鬲津河水狹小可鬲以爲津也孫炎曰徒駭禹疏九河用功雖廣衆懼不成故曰徒駭胡蘇水流多散胡蘇然其餘同李巡郭云徒駭今在成平東光縣今有胡蘇亭馬頰覆釜鬲津之名同李巡簡云水多約絜鉤盤水曲如鉤流盤桓也餘名皆云其義未詳計禹成九河云復其故道則名應先有不宜徒駭太史因禹立名此郭氏所以未詳也或九河雖舊有名至禹治水更別立名此即所云是也漢書溝洫志成帝時河隄都尉許商上書曰古記九河之名有徒駭胡蘇鬲津今見在成平東光鬲縣界中自鬲津以北至徒駭其間相去二百餘里是知九河所在徒駭最北鬲津最南蓋徒駭是河之本道東出分爲八枝也許商上言三河下言三縣則徒駭在成平

胡蘇在東光鬲津在鬲縣其餘不復知也此九河之次從北而南既知三河之處則其餘六者太史馬頰覆釜在東光之北成平之南簡絜鉤盤在東光之南鬲縣之北也其河填塞時有故道鄭玄云周時齊桓公塞之同爲一河今河間弓高以東至平原鬲津往往有其遺處春秋緯寶乾圖云移河爲界在齊呂填闕八流以自廣鄭玄蓋據此文爲齊桓公塞之也言闕八流拓境則塞其東流八枝并使歸於徒駭也此九河之名義也案胡蘇在東光定本注作東筦筦當作光字之誤也 從釋地已下至九河皆禹所名也 釋曰謂釋地已下凡四篇其中五嶽四瀆及諸山川巨陵之名皆禹所制也然山川等名其來尚矣治水之後更復改新言此名是禹所制非禹始爲名也

爾雅疏卷第七

光緒四年歲在著雍攝提格吳興陸氏十萬卷樓重雕

陸心源校

爾雅疏卷第八

翰林侍講學士朝請大夫守國子祭酒上柱國賜紫金魚袋臣邢昺等奉勅校定

釋草第十三

釋曰草說文作艸隸變作艸七老切百卉也又曰象野草莽蒼之形說文別有草

字自保切云草斗櫟實也一曰象斗子徐鉉曰今俗以此爲甘木之草別作阜字

爲黑色之阜案櫟實可以染帛爲黑色故曰草通用爲草棧字然則此篇辨百

卉之名見於經傳者當爲草木之草故云釋草 萑山至山蒜 釋曰此辨四

種菜生山中與人家所種者異名也非說文云菜名一種而久者故謂之韭象

形在一之上地也生山中者名萑韓詩云六月食鬱及萑是也慈說文云菜

名生山中者名茗細莖大葉者是也籛說文云菜也葉似韭生山中者名蒟蒜

說文云葷菜也一云菜之美者雲夢之葷菜生山中者名蒿 薛山蘄 釋

曰說文云蘄草也生山中者一名薛一名山蘄色白者名白蘄下文薛白蘄是

也生平地即名蘄 注廣雅至麤大 釋曰廣雅張揖撰以廣爾雅之闕漏也

曰山蘄當歸者言即今藥草當歸案本草當歸不言名薛及山蘄是即以時

驗而言也故郭云今似斬而麤大言似平地斬而差麤大耳 楸木槿櫬木槿  
 釋曰此別楸櫬是木槿之二名也某氏云別三名也其樹如李其華朝生暮落  
 與草同氣故在草中詩鄭風云顏如舜華陸機疏云舜一名木槿一名櫬一名  
 楸齊魯之間謂之王蒸今朝生暮落者是也郭氏云可食亦呼曰及五月始華  
 故月令仲夏云木槿榮 木山薊楊枹薊 釋曰此辨薊生山中及平地者名  
 也生平地者即名薊生山中者一名木本草云一名山薊一名山薑一名山連  
 陶注云有兩種白木葉大有毛甜而少膏赤木葉細小苦而多膏是也其生平  
 地而肥大於衆者名楊枹薊今呼之馬薊 前王薊 釋曰此則藜之科大為  
 樹可以作埽薊者一名前一名王薊一名王薊江東呼落帚 藜王芻 釋  
 曰舍人云藜一名王芻某氏云藜鹿蓐也郭云藜蓐也今呼鴟腳莎詩衛風  
 云瞻彼淇奧綠竹猗猗是也 拜藜藿 釋曰此亦似藜而葉大者名拜一  
 名藜藿莊子云藜藿柱宇是也 藜藿藿藿藿藿 釋曰此辨藿色  
 及有子無子者之異名也詩召南云于以采繁于沼于沚毛傳云繁藿也郭  
 氏云白藿然則皤猶白也本草云白藿唐本注云此藿葉麤於青藿從初生  
 至枯白於衆藿欲似艾者所在有之又云葉似艾葉上有白毛麤澁俗呼蓬

蒿可以為菹故詩箋云以豆薦藜菹陸機云凡艾白色為皤蒿今白蒿春始  
 生及秋香美可生食又可蒸一名游胡北海人謂之旁勃故大戴禮夏小正傳  
 曰繁游胡游胡旁勃也是蒿一名藪詩小雅鹿鳴云食野之蒿陸機云蒿青  
 蒿也荆豫之間汝南汝陰皆云藪孫炎云荆楚之間謂蒿為藪郭云今人呼  
 青蒿香中炙啖者為藪是也蔚即蒿之雄無子者故云牡藪舍人曰蔚一名牡  
 藪詩蓼莪云匪我伊蔚陸機云牡蒿也二月始生七月華華似胡麻華而紫赤  
 八月為角角似小豆角銳而長一名馬新蒿是也 齧彫蓬薦黍蓬 釋曰  
 此別蓬種類也說文云蓬蒿也草之不理者也種類非一故有齧彫蓬薦黍  
 蓬詩召南騶虞云彼茁者蓬月令云藜秀蓬蒿並興是也 葦鼠莞 釋曰  
 莞屬也說文云莞草可以為薦此葦一名鼠莞纖細似龍須亦可以為席蜀中  
 出好者 勤鼠尾 釋曰可以染草也一名勤一名鼠尾本草有白華者有  
 赤華者又一名陵翹陶注云田野甚多人採作滋染木蘭是也 荇蕒大薺  
 釋曰荇蕒一名大薺俗呼老薺似薺而葉細本草又名薺荇一名大薺一名  
 馬辛是也 荇虎杖 釋曰荇一名虎杖郭云似紅草而麤大有細刺可以染  
 赤陶注本草云田野甚多狀如大馬蓼莖斑而葉圓是也 孟狼尾 釋曰草

似茅者一名孟一名狼尾今人亦以覆屋 瓠樓瓣 釋曰瓣瓠中瓣也一名瓠樓人之齒美者似之故詩衛風碩人美莊姜云齒如瓠樓是也 茹蘆茅蒐 釋曰今染絳蒨也一名茹蘆一名茅蒐詩鄭風云茹蘆在阪陸機云一名地血齊人謂之茜徐州人謂之牛蔓即今之蒨草是也 果羸之實栝樓 釋曰果羸之草其實名栝樓實即子也故李巡云栝樓子名也郭云今齊人謂之天瓜本草云栝樓葉如瓜葉形兩兩相值蔓延青黑色六月華七月實如瓜瓣是也 茶苦菜 釋曰此味苦可食之菜也一名茶一名苦菜本草一名茶草一名選一名游冬案易緯通卦驗玄圖云苦菜生於寒秋經冬歷春乃成月令孟夏苦菜秀是也葉似苦苣而細斷之有白汁花黃似菊堪食但苦耳 注詩曰誰謂荼苦 釋曰邶風谷風篇文也 萑薹 釋曰萑一名萑李巡曰臭穢草也郭云今菟蔚也廣雅名益母葉似萑方莖白華華生節閒詩王風云中谷有萑陸機云舊說及魏博士濟陰周元明皆云菴藺是也韓詩及三蒼說悉云益母故曾子見益母而感案本草菟蔚一名益母故劉歆曰萑臭穢臭穢即菟蔚也 藹綬 釋曰藹者雜色如綬文之草也詩陳風云邛有旨鷓陸機疏云鷓五色作綬文故曰綬草是也 桑稷 釋曰左傳云

桑食不鑿桑者稷也曲禮云稷曰明桑是也郭云今江東人呼粟為桑然則桑稷米也粟也正是一物而本草稷米在下品別有粟米在中品又似二物故先儒多疑焉 衆秫 釋曰衆一名秫謂黏粟也說文云稷之黏者也與穀相似不黏北人用之釀酒其莖稗似禾而龐大者是也 戎菽謂之萑菽 釋曰戎菽一名萑菽孫炎云大豆也詩大雅生民云藝之萑菽萑菽施鄭箋亦以為大豆樊光舍人李巡郭氏皆云今以為胡豆郭又云春秋齊侯來獻戎捷穀梁傳曰戎菽也管子亦云北戎山戎出冬葱及戎菽布之天下今之胡豆是也案此戎菽皆為大豆注穀梁者亦以為大豆也郭氏等以戎胡俱是夷名故以戎菽為胡豆也 卉草 釋曰別二名也百卉猶百草也詩小雅云百卉具腓是也 籊雀麥 釋曰籊一名雀麥一名燕麥本草云生故墟野林下苗似小麥而弱實似麩麥而細在處亦有之是也 黃菟瓜 釋曰菟瓜一名黃苗及實似土瓜土瓜者即王瓜也月令王瓜生是也 蒟藿豕首 釋曰蒟藿藥草名一名豕首一名菟盧一名蟾蛄蘭一名天名精一名麥句薑一名蝦蟇藍一名天門精一名玉門精別錄一名天蔓精南人名為地菘味甘辛故有薑稱狀如藍故名蝦蟇藍香氣似蘭故名蟾蛄蘭郭云江東呼豕首可以燭

蠶蛹者三蒼云燭熬也 芥馬帚 釋曰芥草似菁者今俗謂菁芥可以為掃帚故一名馬帚 注似菁 釋曰說文云菁蒿屬也生千歲三百莖可以為卜策白虎通云此天地之間壽考物也故問之是也 莢牛斬 釋曰似芹可食菜也而葉細銳一名莢一名牛斬一名馬斬子入藥用本草注云生水澤旁苗似鬼鍼恭菜等花青白色子黃黑色似防風子是也 葵蘆肥 釋曰紫花菘也俗呼温菘似蕪菁大根一名葵俗呼電葵一名蘆服今謂之蘿蔔是也 茵芝 釋曰瑞草名也一歲三華一名茵一名芝論衡云芝生於土土氣和故芝草生瑞命禮曰王者仁慈則芝草生是也 筍竹萌 釋曰孫炎曰竹初萌生謂之筍凡草木初生謂之萌筍則竹之初生者故曰筍竹萌也可以為菜散詩大雅韓奕云其藪維何維筍及蒲藪則菜散也 蕩竹 釋曰蕩則竹之別名李巡曰竹節相去一丈曰蕩孫炎曰竹關節者曰蕩禹貢條蕩既敷孔安國云蕩大竹郭氏即云竹別名無大小之異故引禮經為證也 注儀禮至之屬 釋曰儀禮曰者大射禮文也案彼云樂人宿縣西階之西頌磬東面其南鍾其南鐃皆南陳一建鼓在其南東鼓朔鼗在其北一建鼓在西階之東南面蕩在建鼓之間鄭注云蕩竹也謂笙簫之屬倚於堂以笙簫之屬固非大

竹故郭氏引之也鄭又云建猶樹也以木貫而載之樹之跗也故謂之建鼓云謂簫管之屬者郭用鄭玄之說也 莪蘿 釋曰舍人云莪一名蘿郭云今莪蒿也亦曰蘆蒿詩小雅云菁菁者莪陸機云莪蒿也一名蘿蒿生澤田漸洳之處葉似邪蒿而細科生三月中莖可生食又可蒸香美味頗似蕪菁是也 芑蒨芑 釋曰芑一名蒨芑郭云齊芑也本草齊芑陶注云根莖都似人參而葉小異根味甜又別本注云根似桔梗以無心為異者是也 荅接余其葉苻 釋曰荅菜一名接余其葉名苻郭云叢生水中央圓在莖端長短隨水深淺江東食之亦呼為荅詩周南關雎云參差荇菜是也苻與荅同陸機疏云接余白莖葉紫赤色正圓徑寸餘浮在水土根在木底與水深淺等大如釵股上青下白鬻其白莖以苦酒浸之脆美可案酒 白華野菅 釋曰舍人云白華一名野菅陸機云菅似茅而滑澤無毛根下五寸中有白粉者柔忍宜為索漚乃尤善矣郭云菅茅屬此白華亦是茅之類也漚之柔韌異其名謂之為菅因謂在野未漚者為野菅耳詩小雅云白華菅兮是也 菲芴 釋曰菲一名芴郭云即土瓜也孫炎曰芴類也詩谷風云采芴采菲陸機云菲似芴莖羸葉厚而長有毛三月中蒸鬻為茹滑美可作羹幽州人謂之芴爾雅又謂之蔥菜

今河內人謂之宿菜案今爾雅菲芴與蕙菜異郭注似是別草如陸之言又是一物某氏注爾雅二處皆引谷風詩即菲也芴也蕙菜也土瓜也宿菜也五者一物也其狀似菑而非菑故云菑類也 菑當 釋曰菑一名菑郭云大葉白華根如指正白可啖詩小雅云我行其野言菜其菑陸機云幽州人謂之燕營其根正白可著熱灰中温啖之饑菜之歲可蒸以禦饑也 榮委萎 釋曰藥草也一名榮一名委萎本草女萎萎蕤一名榮是也葉似竹大者如箭竿有節葉狹而長表白裏青根大如指長一二尺可啖蒟竹篇菑 釋曰李巡曰一物二名也孫炎某氏引詩衛風云綠竹猗猗郭云似小藜赤莖節好生道旁可食又殺蟲案陶隱居本草注云處處有布地而生節閒白葉華細綠人謂之篇竹煮汁與小兒飲療虺蟲是也 葳寒漿 釋曰葳一名寒漿郭云今酸漿草江東呼曰苦葳案本草酸漿一名醋漿陶注云處處人家多有葉亦可食子作房房中有子如梅李大皆黃赤色 薜苈莢芩 釋曰藥草莢明也一名莢光一名決明郭云葉黃銳赤華實如山茱萸陶注本草云葉如苳豆子形似馬蹄呼為馬蹄決明廣雅謂之羊躑躅也 注或曰陵也關西謂之薜苈 釋曰知者案說文云陵楚曰芟秦曰薜苈是也 葳蕤葳蕤 釋曰葳蕤一名

葳蕤郭云一名白蕘此草也案本草蕘蕤一名無姑一名葳蕤唐本注云爾雅葳蕤一名葳蕤今作葳蕤字之誤也而在木部疑非是或者與草同氣乎 陟岵其紹陟 釋曰陟一名岵小瓜也紹繼也瓜之蔓紹緒先歲之瓜必小亦名陟故云其紹陟詩大雅云縣縣瓜陟舍人曰陟名岵小瓜也紹繼謂陟子漢中小瓜曰陟孫炎曰陟小瓜子如岵其本子小紹先歲之瓜曰陟然則瓜之族類本有二種大者曰瓜小者曰陟此則其種別也而瓜蔓近本之瓜必小於先歲之大瓜以其小如岵故謂之陟陟是岵之別名故郭云俗呼岵為陟紹者瓜蔓緒亦著子但小如岵 芍萹苳 釋曰芍一名萹苳郭云生下田中苗似龍須而細根如指頭黑色可食今俗瀹而齧之者是也 藟藟葳蕤 釋曰藟一名藟似藟一名藟葳蕤狀似蒲而細可為屨亦可絢以為索 藟英 釋曰藟一名英似稗之穢草也布生於地莊子曰道在藟稗是亦有米細小莊子又曰若藟米之在太倉是也 鉤芩 釋曰藟類也一名鉤一名芩郭云大如拇指中空莖頭有臺似藟初生可食說文云味苦江南食以下氣是也 藟鴻薈 釋曰藟葉似非之菜也一名鴻薈本草謂之菜芝是也 蘇桂荏 釋曰蘇荏類之草也以其味辛似荏故一名桂荏陶注本草云葉下紫色而氣甚香其無紫色不香

似荏者名野蘇生池澤中者名水蘇一名雞蘇皆荏類也 薺虞蓼 釋曰薺一名虞蓼即蓼之生水澤者也周頌良耜云以薺茶蓼毛傳云蓼水草是也 薺赤苗至二米 釋曰案詩大雅生民云誕降嘉種維秬維秠維糜維芑故此釋之也薺與糜音義同薺即嘉穀赤苗者郭云今之赤梁粟芑即嘉穀白苗者郭云今之白梁粟皆好穀也李巡曰黑黍一名秬黍秬即黑黍之大名也秠是黑黍之中一稔有二米者別名之為秠若然秬秠皆黑黍矣而春官鬯人注云釀秬為酒秬如黑黍一秠二米言如者以黑黍一米者多秬為正稱二米則秬中之異故言如以明秬有二等也秬有二等則一米亦可為酒鬯人之注必言二米者以宗廟之祭唯祿為重二米嘉異之物鬯酒宜當用之故以二米解鬯其實秬是大名故云釀秬為酒此云秠一稔二米鬯人注云二秠二米文不同者鄭志荅張逸云秠即皮其稔亦皮也爾雅重言以曉人然則秠稔古今語之異故鄭引此文得以稔為秠也漢和帝時任城縣生黑黍或三四實實二米得黍三斛八斗是也 稌稻 釋曰別二名也郭云今沛國呼稌詩周頌云豐年多黍多稌禮記內則云牛宜稌豳風七月云十月穫稻是一物也按說文云沛國謂稻為糯糯稻屬也字林云糯黏稻也秠稻不黏者本草以粳米稻

且此字宋本後補

稻米為二物秠與粳古今字然秠糯甚相類黏不黏為異耳依說文秠稻即糯也江東呼粳乃亂切 菑蓂茅 釋曰菑與蓂茅一草也華白者即名菑華赤者別名蓂茅故郭云亦猶淺菑華黃白異名也 臺夫須 釋曰舍人云臺一名夫須詩小雅云南山有臺陸機云舊說夫須莎草也可以為蓂笠都人士云臺笠緇撮是也 注鄭箋至雨笠 釋曰箋者傳注之別名也以詩先有毛公作傳鄭玄釋其未備者字林云箋者表也識也鄭以毛學審備遵暢厥言所以表明毛意記識其事故特稱箋也都人士箋云都人之士以臺皮為笠此引其意非全文也 茵貝母 釋曰藥草貝母一名茵郭云根如小貝員而白華葉似韭詩鄘風載馳云陟彼阿丘言在其蟲陸機云蟲今藥草貝母也其葉如括樓而細小其子在根下如芋子正白四方連累相著有分解也本草一名空草陶注云出近道形似聚貝子故名貝母是也 菽虻 釋曰舍人云菽一名虻 酥郭云今荆葵也似葵紫色謝氏云小草多華少葉葉又翹起詩陳風云視爾如苕毛傳云苕茅也陸機云苕茅一名荆葵似蕪菁華紫綠色可食微苦是也 艾冰臺 釋曰艾一名冰臺即今艾蒿也詩王風云彼采艾兮是也 藟亭歷 釋曰藟一名亭歷郭云實葉皆似芥廣雅又名狗薺本草一名丁歷一



名大室一名大適陶注云今近道亦有母則公薺子細黃至苦是也 荷鬼目  
釋曰荷一名鬼目郭云今江東有鬼目草莖似葛葉員而毛子如耳瑤也赤色  
叢生 菝茀縷 釋曰菝一名菝縷一名蔡縷一名雞腸草本草云蔡縷味  
辛陶注此菜人以作羹唐本注云此即雞腸草也多生下濕坑渠之側人家園  
庭亦有此草是也 離南活菝 釋曰離南草也一名活菝山海經又名寇脫  
生江南高丈許大葉似荷葉而肥莖中有瓢正白者是也 注零陵人祖日貫  
之為樹 釋曰祖且也貫事也言零陵郡人且日事之使科大若樹然也郭又  
注山海經云零桂人且日貫之以為樹然所未詳 芎藭 釋曰芎藭類  
菜也一名隱葱郭云似蘇有毛今江東呼為隱葱藏以為菹亦可瀹食者瀹煮  
也 茜蔓于 釋曰茜水草也一名蔓于郭云一名軒于江東呼茜 茵蘆注  
作履苴草 釋曰茵說文云茵草也可以束一名蘆即蒹類也中作履底字苑  
云鞞苴履底故云作履苴草也 柱夫搖車 釋曰柱夫可食之草也一名搖  
車俗呼翹搖車蔓生紫華華翹起搖動因名云 出隧蘧蔬 釋曰茵類也  
一名出隧一名蘧蔬廣雅云朝生形如鬼蓋郭云似土菌生菝草中今江東啖  
之甜滑音同翹毳者說文云菝蔣也張揖云翹毳毛席取其音同 斬莖

蘧蕪 釋曰芎藭苗也一名斬莖一名蘧蕪本草一名薇蕪一名江離陶注  
云似蛇牀而香郭云香草葉小如菱狀者言如菱蕪之狀也 注淮南至蘧  
蕪 釋曰云淮南子云似蛇牀者案淮南子汜論篇云夫物之相類者世人之  
所亂惑也嫌疑肖像者眾人所眩耀也故很者類知而非知也愚者類君子  
而非君子也曠者類勇而非勇也使人相去也若玉之與石也葵之與莧也則  
論人易矣夫亂人者若芎藭之與蘧本蛇牀之與蘧蕪者許慎云此四者藥草  
臭味之相似其治病則不同力是也云山海經曰臭如蘧蕪者案西山經浮山  
有草曰訓草麻葉而方莖赤華而黑實臭如蘧蕪可以止癢又天帝山有草其  
狀如葵其臭如蘧蕪名曰杜衡可以走馬食之已癩是也臭香也言其香氣如  
蘧蕪也 茨蒺藜 釋曰茨一名蒺藜郭云布地蔓生細葉子有三角刺人  
見詩者案詩小雅云楚楚者茨是也 蔚葦竊衣 釋曰蔚葦一名竊衣郭  
云似芹可食子大如麥兩兩相合有毛著人衣俗名鬼麥者也 髦顛棘 釋  
曰髦一名顛棘一名蒿棘廣雅云女木也郭云細葉有刺蔓生 藿菝蘭  
釋曰藿一名菝蘭郭云藿菝蔓生斷之有白汁可啖案如此注則似藿菝一名  
蘭或傳寫誤其衍字詩衛風云菝蘭之支陸機云一名蘿摩幽州人謂之

雀瓢 藟蒨蒨 釋曰藥草知母也一名藟一名蒨蒨郭云生山上葉如非

一曰提母案本草此名之外更有十餘名文多不載陶注云形似昌蒲而柔潤

葉至難死握出隨生須燥乃止也 蒨蒨 釋曰蒨一名蒨即藥草澤蒨也

本草作澤蒨一名水瀉一名及瀉一名芒芋一名鵝瀉陶注云葉狹長叢生

諸淺水中 藟鹿藿其實蒨 釋曰藟一名鹿藿其實名蒨郭云今鹿豆

也葉似大豆根黃而香蔓延生本草云味苦唐本注云此草所在有之苗似

豌豆有蔓而長大人取以為菜亦微有豆氣名為鹿豆也 蒨蒨其實蒨

釋曰蒨即莎別名侯維也猶語辭也其實別名媿 注夏小至其實 釋曰

夏小正者大戴禮之篇名本夏后氏著十二月之候也漢九江太守戴德記之

謂之大戴禮記其正月云緹蒨蒨也者莎蒨也緹也者其實也先言緹而後

言蒨何也緹先見者也何以謂之小正以著名也案廣雅云地毛莎蒨也是蒨

即莎也故云莎蒨 蒨蒨離其上蒨 釋曰某氏曰本草云白蒲一名蒨蒨

楚謂之莞蒲其上臺別名蒨郭義具注詩小雅斯于云下莞上簟鄭箋云莞

小蒲也者以莞蒲一草之名而司几筵有莞筵蒲筵則有大小之異為席有

精有麤故得為兩種席也 荷芙蓉至的中薏 釋曰李巡曰皆分別

蓮莖葉華實之名芙蓉渠其摠名也別名芙蓉江東呼荷蒨蒨蓮華也的蓮

實也薏中心也郭璞曰蒨蒨下白蒨在泥中者今江東人呼荷華為芙蓉北方

人便以藕為荷亦以蓮為荷蜀人以藕為茄或用其母為華名或用根子為母

葉號此皆名相錯習俗傳誤失其正體者也陸機疏云蓮青皮裏白子為的

的中有青為薏味甚苦故里語云苦如薏是也 注見詩 釋曰詩陳風云

彼澤之陂有蒲與荷又曰有蒲蒨蒨是也 紅龍古其大者蒨

釋曰舍人曰紅名龍古其大者名蒨詩鄭風云隰有游龍毛云龍紅草也陸機

云一名馬蓼葉大而赤白色生水澤中高丈餘郭云俗呼紅草為龍鼓語轉耳

蒨蒨實 釋曰本草云蒨味甘人取其葉作菹及羹之佳詩谷風云誰謂荼苦

其甘如蒨其子別名蒨 麇泉實 釋曰泉麻也麇者即麻子名也故云麇

泉實也 注禮記曰苴麻之有麇 釋曰儀禮喪服傳文也傳所以解經故亦

謂之禮記也案喪服經云苴經傳曰苴經者麻之有麇者是也 泉麻 釋曰

麻一名泉故注云別二名禹貢青州云厥貢岱畎絲枲是也 須殮燕 釋曰

案詩谷風云采葑采菲毛傳云葑須也先儒即以須葑莖當之孫炎云須一名

葑莖今郭注上葑莖云未詳注此云殮燕似羊蹄葉細味酢可食則郭意以

毛云葑須者謂此蕪蕪也坊記注云葑蔓菁也陳宋之間謂之葑陸機云葑蕪菁幽州人或謂之芥方言云蔓蕪蕪菁也陳楚謂之蔓齊魯謂之蕪關西謂之蕪菁趙魏之部謂之大芥豐與葑字雖異音實同則葑也須也蕪菁也蔓菁也蕪蕪也蕪也芥也七者一物也 非蕪菜 釋曰菲一名息菜案詩谷風云采葑采菲毛傳云菲芴也郭上注菲芴云土瓜也注此云菲草生下溼地似蕪菁華紫赤色可食則是芴與蕪菜別草而某氏及陸機以爲一物非郭義也 蕪赤莧 釋曰赤莧一名蕪今莧菜之赤莖者也 蕪蕪冬 釋曰藥草也一名蕪蕪一名蕪冬 注門冬一名滿冬本草云 釋曰案山海經云條谷山其草多葑藥蕪冬郭注亦云本草一名滿冬今檢本草有天門冬一名顛勒麥門冬秦名羊韭齊名愛韭楚名馬韭越名羊著一名禹葑一名禹餘糧無名滿冬者蓋所見本異也蕪門字異音同耳 灤貫衆 釋曰藥草名也一名灤一名貫衆本草云一名貫節一名貫渠一名百頭一名虎卷一名蕪荷一名伯萍一名藥藻此謂鳴頭陶注云葉如大蕨形色毛芒全似老鳴頭因名之郭氏云葉員銳莖毛黑布地冬不死一名貫渠廣雅云貫節若牛藻 釋曰若一名牛藻江東呼馬藻藻之葉大者也詩召南云于以

采藻左傳云蘋蘩蕪藻之菜以此草好聚生故言蕪藻蕪訓聚也毛傳云藻聚藻也陸機云藻水草也生水底有二種其一種葉如雞蘇莖大如箸長四五尺其一種莖大如釵股葉如蓬蒿謂之聚藻又云扶風人謂之藻聚爲發聲也此二藻皆可食煮熟按去腥氣米麩糝蒸爲茹嘉美揚州人饑荒可以當穀食 遂蕪馬尾 釋曰藥草葑陸也一名遂蕪一名馬尾郭云廣雅曰馬尾葑陸本草云別名蕪今關西亦呼爲蕪江東呼爲當陸案本草商陸一名蕪根一名夜呼不同者所見本異也今注云一名白昌一名當陸是也 葑萍其大者蘋 釋曰舍人曰葑一名萍大者名蘋郭曰水中浮萍江東謂之藻陸機毛詩義疏云今水上浮萍是也其麤大者謂之蘋小者曰萍季春始生可糝烝爲茹又可苦酒淹以就酒 注詩曰于以采蘋 釋曰召南采蘋篇文也 葑菟葵 釋曰葑一名菟葵郭云頗似葵而小葉狀如藜有毛灼啖之滑者汨煮也案本草唐本注云苗如石龍芮葉光澤花白似梅莖紫色煮汁極滑堪噉爾雅釋草一名葑所在平澤皆有田間人多識之是也 芹楚葵 釋曰郭云今水中芹菜案本草云水芹一名水英陶注云其二月三月作英時可作菹及燻食之又有渣音芹可爲生菜亦可生噉別本注云芹有兩種荻芹取根白色

赤芹取莖葉並堪作菹及生菜是也 藟牛蒡 釋曰藟一名牛蒡詩小雅云言采其藟鄭箋云遠牛蒡郭云今江東呼草為牛蒡者高尺餘許方莖葉長而銳有穗穗閒有華華紫縹色可淋以為飲者字林云縹青白色淋以水沃也 藟牛屑 釋曰李巡云別二名郭云如續斷寸寸有節陸機以為今澤藟也郭氏所不取 注毛詩傳曰水藟也 釋曰詩魏風汾沮洳云彼汾一曲言采其藟毛傳云藟水藟是也 萃藟蕭 釋曰萃一名藟蕭郭云今藟蒿也初生亦可食詩小雅云呦呦鹿鳴食野之萃陸機云葉青白色莖似箸而輕肥始生香可生食又可蒸食是也 連異翹 釋曰蓮一名異翹郭云一名連若又名連草本草云者案今本草連翹一名異翹一名蘭華一名折根一名軹一名三廉不同者所見本異也唐本注云此物有兩種大翹小翹大翹葉狹長如水蘇花黃可愛生下濕地著子似椿實之未開者作房翹出眾草其小翹生崗原之上葉花實皆似大翹而小細耳是也 澤烏殭 釋曰即上環生於水澤者然形所未詳 傳橫目 釋曰傳一名橫目草蔓延生郭云一名結縷俗謂之鼓筆草是也 釐蔓華 釋曰釐一名蔓華郭云一名蒙華 凌蕨攔 釋曰凌一名蕨攔郭云凌今水中芰者字林云楚人名陵曰芰可食國語曰屈到嗜

芰俗云菱角是也 大芡蘧麥 釋曰大芡一名蘧麥藥草也郭云一名麥句薑即瞿麥廣雅云此菱麥句薑蘧麥案本草云瞿麥一名巨句麥一名大芡一名大蘭陶注云今出近道一莖生細葉花紅紫亦可愛子頗似麥故名瞿麥 箭山莓 釋曰山莓一名箭郭云今之木莓也實似蔗莓而大亦可食蔗莓說在下 齧苦堇 釋曰齧一名苦堇可食之菜也郭云今堇葵也葉似柳子如米泔食之滑者本草唐本注云此菜野生非人所種俗謂之堇菜葉似葢花紫色者內則云堇苴粉榆是也本草云味甘此云苦者古人語倒猶甘草謂之大苦也 薄石衣 釋曰薄一名石衣郭云水苔也一名石髮江東食之者案本草有陟釐別本注云此即石髮也色類似苔而麤澁為異郭又云或曰薄葉似籬而大生水底亦可食者即本草海藻一名薄陳藏器本草云大葉藻也生深海中及新羅葉如水藻而大海人取之正在深海底以繩繫罾咽沒水下刈得旋繫繩上五月已後當有大魚傷人不可取也 鞠治牆 釋曰鞠一名治牆郭云今之秋華菊案月令季秋云菊有黃華本草云菊華一名節華陶注云菊有兩種一種莖紫氣香而味甘葉可作羹而食者為真一種莖青而大作蒿艾氣味苦不堪食者名苦蕒非真也 唐蒙女蘿女蘿菟絲 釋曰

孫炎曰別三名郭云別四名則唐與蒙或并或別故三四異也詩經直言唐而傳云唐蒙也是以蒙解唐也則四名為得下云蒙王女郭云即唐也是又名王女然則唐也蒙也女蘿也菟絲也王女也凡五名詩頌弁云蒿與女蘿毛傳云女蘿菟絲陸機云今菟絲蔓連草上生黃赤如金今合藥菟絲子是也注詩云爰采唐矣釋曰鄘風桑中篇文也 葦葢葢 釋曰葦一名葢葢郭云覆葢也實似葦而小亦可食案本草蓬蘽一名覆葢一名陵蘽一名陰蘽其實名覆葢子今注云蓬蘽是覆葢之苗也覆葢乃蓬蘽之子也唐本注云然生處不同沃地則子大而甘瘠地則子細而酸是也 芟葦草 釋曰芟一名葦草郭云即烏頭也江東呼為葦音斬案詩大雅云葦茶如飴又晉語嬀姬將譜申生寘鳩於酒寘葦於肉賈逵曰葦烏頭也然則葦者其烏頭乎嫌讀為葦葦之葦故音之 葦戎葵 釋曰葦一名戎葵郭云今蜀葵也似葵華如木槿華戎蜀蓋其所自也因以名之 藥狗毒 釋曰藥一名狗毒樊光云俗語苦如藥樊光者京兆人後漢中散大夫注爾雅六卷故郭氏取以為說 覆盜庚 釋曰覆一名盜庚郭云旋覆似菊本草旋覆一名戴椹一名金沸草一名盛椹陶注云出近道下濕地似菊花而大是也 苧麻母 釋曰苧麻之盛子者也

一名苧一名麻母 灼九葉 釋曰此草九葉叢生一莖然郭亦未詳其狀但舉其類云今江東有草五葉共叢生一莖俗因名為五葉即此類也 貌苧草 釋曰貌一名苧草根可以染紫之草廣雅一名苧莫本草一名紫丹唐本草注云苗似蘭香莖赤節青花紫白色而實白也 職黃蔴 釋曰職草一名黃蔴郭云職草葉似酸漿華小而白中心黃江東以作菹食 藹車芎輿 釋曰香草也一名藹車一名芎輿郭云藹車香草見離騷者離騷經云畦留夷與藹車兮雜杜衡與芳芷是也 權黃華 釋曰權一名黃華郭云今謂牛芸草為黃華華黃葉似苜蓿說文亦云芸草也似苜蓿淮南子說芸草可以死復生月令注云芸香草也雜禮圖曰芸蒿也葉似邪蒿香美可食然則牛芸者亦芸類郭以時驗而言之故云今謂牛芸草為黃華也 蒴春草 釋曰藥草也郭云一名芒草本草云者案本草蒴草一名蒴一名春草陶注云今處處皆有葉青辛烈者良今俗呼為崗草也郭云芒草者所見本異也 蒴葵露 釋曰葵類也一名終葵一名繁露郭云承露也大莖小葉葉紫黃色 蒴莖 釋曰藥草也一名味一名莖蒴郭云五味也蔓生子叢在莖頭案本草五味子一名會及一名玄及唐本注云五味皮肉甘酸核中辛苦都有鹹味此

則五味具也其葉似杏而大蔓生木上子作房如落葵大如落葵 漆委葉  
釋曰穢草也舍人曰漆一名委葉王肅說詩云茶陸穢然則漆者原田蕪穢之  
草非苦菜也 注詩云以休漆蓼 釋曰此周頌良耜篇文也休耘除也今詩  
本株作薺音義同 皇守田 釋曰皇一名守田郭云似燕麥子如彫胡米可  
食生廢田中一名守氣彫胡即苽也 鉤藤姑 釋曰鉤一名藤姑郭云鉤瓢  
也一名王瓜實如灼瓜正赤味苦本草云王瓜一名土瓜陶注云即今土瓜生  
籬院亦有子熟時赤如彈丸根大唐本注云此物蔓生葉似栝樓圓無義缺  
子如梔子生青熟赤但無稜爾根似葛細而多糝是也 望藥車 釋曰望  
一名藥車郭云可以為索長丈餘 攬烏階 釋曰攬一名烏階郭云即烏杷  
也子連相著狀如杷齒可以染皂今俗謂之狼杷是也 杜土鹵 釋曰香草也  
一名杜一名土鹵郭云杜衡也似葵而香本草唐本注云杜衡葉似葵形如馬  
蹄故俗云馬蹄香生山之陰水澤下溼地根似細辛白前等山海經云天帝山  
有草其狀如葵其臭如麝蕪名曰杜衡可以走馬食之已瘦是也 盱虺牀  
釋曰盱一名虺牀郭云蛇牀也一名馬牀廣雅云案本草蛇牀一名蛇米一名  
虺牀一名思益一名繩毒一名棗棘一名牆藤陶注云近道田野墟落間甚

多花葉正似薜蘿 菟奚類凍 釋曰藥草也一名菟奚一名類凍郭云款凍  
也紫赤華生水中案本草款凍一名橐吾一名類東一名虎鬚一名菟奚陶  
注云形如宿萼未舒者其腹裏有絲其花乃似大菊花唐本注云葉似葵而  
大叢生花出根下是也 中馗菌小者菌 釋曰此辨菌大小之異名也大者  
名中馗小者即名菌郭云地蕈也似蓋今江東人名為土菌亦曰馗廚可啖之  
者說文云蕈桑黃也謂菌生木上也今云地蕈即俗呼地菌者是也 苕陵苕  
黃華蓴白華芡 釋曰苕一名陵苕本草一名陵時舍人曰苕陵苕也黃華名  
蓴白華名芡別華色之名也陸機疏云一名鼠尾生下濕水中七八月中華紫  
似今紫草可染阜煮以沐髮即黑詩小雅云苕之華芸其黃矣鄭箋云陵苕  
之華紫赤而繁陸機亦言其華紫色而此云黃白者蓋就紫色之中有黃紫白  
紫爾及其將落則全變為黃故詩云芸其黃矣毛傳云將落則黃是也 蘼從  
水生 釋曰草從水生者曰蘼故注云生於水中 薇垂水 釋曰草生於水  
濱而枝葉垂於水者曰薇故注云生於水邊也 薜山麻 釋曰麻生山中者  
名薜故注云似人家麻生山中也 莽數節至篠箭 釋曰此辨竹節希數  
及中空實萌篠之異名也凡竹節間促數者名莽相去四寸有節者名桃枝竹

其中堅實者名鄰其中空者名箇茶空也仲無筯注未詳筯一名箭萌即筯也  
 篠一名箭書曰篠蕩既敷釋地云會稽之竹箭是也 注今桃枝節間相去  
 多四寸 釋曰郭以時驗而言也尚書顧命云敷重篋席孔安國云篋桃枝竹  
 周禮春官司几筵云加次席黼純鄭注云次席桃枝席有次列成文是也 注  
 周禮曰筯蒹鴈醢 釋曰天官醢人職文也彼文作箔鄭玄注云箔箭萌字雖  
 異音義同 芟夫王 釋曰芟草一名夫王郭云芟草生海邊似筯蘭今南方  
 越人采以為席 藜月爾 釋曰藜一名月爾可食之菜也郭云即紫藜也似  
 蕨可食 葳馬藍 釋曰葳一名馬藍郭云今大葉冬藍也今為澱者是也  
 芞地黃 釋曰藥草也郭云一名地髓江東人呼芞案本草地黃一名地髓一  
 名芞一名芭陶注云生涇城者乃有子實實如小麥 拔龍葛 釋曰拔一名  
 龍葛葛類也郭云似葛蔓生有節江東呼為龍尾亦謂之虎葛細葉赤莖  
 遮牡茅 釋曰茅之不實者也一名遮一名牡茅郭云白茅屬 卷耳苓耳  
 釋曰卷耳一名苓耳郭云廣雅云泉耳也亦云胡泉江東呼為常泉或曰苓耳  
 形似鼠耳叢生如盤詩周南云采采卷耳陸機疏云葉青白色似胡葵白華細  
 莖蔓生可煮為茹滑而少味四月中生子如婦人耳瑠幽州人謂之爵耳是也

蕨 釋曰可食之菜也舍人曰蕨一名驚郭云廣雅云紫藜非也初生無葉  
 可食江西謂之驚詩召南云言采其蕨陸機疏云蕨山菜也初生似蒜莖紫黑  
 色可食如葵是也 蕎印鉅 釋曰蕎一名印鉅郭云今藥草大戟也本草云  
 者案本草大戟一名印鉅苗名釋漆陶注云今近道處處有生時摘葉有白  
 汁故名澤漆也 惹杜榮 釋曰惹草一名杜榮郭云今惹草似茅皮可以為  
 繩索履屨也者屨草履也 稂童梁 釋曰舍人曰稂一名童梁郭云稂莠類  
 也詩曹風云浸彼苞稂陸機疏云禾秀為穗而不成則稊然謂之童梁今人謂  
 之宿田翁或謂之守田也大田云不稂不莠外傳曰馬不過稂莠皆是也  
 蔗蔗 釋曰蔗一名蔗郭云蔗即莓也今江東人呼為蔗莓子似覆盆而大赤  
 酢甜可啖 的藪 釋曰的又一名藪即上釋荷云其實蓮其中的也故郭云  
 即蓮實 購蔞萋 釋曰舍人曰購一名蔞萋郭云蔞萋萋蒿也生下田初出  
 可啖江東用羹魚詩周南漢廣云翹翹錯薪言刈其蔞陸機疏云其葉似艾白  
 色長數寸高丈餘好生水邊及澤中正月根牙生旁莖正白生食之香而脆美  
 其葉又可蒸為茹是也 茹勃茹 釋曰茹一名勃茹郭云一名石芸本草云  
 者案本草石芸味甘一名整烈一名顧喙是也 蔓繞棘莞 釋曰藥草也

蔓繞一名棘菟郭云今遠慈也似麻黃赤華葉銳而黃其上謂之小草廣雅云者案本草遠慈一名細草其葉名小草陶注云小草狀似麻黃而青今注云遠慈莖葉似大青而小廣雅云棘菟遠慈也其上謂之小草是也 棘刺

釋曰謂草針刺人也一名棘又名刺郭云草刺針也關西謂之刺燕北朝鮮之間謂之棘或謂之壯自關而東或謂之梗或謂之劇自關而西謂之刺江湘之間謂之棘是也 蕭菘

釋曰李巡云菘一名蕭陸機云今人所謂菘蒿者是也或云牛尾蒿似白蒿白葉莖蘆科生多者數十莖可作燭有香氣故祭祀以脂熬之為香許慎以為艾蒿非也郊特牲云既奠然後蒸蕭合馨香是也 薄海藻 釋曰薄又名海藻郭云藥草也一名海蘿如亂髮生海中本草云者案本草一名落首

一名薄陶注云生海島上黑色如亂髮而大小許葉大都似藻葉 長楚鈿 釋曰舍人曰長楚一名鈿芑本草云鈿芑名羊桃郭云今羊桃也或曰鬼

桃葉似桃華白子如小麥亦似桃詩檜風隔有萋楚陸機疏云今羊桃是也葉長而狹華紫赤色其枝莖弱過一尺引蔓于草上今人以為汲灌重而善沒不如楊柳也近下根刀切其皮著熱灰中脫之可韜筆管 藟大苦 釋曰藟

草也藟一名大苦郭云今甘草也蔓生生葉似荷青黃莖赤有節節有枝相當或云藟似地黃詩唐風云采芑采芑首陽之巔是也藟與芑字雖異音義同 芑馬鳥馬鳥車前 釋曰藥草也別三名郭云今車前草大葉長穗好

生道邊江東呼為蝦蟆衣詩周南云采芑陸機疏云馬鳥一名車前一名當道喜在牛跡中生故曰車前當道也今藥中車前子是也幽州人謂之牛舌

草可驚作茹大滑其子治婦人難產王肅引周書王會云芑芑如李出於西戎王基駁云王會所記雜物奇獸皆四夷遠國各齋土地異物以為貢贄非周南婦人所得采是芑芑為馬鳥之草非西戎之木也 綸似綸至華山有之

釋曰此辨草似綸組布帛者以其所似因名其草也綸是糾青絲繩也組綬也東海有草采理似之即名綸草組草華山有草葉似帛布者因名帛草布草也 注綸今有秩嗇夫所帶糾青絲綸 釋曰案漢書百官公卿大夫表

云十里一亭十亭一鄉鄉有三老有秩嗇夫有游徼三老掌教化嗇夫掌獄訟游徼掌禁盜賊故漢書云張敞以鄉有秩補大守卒史又云朱邑為桐鄉嗇夫又續漢書百官表云鄉置有秩三老游徼有秩郡所置秩百戶其鄉小者縣

所署嗇夫案此則有秩嗇夫職同但隨鄉大小故名異耳名雖異皆糾青絲為



綸以帶佩之則同至東晉尚然故郭云今也張華云綸如宛轉繩 絲馬羊齒  
 釋曰絲馬一名羊齒郭云草細葉葉羅生而毛有似羊齒今江東人呼為鴈齒  
 纒者以取繭緒 說文云纒繹繭為絲也緒絲端也以此草似羊齒而毛故纒  
 者用之以取繭緒也 落廉舌 釋曰落草春生葉似廉舌故落一名廉舌郭  
 云今廉舌草春生葉有似於舌 繁之醜秋為蒿 釋曰醜類也此言繁蕭  
 蔚莪之類春始生氣味既異故其名不同至秋老成則皆蒿也郭云醜類也春  
 時多有種名至秋老成皆通呼為蒿也 芡薊其實芡 釋曰鈎芡薊之類  
 其實名芡郭云芡與薊莖頭皆有薊臺名芡芡即其實也 葉芡茶焱蔗  
 芳 釋曰此辨茗茶之別名也案鄭注周禮掌茶及詩有女如茶皆云茶茅秀  
 也葉也芡也其別名茶即茗也藉又一名焱又名蔗皆荏茅之屬華秀名也故  
 注云皆茗茶之別名方俗異語所未聞言未聞者謂未聞其所出也 葦醜  
 芳 釋曰葦即蘆之成者其類皆有芳秀也 葦華至其萌蘗 釋曰此辨  
 兼葦等生成之異名也葦一名華即今蘆也葦之未成者葦一名蘆郭云似  
 荏而細高數尺江東呼為蘆適詩秦風云兼葦蒼蒼陸機云兼水草也堅實  
 牛食令牛肥疆青徐人謂之蘆兗州遼東通語也葦一名蘆莢一名蘆李巡曰

分別葦類之異名郭云蘆葦也莢似葦而小竇中江東呼為烏蘆如李巡云蘆  
 亂共為一草如郭云則蘆亂別草案詩大車傳云莢離也蘆之初生則毛意亦  
 以葦莢為一草也案詩衛風碩人云葦莢揭揭陸機云亂或謂之莢至秋堅成  
 則謂之荏其初生三月中其心挺出其下本大如箸上銳而細揚州人謂之馬  
 尾以今語驗之則蘆亂別草也其萌名蘗郭云今江東人呼蘆筍為蘗然則  
 荏葦之類其初生者皆名蘗 注音繼纒 釋曰大雅民勞云以謹繼纒昭二  
 十五年左傳云繼纒從公無通外內此取蘗與纒字音同不為義也 蒨葦莖  
 華榮 釋曰此別草木榮華之異名也蒨言華之敷貌葦華初生之名也莖亦  
 華也郭云釋言云華皇也今俗呼草木華初生者為葦蒨猶敷蒨亦華之貌  
 所未聞云未聞者亦未聞所出也 注音豬豬 釋曰釋獸云豬豬郭云俗呼  
 小豬豬為豬子此亦取葦與豬音同其義則異也 卷施草拔心不死 釋曰  
 卷施草一名宿莽拔其心亦不死也 注宿莽也離騷云 釋曰離騷經云朝  
 搴阰之木蘭兮夕擘洲之宿莽王逸云草冬生不死者楚人名之曰宿莽 葦  
 菱 釋曰葦一名菱謂草根可食者也亦笋類也非一種故郭氏舉類以曉人  
 云今江東呼藕紹緒如指空中可啖者為菱菱即此類是也 菱根 釋曰凡

草根一名荻郭云別二名俗呼韭根為荻此舉一隅也 華荇也至謂之英  
釋曰李巡云分別異名以曉人也華一名荇郭云今江東呼華為荇華與荇又  
一名榮郭云轉相解木則名華月令季春桐始華草則名榮月令仲夏木槿榮  
此對文爾散文則草亦名華鄭風云隰有荷華是也不見其榮但見其實者曰  
秀詩大雅云實發實秀徒有其榮而不實者曰英此亦對文爾故以英為不實  
其實黍稷皆先榮後實詩小雅出車云黍稷方華是嘉穀之秀必有榮也

爾雅疏卷第八

光緒四年歲在著雍攝提格吳興陸氏十萬卷樓重雕

陸心源校

爾雅疏卷第九

翰林侍講學士朝請大夫守國子祭酒上柱國賜紫金魚袋邢昺等奉

勅校定

釋木第十四

釋蟲第十五

釋魚第十六

釋木第十四

釋曰說文云木冒也冒地而生東方之行也白虎通云木觸也陽氣動躍觸地  
而出也種名雖多木為摠號此篇析別故云釋木也 稻山榎 釋曰李巡云  
山榎一名稻郭云今之山楸詩秦風云終南何有有條有梅陸機疏云稻今山  
楸也亦如下田楸耳皮葉白色亦白材理好宜為車板能溼又可為棺木宜陽  
共北山多有之 栲山栲 釋曰舍人曰栲名山栲郭云栲似栲色小白生山  
中因名云亦類漆樹俗語曰櫛栲栲漆相似如一詩唐風云山有栲陸機疏云  
山栲與下田栲略無異葉似差狹耳吳人以其葉為茗方俗無名此為栲者似  
誤也今所云為栲者葉如櫛木皮厚數寸可為車幅或謂之栲櫛許慎正以栲  
櫛為櫛今人言栲失其聲耳 柏榎 釋曰柏一名榎 注禮記曰鬯曰以榎

鬯曰上雜記文也彼鄭注云所以搗鬱也桤柏也是也 椴栴 釋曰椴一名

地郭云白椴也樹似白楊其材能濕禮記檀弓云地棺一鄭注云所謂椴棺也

郭引此文以證之是也 梅栴 釋曰孫炎云荆州曰梅楊州曰栴郭云似杏

實酢詩秦風終南云有條有梅陸機云梅樹皮葉似豫樟葉大如牛耳一頭尖

赤心華赤黃子青不可食栴葉大可三四葉一叢木理細緻於豫樟子赤者材

堅子白者材脆是也 椴栴 釋曰椴一名栴俗作杉郭云栴似松生江南可

以為船及棺材作柱埋之不腐 椴椴 釋曰椴一名椴郭云椴屬也子大如

孟皮厚二三寸中似枳食之少味 柎椴 釋曰柎一名椴郭云似棗細葉葉

新生可飼牛材中車輞關西呼柎子一名土檀詩唐風云隰有柎陸機疏云葉

似杏而尖白色皮正赤為木多曲少直枝葉茂好二月中葉疏華如練而細葉

正白蓋樹今官園種之正名曰萬歲既取名於億萬其葉又好故種之共汲山

下人或謂之牛筋或謂之櫪材可為弓弩幹也 楸木瓜 釋曰木瓜一名楸郭

云實如小瓜酢可食詩衛風云投我以木瓜是也 椴即來 釋曰椴一名即

來郭云今椴材中車輞本草唐本注云葉似柿兩葉相當子細圓如牛李子

生青熟黑其木堅重煮汁赤色爾雅云椴即來是也 椴栴 釋曰椴一名栴

詩大雅皇矣云其灌其柎陸機疏云葉如榆也木理堅韌而赤可為車輞郭云

樹似榲楸而庫小子如細粟可食今江東亦呼為栴栗禮記內則云芝栴蔘棋

是也 獲落 釋曰獲一名落某氏曰可作杯圈皮韌繞物不解郭云可以為

杯器素素為樸也小雅大東云無浸獲薪鄭箋云獲落木名陸機疏云今榲榆

也

也

也

也

也

也

也

也

也

也

也

也

也

也

也

也

也

也

也

甘棠郭云今之杜梨下云杜赤棠白者棠舍人曰杜赤色名赤棠白者亦名棠然則其白者名棠其赤者為杜為甘棠為赤棠詩召南云蔽芾甘棠小雅云有杖之杜傳云杜赤棠是也 杙槩梅 釋曰杙一名槩梅郭云杙樹狀似梅子如指頭赤色似小椽可食 魄榘榘 釋曰魄一名榘榘郭云魄大木細葉似檀今江東多有之齊人諺曰上山斫檀榘榘先殫殫訓盡也 棧木桂 釋曰棧一名木桂郭云今南人呼桂厚皮者為木桂桂樹葉似枇杷而大白華華而不著子叢生巖嶺枝葉冬夏常青間無雜木案本草為之牡桂者是也 榆無疵 釋曰榆美木也無疵病因名之郭云榆榘屬似豫章案榘及豫章皆南方大木之名也 椐櫨 釋曰別二名也郭云腫節可以為杖詩大雅皇矣其椐其椐陸機疏云節中腫以扶老今人以為馬鞭及杖恒農郡北山甚有之 檉河柳 釋曰檉一名河柳郭云今河旁赤莖小楊陸機疏云生水旁皮正赤如絳一名雨師枝葉似松 旄澤柳 釋曰柳生澤中者別名旄郭云生澤中者 楊蒲柳 釋曰楊一名蒲柳生澤中可為箭筈 注左傳所謂董澤之蒲 釋曰按左傳宣十二年晉楚戰于邲晉師敗績楚熊負羈囚知瑩知莊子以其族反之廚武子御下軍之士多從之每射抽矢敢納諸廚子之房廚子怒曰非子之

求而蒲之愛董澤之蒲可勝既乎杜注云董澤澤名河東聞喜縣東北有董池陂既盡也是其事也 杜赤棠白者棠 釋曰郭云棠色異異其名樊光云赤者為杜白者為棠陸機疏云赤棠與白棠同耳但子有赤白美惡子白色為白棠甘棠也少酢滑美赤棠子澁而酢無味俗語云澁如杜是也赤棠木理韌亦可以作弓幹 諸慮山梟 釋曰諸慮一名山梟郭云今江東呼梟為藤似葛而麤大 攝虎梟 釋曰攝一名虎梟郭云今虎豆纏蔓林樹而生莢有毛刺今江東呼為機或曰葛類也子如菘豆而葉大 杞枸機 釋曰杞一名枸機郭云今枸杞也詩小雅四牡云集于苞杞陸機疏云一名苦杞一名地骨春生羹茹微苦其莖似莓子秋熟正赤莖葉及子服之輕身益氣耳 杙魚毒 釋曰杙一名魚毒郭云杙大木子似栗生南方皮厚汁赤中藏卵果 椐大椒 釋曰椐者大椒之別名也郭云今椒樹叢生實大者名為椐詩唐風云椒聊且陸機疏云椒樹似茱萸有針刺葉堅而滑澤蜀人作茶吳人作茗皆合其葉以為香今成臯諸山間有椒謂之竹葉椒其樹亦如蜀椒少毒熱不中合藥也可著飲食中又用蒸雞豚最佳香東海之島上亦有椒樹枝葉皆相似子長而不圓甚香其味似橘皮島上獐鹿食此椒葉其肉自然作椒橘香 梟鼠梓

雅疏九

釋曰李巡云鼠梓一名梗郭云楸屬也今江東有虎梓詩小雅云北山有梗陸機疏云其樹葉木理如楸山楸之異者今人為之苦楸是也 楓楸 釋曰說文云楓木厚葉弱枝善搖一名楸郭云楓樹似白楊葉圓而歧有脂而香今之楓香是也本草唐本注云樹高大葉三角商洛之間多有之是也又三海南荒經云有宋山者木生山上名曰楓木楓木蚩尤所棄其極枯是謂楓木注云即今楓香樹也 寓木宛童 釋曰寓木一名宛童郭云寄生樹一名焉詩小雅頌弁云焉與女蘿陸機疏云焉一名寄生葉似當盧子如覆盆赤黑甜美是也 無姑其實夷 釋曰無姑一名姑榆其實名夷郭云無姑姑榆也生山中葉圓而厚剥取皮令漬之其味辛香所謂無夷云所謂者所謂本草無夷一名無姑也 櫟其實楸 釋曰櫟似檇之木也楸盛實之房也孫炎曰櫟實椽也郭云有楸彙自襄詩秦風云山有苞櫟陸機疏云秦人為柞櫟為櫟河內人謂木蓼為櫟椒櫟之屬也其子房生為楸木蓼子亦房生故說者或曰柞櫟或曰木蓼機以為此秦詩也宜從其方土之言柞櫟是也 槎羅 釋曰槎一名羅郭云今楊槎也實似梨而小酢可食詩秦風云隰有樹槎陸機疏云槎一名赤羅一名山梨也今人謂之楊槎實如梨但小耳一名鹿梨一名梨

今人亦種之極有脆美者亦如梨之美者 楔荆桃至山桃 釋曰別桃類也楔一名荆桃郭云今櫻桃廣雅云櫻桃含桃也月令仲夏云羞以含桃是也桃子冬熟者名旄生山中者名梔桃郭云實如桃而小不解核 休無至赤李 釋曰別李屬也李之無實者名休郭云一名趙李座接慮李郭云今之麥李與麥同熟因名云李之子赤者名駁 棗壺棗至檢棗 釋云別棗類也云棗者目諸棗也壺棗者棗形似壺也郭云今江東呼棗大而銳上者為壺壺猶瓠也邊大而馨細者名邊腰棗郭云子細馨今謂之鹿盧棗棗子白熟者名檇實小而味酢者名檇棗楊徹齊棗注未詳遵一名羊棗郭云實小而圓紫黑色今俗呼之為羊矢棗洗最大之棗名也郭云今河東猗氏縣出大棗子如雞卵黃填棗注未詳蹶泄者味苦之棗名也哲者無實之棗名也還味者短味也名檢棗 注孟子曰養其槭棗 釋曰案孟子曰人之於身也體有貴賤有小大無以小害大無以賤害貴養其小者為小人養其大者為大人今有場師舍其梧櫟養其槭棗則為賤場師焉趙歧注云槭棗小棗所為酸棗是也 注孟子曰曾皙嗜羊棗 釋曰孟子云曾皙嗜羊棗而曾子不忍食羊棗公孫丑問曰膾炙與羊棗孰美孟子曰膾炙哉公孫丑曰然則曾子何為食膾炙而不食羊

雅疏九

棗曰膾炙所同也羊棗所獨也諱名不諱姓姓所同也名所獨也是其事  
 櫬梧釋曰櫬一名梧郭云今梧桐詩大雅云梧桐生矣于彼朝陽是也樸枹  
 者釋曰樸屬枹綴皆木叢生之名也郭云樸屬叢生者為枹注詩所謂  
 械樸枹櫬釋曰械樸者詩大雅云芘芘械樸薪之櫬之是也枹櫬者秦風云  
 山有枹櫬隰有六駁是也謂櫬采薪采薪即薪釋云郭云指解今樵薪一  
 名櫬一名采薪一名即薪公羊謂之薪采左傳云不樵樹史記云樵蘇後爨師  
 不宿飽注云樵取薪蘇取草皆謂取草木為薪也枹櫬其釋曰枹一名櫬  
 其郭云枹實似柰赤可食山海經云堂庭之山多枹木注云子似柰而赤可食  
 是也劉劉杙釋曰劉一名劉杙其子可食郭云劉子生山中實如梨酢甜  
 核堅出交趾懷槐大葉而黑釋曰懷槐一也大葉而黑名懷不爾者即名槐  
 郭云槐樹葉大色黑者名為懷守宮槐葉書聶宵炕釋曰此亦槐也聶合  
 也炕張也言其葉晝合夜開者別名守宮槐郭云槐葉晝日聶合而夜炕布者  
 名為守宮槐槐小至散榎釋曰別楸榎之異也楸之小葉者名榎樊光云  
 大者老也散措皮也謂樹老而皮麤散者為楸小少也樹少而皮麤散者為榎  
 注左傳曰使擇美榎釋曰案襄二年夏齊姜薨初穆姜使擇美榎以自為

櫬與頌琴季文子取以葬是其事也椅梓釋曰別二名也郭云即楸詩廓  
 風云椅桐梓漆陸機疏云梓者楸之疏理白色而生子者為梓梓實桐皮曰椅  
 則大類同而小別也檠赤棟白者棟釋曰棟赤者名檠白者即名棟某氏  
 曰其色雖異為名即同郭云赤棟樹葉細而岐銳皮理錯戾好叢生山中中為  
 車輞白棟葉貪而岐為大木也詩小雅云隰有杞夷陸機疏云棟葉如柞皮薄  
 而白其木理赤者為赤棟一名夷白者為棟其木皆堅韌今人以為車輞  
 終牛棘釋曰終一名牛棘郭云即馬棘也其刺麤而長謂棘之針刺麤長者  
 因名牛棘馬棘也灌木叢木釋曰灌木者即叢生之木也下云木族生為  
 灌木云族叢也是灌木為叢木也詩周南云黃鳥于飛集于灌木是也瘰木  
 苻婁釋曰某氏云詩云辟彼瘰木疾用無枝苻婁偃內疾瘰磊故疾用無  
 枝郭云謂木病偃偃瘰腫無枝條舍人曰苻婁屬下句獨為異也蕢藹釋曰  
 蕢亦樹實名又名藹郭云樹實繁茂菴藹枹適木魁瘰釋曰木叢攢迫而  
 生者名枹適木魁瘰讀若瘰磊謂根節盤結處也郭云謂樹木叢生根枝節目  
 盤結磊磊械白桲釋曰械一名白桲郭云桲小木叢生有刺實如耳瑤  
 紫赤可啖詩大雅云芘芘械樸陸機云三倉說械即柞也其材理全白無赤心

者爲白椴直理易破可爲積車輻又可爲矛戟矜今人爲之白楸或曰白栝此二說不同未知孰是 梨山楸 釋曰梨生山中者名楸郭云即今梨樹言其在山之名則曰楸人植之曰梨 桑辨有甚楸 釋曰說文云甚桑實也郭云辨半也舍人云桑樹一半有甚半無甚爲楸 女桑楸桑 釋曰女桑一名楸桑郭云今俗呼桑樹小而條長者爲女桑樹詩豳風七月云猗彼女桑是也 榆白粉 釋曰榆之皮色白者名粉郭云粉榆先生葉却著莢皮色白詩陳風云東門之粉是也 唐棣移 釋曰舍人曰唐棣一名移郭云似白楊江東呼夫移詩召南云唐棣之華陸機云與李也一名雀梅亦曰車下李所在山皆有其華或白或赤六月中熟大如李子可食 常棣棣 釋曰舍人曰常棣一名棣郭云今山中有棣樹子如櫻桃可食詩小雅云常棣之華陸機疏云許慎曰白棣樹也如李而小子如櫻桃正白今官園種之又有赤棣樹亦似白棣葉如刺榆葉而微貪子正赤如郁李而小五月始熟自關西天水隴西多有之 檟苦茶 釋曰檟一名苦茶郭云樹小似梔子冬生葉可煮作羹飲今呼早采者爲茶晚取者爲茗一名薜蜀人名之苦茶 楸樸心 釋曰孫炎曰樸楸一名心某氏曰樸楸樹楸也有心能濕江河間以作柱是樸楸爲木名也故郭

宋本此柯字係刻改

云榭楸別名詩召南云林有樸楸此作楸樸文雖倒其實一也或者傳寫誤 榮桐木 釋曰桐木一名榮郭云即梧桐與上觀梧一也 棧木干木 釋曰棧木一名干木郭云樞木也江東呼木斂 壓桑山桑 釋曰山桑一名壓桑郭云似桑材中作弓及車轅冬官考工記云弓人取幹柘爲上壓桑次之是也 木自斃至梢梢擢 釋曰此別死頓相磨皮甲抽擢之異名也云木者摠在下之稱也自斃踏者名神立死不斃頓者名樞枝葉蔽蔭覆地者名翳木兩枝相切磨者名櫟木皮甲麤錯者名楷亦名柯木無枝相長而殺者名梢一名梢擢小爾雅曰拔根曰擢 注詩云其樞其翳 釋曰詩大雅皇矣篇文也毛傳云木立死曰菑自斃爲翳說者引李巡曰以當死害生曰菑斃死也然則以立死之木妨佗木生長爲木之害故曰菑也自斃者生木自倒枝葉覆地爲陰翳故曰翳也爾雅直云斃者詩傳以其非人斃之故曰自斃其文與此不同者所見本異也 樅松至松身 釋曰此辨樅檜之異名也松葉栢身者名樅柏葉松身者名檜 注今大至美樅 釋曰云今太廟梁材用此木者以時驗而言也云尸子所謂已下者綽子篇文也 注詩曰檜楫松舟 釋曰詩鄘風竹竿篇文也毛傳云楫所以擢舟是也 句如至如槐曰茂 釋曰此別木之曲

直叢生茂盛之異名也句曲也樹皮曲卷似鳥毛羽名喬樹枝下垂而曲名科  
 詩周南云南有樛木是也木枝上竦而曲卷者亦名喬如木楸上竦者亦曰喬  
 郭云楸樹性上竦詩周南云南有喬木是也凡木如竹箭叢生者曰苞禹貢曰  
 草木漸包是也凡木枝葉婆娑者曰茂詩小雅云如松柏之茂是也枝葉扶踈  
 茂盛如槐者亦曰茂 槐棘至醜核 釋曰此辨木之枝條子實形狀之異醜  
 類也喬高也槐棘之類枝皆翹竦桑柳之類皆阿那垂條葉者實之房也椒櫟  
 之類實皆有葉彙自裹李巡曰椒葉莢也椒葉莢皆有房故曰葉葉實也  
 郭云葉莢子聚生成房貌今江東亦呼葉櫟似葉莢而小赤色桃李之類皆子  
 中有核人曲禮云其有核者懷其核 瓜曰至鑽之 釋曰此辨啖食治擇瓜  
 果之名也云瓜曰華之者此為國君削瓜之禮也華謂半破也降於天子故破  
 而不四析也亦橫斷之而中以給也云桃曰膽之者桃多毛拭治去毛令色青  
 滑如膽也或曰膽謂苦桃有苦如膽者擇去之云棗李曰寔之者謂治棗李  
 皆去其寔寔者柢也云檀梨曰鑽之者恐有蟲故一一鑽看其蟲孔也 注皆  
 啖至禮記 釋曰云檀似梨而酢澁者案鄭注禮記內則云相梨之不臧者今  
 之所謂檀子者是也云見禮記者案曲禮云為天子削瓜者副之巾以絺為國

君者華之巾以給又內則云棗曰新之栗曰撰之桃曰膽之粗梨曰鑽之鄭注  
 云皆治擇之名也文雖小異大意則同 小枝上繚為喬 釋曰此即上句曰  
 喬嫌不了故重出之言小枝上竦翹繚者名為喬木也 無枝為檄 釋曰此  
 即上文梢梢擢也檄者擢也謂木無枝檄擢直上長而殺者也 木族生為灌  
 釋曰族叢也木叢生者為灌即上灌木叢木也  
 釋蟲第十五

釋曰案說文蟲者裸毛羽鱗介之摠稱也此篇廣釋諸蟲之名狀故曰釋蟲  
 螿天螿 注螿蛄也夏小正曰螿則鳴 釋曰螿一名天螿一名碩鼠即今之  
 螿蛄也夏小正者大戴禮之篇名以蟲魚草木正十二月之節候起於夏后氏  
 故曰夏小正其三月云螿則鳴螿天螿是也 蜚蠊蟹 注蟹即負盤臭蟲  
 釋曰案洪範五行傳云蜚負蟻夷狄之物越之所生其為蟲臭惡南方溼氣之  
 所生也本草曰蜚聞蟲也然則蜚是臭惡之蟲害人之物故春秋左氏傳曰有  
 蜚不為災亦不書也春秋經傳皆云有蜚則此蟲名蜚一名蠊蟹而舍人李巡  
 皆云蜚蠊一名蟹非也此蟲一名負盤漢書及左傳注多作負蟻者以此下有

草蟲負蟻故相涉誤耳 蟻衙入耳 注蚰蜒 釋曰此蟲象吳公黃色而細



字本之精：三字占二格係

長呼為吐古案方言云蚰蜋由延二音自關而東謂之蟻蜋或謂之入耳或謂之蜚  
 蠃音趙魏之間或謂之蚱蜢扶于二音北燕謂之蚰蜋蚰音奴六切江東人呼蛭音皆  
 今蚰蜋喜入人耳者也 蚰蜋至蟻蜋 釋曰此辨蟬之大小及方言不同  
 之名也云蚰者目諸蚰也蚰蜋五彩具者也蟬蜋俗呼胡蟬似蟬而小鳴聲清  
 亮者也蛭一名蜻蜻如蟬而小有文者也蠶一名茅蚰似蟬而小青色者也蚰  
 一名馬蚰一名馬蟬蟬中最大者也蜋一名寒蚰又名寒蠶似蟬而小青赤色者  
 也關東謂蟻蜋為蛭蚱齊為之蟻蜋也 注夏小至彩具 釋曰在五月記  
 時也 注夏小至音莢 釋曰云蟬蚰者蜋者亦在五月舍人曰皆蟬也方語  
 不同三輔以西為蚰梁宋以東謂蚰為蜋陸機云蟬一名蜋蚰字林蚰或作嘹  
 也青徐人謂之蟻蜋然則蟬蜋亦皆蟬也大雅蕩篇云如蚰如蟬是也 注如  
 蟬至虎縣 釋曰舍人曰小蟬也蜻蜻者案方言云蟬楚謂之蚰宋衛之間謂  
 之蟬陳鄭之間謂之蜋蚰秦晉之間謂之蟬海岱之間謂之蜻其小者謂之  
 麥蛭有文者謂之蜻蜻是也詩碩人云螭首蛾眉鄭云螭謂蜻蜻此蟲額廣而  
 且方故以比婦人之首也某氏解此云鳴蛭蛭者也云夏小正曰者在四月彼  
 云鳴蛭蛭者虎縣也鳴而後知之故先鳴而後蛭是也 注月令曰寒蟬鳴

釋曰在七月鄭注云寒蟬寒蚰謂蜋也是 注即蜋至蟻蜋 釋曰案方言云  
 蚰蜋音折齊謂之蟻蜋楚謂之蟻蜋楚辭云蟻蜋鳴兮啾啾是也或謂之蚱蜢  
 秦謂之蚰蜋自關而東謂之蚰蜋音料或謂之蟻蜋音帝或謂之蛭蚱然  
 則亦皆蟬之別名耳 蛭蜋蛭蜋 釋曰蛭蜋一名蛭蜋黑甲翅在甲下噉糞  
 土喜取糞作丸而轉之莊子曰蛭蜋之智在於轉丸是也 蜋蛭蜋 釋曰木  
 中蠹蟲解在下 蟻齧桑 釋曰蟻一名齧桑江東呼齧髮形似天牛長角  
 體有白點喜齧桑樹作孔入其中因名云 蟬渠渠略 釋曰舍人曰蟬渠一  
 名渠略南陽以東曰蟬渠梁宋之間曰渠略似蛭蜋身狹而長有角黃色叢生  
 糞土中朝生暮死豬好啖之夏小正曰蟬渠渠略也生而暮死詩曹風云  
 蟬蜋之羽陸機疏云蟬蜋方土語也通謂之渠略似甲蟲有角大如指長三四  
 寸甲下有翅能飛夏月陰雨時地中出今人燒炙噉之美如蟬也樊光謂之糞  
 中蜋蟲隨陰雨時為之朝生而夕死 蜋蜋蜋 釋曰蜋一名蜋蜋甲蟲也形大  
 如虎豆綠色 蟬輿父守瓜 釋曰蟬輿父一名守瓜黃甲小蟲喜食瓜葉因  
 名守瓜 蛭蜋蜋 注蛭蜋蜋蜋類 釋曰案方言蛭蜋謂之杜蝮然則此言蛭及蜋  
 之蜋蜋或謂之蜋蜋象鈴二音南楚謂之杜狗或謂之蜋蜋然則此言蛭及蜋

者亦螻蛄之異名耳 蚌蟻強蚌 釋曰方言云蛄蟻謂之強蚌今米穀中小黑蠹蟲也江東謂之蜎音建平人呼蚌子音楚姓芋之芋 不過螻蟻其子蜎蛸釋曰不過一名螻蟻一名螻蟻蛸母也其子一名蜎蛸一名螻蟻蛸蛸蟻蟻卵也方言云譚魯以南謂之螻蟻三河之域謂之螻蟻燕趙之際謂之食庖齊杞以東謂之馬穀其子同名蜎蛸也月令仲夏云螻蟻生是也 蒺藜螂蛆 釋曰蒺藜一名螂蛆廣雅云螂蛆蜈蚣也郭云似蝗而大腹長角能食蛇腦則非蜈蚣也莊子云螂蛆甘帶是也 蜎蝮蝮 釋曰蜎蝮一名蜎蝮蝗子未有翅者春秋宣十五年冬蜎生是也 注外傳曰蟲舍蜎蝮 釋曰此魯語里革諫宣公之辭也韋氏解曰蜎蝮子也可以為醢蜎蝮蝮也可食舍不取也蟋蟀蝻 釋曰蟋蟀一名蝻今促織也亦名青留詩唐風云蟋蟀在堂歲聿其莫陸機疏云蟋蟀似蝗而小正黑有光澤如漆有角翅一名蝻一名蜎留楚人謂之王孫幽州人謂之趨織里語曰趨織鳴嬾婦驚是也 螿蟻 注蛙類釋曰此自一種蝦蟇也 蝦馬蟻 釋曰蝦馬一名馬蟻一名馬蠲蚘俗呼馬蟻方言云馬蟻音北燕謂之蛆蟻音子其大者為之馬柚音是也 皇螿至蟻谿 釋曰皇螿之族厥類寔煩此辨之也皇螿一名蟻李巡曰蝗子也陸

機疏云今人謂蝗子為螿子兗州人謂之騰許慎云蝗螿也蔡邕云螿蝗也明是一物草蟲一名負蟻一名常羊陸機云小大長短如蝗也奇音青色好在茅草中又一名草蟲詩云嘒嘒草蟲趨趨皇螿是也蜎螿周南作螿斯七月作斯螿雖字異文倒其實一也一名松楸一名螿蟻一名螿蟻陸機云幽州人謂之春箕春箕即春黍蝗類也長而青長角長股股鳴者也或謂似蝗而小斑黑其股似瑇瑁又五月中以兩股相切作聲聞數十步者是也螿蟻一名螿蟻形似螿而細長飛翅作聲者是也上螿一名螿谿今謂之工蟻江南呼蛸蛸又名蛸蟻形似蝗而小善跳者是也 注詩云嘒嘒草蟲趨趨皇螿 釋曰召南草蟲篇文也 螿蟻蟻蚕 釋曰螿蟻一名螿蚕即蜎蟻也廣雅云蜎蟻蛸蛸也月令四月蛸蛸出十月蛸蛸結是也江東呼寒蛸郭云蛸蛸土精無心之蟲與皇螿交者也 莫猗螿蝗蛸 釋曰莫猗一名螿蝗一名蛸即上不過也捕蟬而食有辟若斧奮之當軼不避莊子云猶螿蝗之怒辟以當車軼是也江東呼為右蝗又名齧肱 注孫叔然以方言說此意亦不了 釋曰方言云螿蝗謂之髦或謂之蛸或謂之芊芊孫炎取此方言之文以蛸上屬為說案說文以蛸蛸負勞為一則方言之說既失其指孫氏引之為說是亦不了也 蛸蛸

負勞 釋曰即蜻蛉四翼六足蟲也一名虻蛭一名負勞江東呼狐黎方言云  
 蜻蛉謂之唧蛉淮南人又呼蠓蚱伊音康字林云一名桑根陶注本草云一名蜻  
 蛭是也 注或曰至未聞 釋曰云所未聞者雖有或人之說但經典未聞所  
 出示其無質故云所未聞 蛸毛蠹 釋曰蛸一名毛蠹即載也說文云載毛  
 蟲今俗呼為毛載有毒螫人楚辭云載綠兮我裳是也 螺蛄蜚 釋曰螺一  
 名蛄蜚即載類也青州人呼蛄蜚 注孫叔然云八角螯蟲失之 釋曰此即  
 毛蟲何止八角故云失之螯猶蠶也字林云蟲行毒也 蟠鼠負 釋曰此與  
 下蚘威委黍是一故下注委黍云舊說鼠婦別名則此蟲一名蟠一名鼠負  
 或作婦本草作婦一名蚘威一名委黍也陸機云在辟根下甕器底土中生似  
 白魚者是也陶注本草云多在鼠坎中鼠皆負之然與鼠婦及鼠婦則似乖詩  
 東山云伊威在室是也 蟬白魚 釋曰此衣書中蟲也名蟬一名白魚一名  
 蚘魚本草謂之衣魚是也 蠶羅 釋曰此即蠶蛹所變者也說文云蠶羅也  
 是 翰天雞 釋曰此黑身頭赤小蟲也一名翰一名天雞一名沙雞又曰樗  
 雞李巡曰一名酸雞詩幽風七月云六月沙雞振羽陸機疏云如蝗而班色毛  
 翅數重其翅正赤六月中飛而振羽索索作聲幽州人謂之蒲錯是也 強斬

釋曰強蟲名也一名斬好自摩捋者蓋蠅類 蠅蛹 釋曰即蠶所變者一名  
 蠅又名蛹也 蜺縊女 釋曰蜺小黑蟲也赤頭喜自縊故又名縊女說文云  
 蛻為蝶是也 注喜自經死 釋曰經即縊也晉語申生使猛足辭於狐突乃  
 雉經於新城廟僖四年左氏傳云十二月戊申縊于新城是為縊為經也  
 蚘蟬至於蚘 釋曰此辨衆螿及其子名也螿通名也其大者別名蚘蟬俗呼  
 馬蚘蟬小者即名螿齊人呼蟻蟬方言云蚘蟬齊魯之間謂之蚘蟬蚘音養西  
 南梁益之間謂之玄蚘燕謂之蛾蟬蟬音養其場謂之坻或謂之埕是也其大而  
 赤色斑駁者名蠶一名打螿有翅而飛者名蠶即飛螿也其子在卵者名坻可  
 以作醢 注周禮曰蜃蚘醬 釋曰案周禮醢人職曰饋食之豆蜃蚘醢醢  
 則醬之有肉者故此云醬也 次蠶至草蠶 釋曰此辨蠶蠶方言及在土在  
 草之名也次蠶即蠶蠶別名也又一名蠶蠶今江東呼蠶蠶說文謂之蠶  
 蠶作罔蠶蠶也方言云自關而西秦晉之間謂之蠶蠶自關而東趙魏之郊謂  
 之蠶蠶或謂之蠶蚘蠶音養北燕朝鮮洌水之間謂之蠶蚘蚘音養又云齊人  
 又呼社公亦言罔公在地中布網者名土蠶蠶其作網絡幕草上者名草  
 蠶蠶也 土蠶木蠶 釋曰此辨蠶蠶在土在木之異民說文云蠶飛蟲螫人

說文二字指夫當是也天二字以又達所據本不保

者其形大在地中作房而啖其子者名土蠶又名馬蠶今荆巴間呼為蠶其形  
差小在樹上作房者名木蠶亦食其子 注音憚 釋曰嫌讀為蜚蠊之蠶故  
音之 蟻蟻蟻蟻蟻 釋曰此辨蝎在土在木之異名也其在墓中者名  
蟻蟻又名蟻蟻其在木中者方言云關東謂之蟻蟻梁益之間謂之蝎上文蝎  
蛄蛄郭云本中蠶下文蝎桑蠶郭云即蛄蛄然則蟻蟻也蟻蟻也蟻蟻也蛄蛄  
也桑蠶也蛄也蛄而六名也以在木中白而長故詩人以比婦人之頸碩人云  
頰如蟻蟻是也 蟻蟻長跖 釋曰此蠶蠶長脚者一名蟻蟻一名長跖俗  
呼為喜子詩東山云蟻蟻在戶陸機疏云一名長脚荆州河内人謂之喜母此  
蟲來著人衣當有親客至有喜也幽州人謂之親客亦如蜘蛛為羅罔居之  
是也 國貉蟲蟻 釋曰此蛹蟲也今俗呼為蟻一名國貉一名蟲蟻說文云知  
聲蟲也廣雅云土蛹蟻蟲是也 蟻蟻蟻 釋曰蟻一名蟻蟻郭云今蟻蟻方  
言云蟻蟻謂之蟻蟻 郭云又呼步屈說文云蟻屈伸蟲也易繫辭云尺蠖  
之屈以求信者是也 果蠶蒲盧蟻蟻桑蟲 釋曰案詩小雅小宛云蟻蟻有  
子蟻蟻負之果蠶一名蒲盧即細膏蠶也俗呼為蟻蟻方言云蠶燕趙之間  
謂之蟻蟻其本者謂之蟻蟻鄭注中庸以蒲盧為土蠶說文云細要土蠶說文

地之性細要純雄無子蟻蟻一名桑蟲一名桑蟻一名戎女陸機云蟻蟻者桑  
上小青蟲也似步屈其色青而細小或在草葉上蟻蟻土蠶也似蠶而小蟻取  
桑蟲負之於木空中七日而化為子法言云蟻蟻之子殪而逢蟻蟻祝之曰類  
我類我久則肖之是也 蟻火即炤 釋曰蟻火一名即炤夜飛腹下有火蟲  
也本草又名夜光一名炤耀月令季夏腐草為蟻蟻草此時得暑濕之氣故  
為蟻至秋而天沉陰數雨蟻火夜飛之時也詩東山云炤耀宵行是也 蟻鳥  
蟻 釋曰蟻一名烏蟻形似蠶而大如指詩大雅韓奕云輦革金厄毛亦云厄  
烏蟻是也 注似蠶見韓子 釋曰案韓子內儲說上七術其三曰信賞盡能  
云鱸似蛇蠶似蟻人見蛇則驚駭見蟻則毛起然而婦人拾蠶而漁者握鱸利  
之所在則忘其所惡皆為孟賁是其事也 蟻蟻蟻 釋曰小蟲似蟻亂飛者  
也名蟻又名蟻蟻列子云生朽壤之上因而生得陽而死一名醯雞莊子云  
孔子與老聃語出告顏回曰丘之於道也其猶醯雞與郭象云醯雞者甕中  
蟻蟻是也 王蟻蟻 釋曰此蠶蠶之一種也一名蟻蟻穴居布罔穴口有蓋  
河北人呼蟻蟻者是也 蟻桑至肅爾 釋曰此皆蠶類作繭者因所食葉異  
而異其名也食桑葉作繭者名蟻即今蠶也食樗葉棘葉藥葉者名蠶由食

蕭葉作藹者名虻 藹醜至醜扇 釋曰此辨蟲類所生及所好之狀不同者也 藹飛也醜類也 蟲類能飛者謂蟬屬皆剖圻母背以爲孔罅而生 螽之類好奮迅作聲而飛強斫之類好以脚自摩捋蠶類好垂其腹以休息說文云 螽垂腴也腴即腹下也 青蠅之類好搖翅自扇 食苗至根 釋曰此分別蟲啖食禾所在之名也 李巡云食禾心爲螟言其姦冥冥難知也 食禾葉者言假貸無厭故曰螟也 食禾節者言貪狼故曰賊也 食禾根者言其稅取萬民財貨故云 蠹也 孫炎曰皆政貪所致因以爲名也 郭璞直以蟲食所在爲名而李巡孫炎並因託惡政則災由政起雖以食所在爲名而所在之名緣政所致理爲兼通也 陸機疏云螟似子方而頭不赤 螽蝗也 賊似桃李中蠹蟲赤頭身長而細耳或說云 螽蝻蛄也 食苗根爲人患許慎云 吏冥冥犯法即生螟吏乞貸則生蟻吏抵冒取民財則生蠹舊說云 螟螽蝻賊一種蟲也 如言寇賊姦宄內外言之爾 故捷爲文學曰此四種蟲皆蝗也 實不同故分別釋之 注皆見詩 釋曰詩小雅大田云去其螟螽及其蠹賊無害我田穉是也有足謂之蟲無足謂之豸 釋曰此對文爾 散文則無足亦曰蟲 月令季春曰其蟲鱗 鄭注云龍蛇之屬是也

釋魚第十六

釋曰案說文云魚水蟲也 此篇釋其見於經傳者是以不盡載魚名至於龜蛇貝鼈之類以其皆有鱗甲亦魚之類故摠曰釋魚也 鯉 釋曰今赤鯉魚也 詩云豈其食魚必河之鯉是也 鱸 釋曰郭義具注陸機云鱸出江海三月中從河下頭來上鱸身形似龍銳頭口在頷下背上腹下皆有甲縱廣四五尺今於盟津東石磧上釣取之大者千餘斤可蒸爲臠又可爲鮓魚子可爲醬詩 衛風碩人云鱸鮓發發是也 鰕 釋曰注云今鰕額白魚郭以目驗言之也 詩頌云鱮鱮鰕鰕是也 鮎 釋曰郭氏云別名鯢江東通呼鮎爲鮎案此經 鯉鱸鰕鮎舍人曰鯉一名鱸孫炎曰鰕一名鮎則是舍人以鯉鱸爲一魚孫炎以鰕鮎爲一魚郭氏以爲四魚者如陸機之言又以今語驗之則鯉鮎鱸鮎皆異魚也 故郭氏云先儒及毛詩訓傳皆謂此魚有兩名今此魚種類形狀有殊無緣強合之爲一物是郭氏所以異也 鮠注鮠也 釋曰今鯉魚也 鮠與鯉音義同 詩小雅云魚麗于鬐鮠是也 鮠注今鯉魚似鮠而大 釋曰舍人云鮠一名鮠郭氏所不取也 鯨鮪 釋曰鯨一名鮪詩小雅云魚麗于鬐鮪 鯨陸機云魚狹而小常張口吹沙故郭氏云今吹沙小魚也 鮠黑鮠 釋曰

鮠一名黑鮠郭云即日儵江東呼為鮠者以時驗而言之也詩頌曰鯨鯢鮠鯉是也 鮠鮠 釋曰鮠一名鮠即今鮠鮠也穴於泥中因以名云 鮠大鮠小者鮠 釋曰此即上文鮠也其大者名鮠小者名鮠故注云今青州呼小鮠為鮠鮠與鮠音義同 鮠大鮠小者鮠 釋曰鮠魚名似鮠而大白色鮠之大者別名鮠小者別名鮠也 鮠大鮠 釋曰鮠之大者長二三丈鬚長數尺若此之類者名鮠 鮠魚子 釋曰凡魚之子搃名鮠詩云其魚鮠鮠鄭云鮠魚子鮠字異蓋古字通用也魯語云宣公夏濫於泗淵里革斷其罟而棄之曰魚禁鮠鮠鳥翼殼卵蕃庶物也是亦以鮠為魚子也 注鮠鮠至有之 釋曰鮠一名是鮠鮠之屬也云體似鮠者字林云鮠長臯魚也重千斤傳曰伯牙鼓琴鮠魚出聽是也鮠魚之體似之也云尾如鮠魚者說文云鮠魚名出樂浪潘國曰鮠魚出江東有兩乳今鮠魚之尾如鮠魚之尾故云尾如鮠魚也云大腹以下者時驗而言也 注家語曰其小者鮠魚也 釋曰案家語宓子賤仕魯為單父宰孔子使巫馬期往觀政焉期陰免衣弊裘入界見鮠者得魚輒捨之期問焉曰凡鮠者為得魚也何以得魚卻捨之曰魚之大者名為鮠鮠吾大夫愛之其小者名為鮠吾大夫欲長之是以得二者輒捨之是也引之證鮠是小魚

之名也 鮠鮠 釋曰郭義具注陸機云鮠魚形似鱸而青黑頭小而尖似鐵兜鍪口亦在頷下其甲可以摩薑大者不過七八尺益州人謂之鱸鮠大者為王鮠小者為鮠鮠一名鮠肉色白味不如鱸也今東萊遼東人謂之尉魚又謂之仲明仲明者樂浪尉也溺死海中化為此魚又曰河南鞏縣東北崖上山腹有穴舊說云此穴與江湖通鮠從此穴而來此八河西上龍門入漆沮故張衡賦云王鮠岫居山穴為岫謂此穴也月令季春薦鮠於寢廟天官獻人春獻土鮠是也 鮠當鮠 釋曰鮠一名當鮠海魚也 注海魚至音湖 釋曰云似鮠而大鱗者案鮠似鮠而大腰細而長今鮠魚似之但鱗大耳云肥美以下者時驗而知也 鮠蠖刀 釋曰鮠一名蠖刀郭氏云今之鮠魚也說文云鮠飲而不食刀魚也九江有之亦呼為鮠魚是則此魚一名鮠一名蠖刀一名鮠魚一名鮠魚也 鮠鮠鮠鮠 釋曰郭云小魚也似鮠子而黑廣雅云鮠鮠也此魚似其小者故云似鮠子而黑色為異也江東呼為妾魚說文云鮠魚出樂浪潘國是也 魚有力者微 釋曰凡魚之強大多力異於羣輩者名微 鮠鮠 釋曰鮠魚一名鮠郭云出穢邪頭國見呂氏字林案說文亦云 鮠鮠 釋曰鮠一名鮠詩云九罭之魚鮠鮠陸機云鮠似鮠魚而鱗細於鮠赤眼是也

鮠一名鮠詩云九罭之魚鮠鮠陸機云鮠似鮠魚而鱗細於鮠赤眼是也

魴魴 釋曰魴一名魴江東呼謂編詩云其魚魴鰈陸機云魴今伊洛濟頰魚也廣而薄肥甜而少肉細鱗魚之美者遼東梁水魴特肥而厚尤美於中國魴故其鄉語曰居就粮梁水魴是也 蛸蛸 釋曰井中小赤蟲也一名蛸一名蠓又名蛸蛸又一名子子廣雅云子子蛸是也 蛸蛸 釋曰此水中蟲烹入人肉者江東呼為蠓本草謂之水蛸一名馬蜚一名馬蒼即楚王食寒菹得而吞之能去結積者是也 科斗活東 釋曰郭云蝦蟆子此蟲一名科斗一名活東頭圓大而尾細故文似之故孔安國云皆科斗文字是也 魁陸 釋曰即魁蛤也見本草 注本草至蚶也 釋曰案本草蟲魚部云魁蛤一名魁陸生東海正圓兩頭空表有文陶隱居注云形似紡軛音小狹長外有縱橫文理云是老蝙蝠化為者是也云即今之蚶也者案字書云蚶蛤也出會稽可食是也然則又一名蚶也 鼃鼃蟾諸在水者鼃 釋曰此有多種鼃鼃一名蟾諸郭云似蝦蟆居陸地淮南謂之去蛟然蟾諸非蝦蟆但相似耳案本草蝦蟆陶注云此是腹大皮上多疣磊者也蟾諸亦類此抱朴子曰蟾諸壽三千歲者頭上有角額下有丹書八字立中記云蟾諸頭生角者食之壽千歲是其居水者名鼃一名耿鼃一名土鴨狀似青蛙而腹大為異陶注本草云大而

青春者俗名土鴨其鳴甚壯即此鼃也陶又云一種小形善鳴喚名為鼃者即郭云青蛙者也 蟻蟻 釋曰此一名蟻蚌屬也說文云修為蟻圓為蟻郭云今江東呼蚌長而狹者為蟻其肉可為醢周禮醢人掌饋食之豆云脾析蟻醢是也 蚌含漿 釋曰說文云履屬郭云即履也謂老產珠者一名蚌一名含漿周禮為之狸物 鼃三足能龜三足賁 釋曰鼃龜皆四足三足者異故異其名鼃之三足者名能龜之三足者名賁也 注山海至六眼龜 釋曰案中山經云遊戲山東南二十里曰從山從水出其上潛其下其中多三足鼃食之無蟲疾是從山多三足鼃也又云放臯山東五十七里曰大苦山陽在水出焉西南注伊水中多三足龜食者無大疾可以已腫是大苦山多三足龜也云吳興郡以下者以時驗而言也 蚶蟻蛸蟾 釋曰蚶蟻一名蛸蟾郭云即蝸牛也案本草蝸牛陶注云生山中及人家頭形似蛸蟾但背負殼爾海邊又一種正相似以火炙殼便走出食之益顏色名寄居亦可作醢周禮饋食之豆葵菹羸醢是也 羸小者蟬 釋曰羸與螺音義同其小者名蟬 蟬蟬小者蟬 釋曰蟬即彭蟬也似蟹而小一名蟬其小者別名蟬案埤蒼即云螺屬郭氏兩從之 履小者玃 釋曰履大蛤也月令孟冬之月云雉入大水為履

其小者名珧一名玉珧可飾佩刀削詩傳云天子玉琫而珧琕是也山海經嶧  
臯山臯水出焉東注激女水其中多蜃珧 龜俯至不若 釋曰此辨龜之俯  
仰前後左右其形不同其名亦異也云龜者目諸龜也云俯者靈者謂行時頭  
低周禮天龜曰靈屬是也云仰者謝者謂行時頭仰周禮地龜曰繹屬是也云  
前弁諸果者諸辭也謂甲前長弁覆者名果周禮東龜曰果屬是也云後弁  
諸獵者諸亦辭也謂甲後長弁覆者名獵周禮南龜曰獵屬是也曰左倪不類  
者倪庫也不發聲也謂行時頭左邊庫下者名類周禮西龜曰靈屬是也云右  
倪不若者不亦發聲也謂行時頭右邊庫下者名若周禮北龜曰若屬是也周  
禮又云各以其方之色與其體辨之鄭注云屬言非一也色謂天龜玄地龜黃  
東龜青西龜白南龜赤北龜黑龜俯者靈仰者繹前弁果後弁獵左倪靈右倪  
若是其體也東龜南龜長前後在陽象經也西龜北龜長左右在陰象緯也  
天龜俯地龜仰東龜前南龜卻西龜左北龜右各從其耦也是周禮先有成文  
故此釋之鄭取此文為說其言正同惟繹與謝靈與類小異耳其義亦同  
注行頭至卜審 釋曰案賈公彥說周禮以倪為睥睨則左倪右倪是左顧右  
顧也郭氏以庫解倪又云今江東所謂左食者皆以時驗而言也云以甲卜審

言用此龜之甲以下吉凶審諦也 貝居至而橢 釋曰此辨貝居陸居水大  
小文彩不同之名也云貝者目諸貝也說文云貝海介蟲也取其甲以飾器物  
古者貨貝周而有泉至秦廢貝行錢居陸者名賧在水者名蜃至大者名航至  
小者名鱗黑色之貝名貽貝黃為質白為文點者名餘貶白為質黃為文點者  
名餘泉中央廣兩頭銳者名蚘大而汚薄者名蜎小而狹長者名鱗 注書大  
至航屬 釋曰案大傳云西北既戡者紂囚之牖里散宜生之江淮之浦取大  
貝大如大車之渠以備其辜是也考工記謂車軻為渠故云渠為車軻其貝形  
曲及大小如車軻故比之也引之以證此經航是其大如車軻者故云即航屬  
注以白至文點 釋曰舍人云貝水中蟲也李巡曰餘貶貝甲黃為質白為文  
彩餘泉貝甲白為質黃為文彩陸機疏云貝水中介蟲也龜鼈之屬其文彩之  
異大小之殊甚眾古者貨貝是也餘貶黃為質以白為文餘泉白為質以黃為  
文又有紫貝其白質如玉紫點為文皆行列相當其貝大者當至一尺六七寸  
者今九真交趾以為杯盤寶物也是先儒相傳為然但解紫貝與郭氏少異陸  
機以白為質紫為文郭氏以紫為質黑為文是其異也書云文貝仍几詩云  
成是貝錦山海經陰山濁浴水出焉南流注蕃澤其中多文具皆謂此餘貶餘



泉也 注即上至形容 釋曰云即上小貝知者以其同名鱗也云楯謂狹而長者詩云隴山喬嶽楚辭云南北順楯其楯幾何皆是楯為狹長之名也  
 蝮蝮至守宮也 釋曰詩小雅正月云胡為虺蜴謂此也蝮蝮蜥蜴蝮蝮守宮一物形狀相類而四名也字林云蝮蝮蛇醫也說文云在草曰蜥蜴在壁曰蝮  
 蛭方言云奏晉西夏謂之守宮或謂之蠶蠶兩音或謂之刺易南陽以其在澤中者謂之易蜥南楚謂之蛇醫或謂之蝮蝮又東方朔云非守宮即蜥蜴案此諸文則是在草澤中者名蝮蝮蜥蜴在壁者名蝮蛭守宮也博物志云以器養之食以真朱體盡赤重七斤擣萬杵以點女人體終身不滅耦則落故號守宮陸機疏云青綠色大如指形狀可惡是也 跌蛭 釋曰蛇也蝮虺之屬大眼有毒一名跌又名蛭淮南人呼蛭子者是也 騰騰蛇 釋曰蛇似龍者也名騰一名騰蛇能興雲霧而遊其中也 注淮南云蟒蛇 釋曰蟒當為奔蛇淮南子覽冥篇說女媧云功烈上際九天下契黃墟名聲被後世光輝垂萬物乘雷車服應龍驂青糾援絕瑞席蘿圖黃雲絡前白螭後奔蛇許慎云奔蛇馳蛇是也或曰淮南人呼此騰為蟒蛇義亦通 蟒王蛇 釋曰此蛇之最  
 大者也名蟒又名王蛇與上騰蛇異 蝮虺至如擘 釋曰博廣也首頭也擘

擘指也此自一種毒蛇名蝮虺身廣三寸其頭大如人擘指 注身廣至蝮虺釋曰案郭注三蒼云擘大指也蒼頡篇以為足大指鄭注儀禮以為手大指然則手足大指皆得名擘故注云頭大如人擘指又名擘孫炎云頭如擘指是也案舍人曰蝮一名虺江淮以南曰蝮江淮以北曰虺孫炎曰江淮以南謂虺為蝮廣三寸頭如擘指有牙最毒郭璞曰此自一種蛇人自名為蝮虺今蛇細頭大頭色如艾綬文文間有毛似豬鬃羣上有針大者長七八寸一名反鼻如虺類足以明此自一種蛇如郭意此蛇人自名蝮虺非南北之異蛇實是蟲以有鱗故在釋魚且魚亦蟲之屬也 鯢大者謂之鯢 釋曰鯢雌鯨也大者長八九尺別名鰈 魚枕至之丙 釋曰此釋魚之骨體腸尾之名也其魚頭中骨為枕其骨形似篆書丁字故因謂之丁其腸似篆書乙字尾似篆書丙字亦因名之也 注禮記曰魚去乙 釋曰此禮記內則文也鄭玄注云乙魚體中害人者名也今東海鮫魚有骨名乙在目旁狀如篆乙食之鯨人不可出者與此經違非郭義也 一曰至火龜 釋曰易損卦六五爻辭云十朋之龜弗克違馬鄭皆取此文解之則此經十龜所以釋易也神龜者龜之最神明者也禮統曰神龜之象上圓法天下方法地背上有盤法丘山玄文交錯以成列宿長尺

二寸明吉凶不言而信者是也靈龜龜之有靈次神龜者雜書曰靈龜者玄文五色神靈之精也攝龜龜之小者腹甲曲折能自張閉者也寶龜傳國所寶者春秋經曰盜竊寶玉大弓公羊傳曰寶者何龜青純何休云謂之寶者言世保用之辭是也文龜甲有文彩者筮龜在蒼叢下者山龜生山中者澤龜生澤中者水龜生水中者火龜生火中者注書曰遺我大寶龜釋曰此周書大誥文也注河圖至青文釋曰引此以證龜甲有文彩也其實河圖說靈龜也非此經之文龜取其一邊耳注常在至策傳釋曰龜策傳云傳曰上有擣著下有神龜又云聞著滿百莖者其下必有神龜守之其上常有青雲覆之傳曰天下和平王道得而著莖長丈其叢生滿百是也注火龜猶火鼠耳釋曰嫌龜不生於火故以火鼠猶之也郭注山海經云今去天南東萬里有耆薄國復五千里許有火山國其山雖霖雨火常燃火中白鼠時出山邊求食人捕得之以作布名之火澣布是也爾雅疏卷第九

光緒四年歲在著雍攝提格吳興陸氏十萬卷樓重雕

陸心源校

爾雅疏卷第十

翰林侍講學士朝請大夫守國子祭酒上柱國賜紫金魚袋邢昺等奉勅校定

釋鳥第十七

釋獸第十八

釋畜第十九

釋鳥第十七

釋曰說文云鳥者羽禽之摠名象形字左傳曰少皞氏以鳥名官之類此篇廣釋其名也佳其鳩鴉釋曰舍人曰離一名夫不孝巡曰今楚鳩也某氏引

春秋云祝鳩氏司徒祝鳩即離其夫不孝故為司徒也郭云今鴉鳩詩曰翩翩者離毛傳云離夫不也一宿之鳥鄭箋云一宿者一意於所宿之木又云鳥之

謹愨者人皆愛之則此是謹愨孝順之鳥也陸機云今小鳩也一名鴉鳩幽州人或謂之鴉鴉梁宋之間謂之佳揚州人亦然鴉鴉鴉釋曰春秋左氏

傳曰鴉鴉氏司事也杜注云鴉鴉鴉也春來秋去故為司事即此鴉鴉也舍人曰鴉鴉一名鴉鴉今之班鳩孫炎曰鴉鴉一名鳴鳩月令云鳴鳩拂其羽郭

云似山鵲而小短尾青黑色多聲今江東亦呼為鴉鴉案舊說及廣雅皆云

班鳩非也 鳩鳩鵲 釋曰左傳云鳩鳩氏司空也詩召南云維鵲有巢

維鳩居之皆謂此也郭云今之布穀江東呼為穫穀埤倉云鵲鵲方言云戴

勝謝氏云布穀類也陸機疏云今梁宋之間謂布穀為鵲鵲一名繫穀一名桑

鳩案戴勝自生穴中不巢生而方言云戴勝非也 鷦鷯 釋曰鷦鷯一名桑

名鷦鷯郭云小黑鳥鳴自呼江東名為鳥鷦 鷦鷯王鷦 釋曰李巡曰王鷦

一名鷦鷯郭云鷦鷯類今江東呼之為鷦鷯好在江渚山邊食魚詩周南云關關

鷦鷯陸機疏云鷦鷯大小如鷦深目目上骨露幽州人謂之鷦而楊雄許慎皆

曰白鷦似鷹尾上白 注毛詩傳曰鳥鷦而有別 釋曰此即關雎傳文也

鷦至也謂鳥雌雄情意至厚而猶能有別故以與后妃說樂君子情深猶能不

淫其色 鷦鷯 釋曰鷦一名鷦鷯郭云今江東呼鷦鷯為鷦鷯亦謂之

鷦鷯 鷦天狗 釋曰鷦一名天狗郭云小鳥也青似翠食魚江東呼為水狗

鷦天鷦 釋曰鷦一名天鷦郭云大如鷦雀色似鷦好高飛作聲今江東名之

曰天鷦音綢繆者詩豳風云綢繆牖戶取其音同故讀從之 鷦鷯 釋曰

鷦鷯者野鷦之別名也郭云今之野鷦 鷦鷯 釋曰鷦一名鷦鷯郭云今

呼鷦鷯 鷦鳥鷦 釋曰鷦一名鳥鷦郭云水鳥也似鷦而短頸腹翅紫白背

上綠色汪東呼鳥鷦 舒鴈鷦 釋曰鷦一名舒鴈今江東呼鷦某氏云在野

舒翼飛遠者為鷦李巡曰野曰鴈家曰鷦 注禮記曰出如舒鴈 釋曰聘

禮記文也案彼云私覲愉愉焉出如舒鴈鄭注云威儀自然而有行列是

也 舒鳧鷦 釋曰鷦鷦也一名舒鳧李巡曰野曰鳧家曰鷦禮記內則辨鳥

之不可食者云舒鳧翠 鷦鷯 釋曰鷦鷯一名鷦郭云似鳧脚高毛冠江

東人家養之以厭火災 鷦鷯 釋曰舍人曰鷦一名鷦鷯郭云今之鷦鷯

也好羣飛沈水食魚一名洿澤俗呼之為洿河詩者風云維鷦在梁陸機疏

云鷦水鳥形如鷦而極大喙長尺餘直而廣口中正赤頰下胡大如數斗囊若

小澤中有魚便羣共抃水滿其胡而棄之今水竭盡魚在陸地乃共食之故曰

洿河 鷦天鷦 釋曰鷦一名天鷦赤羽之鳥也 注逸周書至獻之 釋曰云

逸周書曰者雖是周書不注尚書百篇內故曰逸周書今所謂汲冢周書也云

文翰若彩雞者王會篇文也案彼云蜀人以文翰文翰者若翬雉孔晁注云鳥

有文彩者是也云成王時蜀人獻之者案彼孔晁注又云王城既成大會諸

侯及四夷故知當成王時蜀人獻之也 鷦山鷦 釋曰山鷦一名鷦郭云以

鷦而有文彩長尾紫脚赤說文云知來事鳥也 鷦負雀 釋曰鷦一名負雀

郭云鸚鵡也江南呼之為鸚善捉雀因名云 鸚鵡老 釋曰鸚一名鸚老郭云鸚鵡俗呼為癡鳥字林云句喙鳥 鳳鵠 釋曰別二名也郭云今鸚鵡案舍人李巡孫炎郭氏昔斷老上屬屬下屬解云鸚一名鸚老鵠一名屬屬雀也唯樊光斷鸚鵡為句以老下屬注云春秋云九扈為九農正九扈者春扈夏扈秋扈冬扈棘扈行扈宵扈桑扈老扈是以老為下屬唯鵠不重耳杜預仍云老扈鵠非郭義 桑扈竊脂 釋曰桑扈一名竊脂郭云俗謂之青雀鶯曲食肉好盜脂膏因名云鄭立詩箋云竊脂肉食陸機毛詩疏云竊脂青雀也好竊人脯肉脂及筍中膏故以名竊脂也諸儒說竊脂皆謂盜人脂膏即如下云竊立竊黃者豈復盜竊立黃乎案下篇釋獸云虎竊毛謂之號貓鼬如小熊竊毛而黃竊毛皆謂淺毛竊即古之淺字但此鳥其色不純竊立淺黑也竊藍淺青也竊黃淺黃也竊丹淺赤也四色皆具則竊脂為淺白也而諸儒必為盜竊脂膏者以此經下別云桑扈與竊立竊黃等并列則為淺白者也春秋九扈是也此自別一種青雀好竊脂肉目驗而然詩小雅交交桑扈是也且鄭立郭璞陸機皆當世名儒無容不知竊為淺義脂為白色而待後人剝正也後人不達此言妄說異端非也 鳩鵲剖葦 釋曰鳩鵲一名剖葦郭云好剖葦

皮食其中蟲因名云江東呼蘆虎似雀青班長尾 桃蟲鷦其雌鷦 釋曰舍人曰桃蟲名鷦其雌名鷦郭云鷦鷯桃雀也俗呼為巧婦此鷦鷯小鳥而生鷦鷯者也詩周頌云肇允彼桃蟲拚飛維鳥毛傳云桃蟲鷦也鳥之始小終大者陸機疏云今鷦鷯是也微小於黃雀其雛化而為鷦故俗語鷦鷯生鷦鄭詩箋云鷦之所為鳥題肩也或曰鷦皆惡聲之鳥其義未詳方言說巧婦之名自關而東謂之工爵或謂之過羸或謂之女鷦自關而東謂之鷦鷯自關而西謂之桑飛或謂之幘爵是也 鷦鳳其鷦皇 釋曰鳳一名鷦郭云瑞應鳥雞頭蛇頸燕頤龜背魚尾五彩色高六尺許說文云神鳥也天老曰鳳像麟前鹿後蛇頸魚尾龍文龜背燕頤雞喙五色備舉出於東方君子之國翱翔四海之外過崑崙飲砥柱濯羽弱水莫宿丹穴見則天下大安甯字從鳥凡聲鳳飛則羣鳥從以萬數故鳳古作朋字山海經曰丹穴之山有鳥焉其狀如鷦五彩而文名曰鳳首文曰德翼文曰順背文曰義膺文曰仁腹文曰信是鳥也飲食自歌自舞見則天下大安甯京房易傳曰鳳皇高文二漢時鳳皇數至漢書云高五六尺是說鳳皇之狀也 鷦鷯離渠 釋曰鷦鷯一名離渠水鳥也郭云雀屬也飛則鳴行則搖詩小雅云春令在原陸機疏云大如鷦雀長腳長尾

尖喙背上青灰色腹下白頸下黑如連錢故杜陽人謂之連錢是也 鸛斯鴨

鸛 釋曰鸛斯一名鴨鵝郭云雅鳥也小而多羣腹下白江東亦呼為鴨鳥詩

小雅云弁彼鸛斯毛傳云鸛鴨鵝然則此鳥名鸛而云斯者語辭猶蓼彼蕭

斯之類也小爾雅云小而腹下白不反哺者謂之雅鳥說文字林皆云楚鳥是

也 燕白脰鳥 釋曰脰頸也頸項也小爾雅云白項而羣飛者謂之燕鳥燕

烏白脰鳥是也 鴛鴦母 釋曰李巡云鴛鴦一名鴛母郭云鴛也青州呼鴛

母田鼠所化者也月令季春田鼠化為鴛是也 鸛周 釋曰子鸛鳥也出蜀

中說文云鸛蜀王望帝化為子鸛今謂之子規是也 燕燕 釋曰燕燕又

名鴛郭云一名玄鳥齊人呼鴛此燕燕即今之燕古人重言之詩云燕燕于飛

漢書童謠云燕燕尾涎涎是也孫炎舍人以鴛周燕燕為一物三名郭所不

取也 注詩云至呼鴛 釋曰詩云燕燕于飛者詩邶風衛莊姜送歸妾之詩

也云一名玄鳥者案月令仲春之月玄鳥至以其色玄故謂之玄鳥是也云齊

人呼鴛者案商本紀云簡狄行浴見玄鳥墮其卵取而吞之因孕生契諸緯候

皆言簡狄吞鴛卵而生契是玄鳥又名鴛也 鴛鴦鸛鴦 釋曰舍人云

鴛鴦一名鸛鴦郭云鴛鴦類詩豳風云鴛鴦鴛鴦毛傳云鴛鴦鸛鴦陸機疏云

鴛鴦似黃雀而小其喙尖如錐取茅秀為窠以麻紮之如刺鞵然縣著樹枝或

一房或二房幽州人謂之鸛鴦或曰巧婦或曰女匠關東謂之工雀或謂之過

羸關西謂之桑飛或謂之鞵雀或曰巧女先儒皆以為今之巧婦郭注此云

鴛鴦類又注方言云鸛鴦鴛鴦屬非此小雀明矣是與先儒意異也今爾雅以

郭氏為宗且依郭氏 狂茅鴛怪鴛鴦 釋曰此別鴛鴦類也茅鴛一名狂廣

雅云茅鴛鴦也郭云今鴛鴦也似鷹而白怪鴛廣雅謂之鴛鴦郭云今江東通

呼此屬為怪鳥梟一名鴛郭云土梟說文云梟食母不孝之鳥故冬至捕梟磔

之字從鳥首在木上詩陳風云墓門有梅有鴛萃上毛傳云惡聲之鳥也一

名鴛一名梟一名鴛大雅瞻卬云為梟為鴛陸機云鴛大如班鳩綠色惡聲

之鳥也入人家凶賈誼所賦鴛鳥是也其肉甚美可為羹臠又可為炙漢供

御物各隨其時鴛冬夏常施之以其美故也 生哺鷓生嚼雛 釋曰辨鳥子

之異名也鳥子生須母哺而食者名鷓謂燕雀之屬也史記趙武靈王探雀鷓

而食之是也鳥子生而能自啄食者名雛為雞雉之屬也禮記內則云雛尾不

盈握弗食是也 爰居雜縣 釋曰爰居海鳥也大如馬駒一名雜縣漢元帝

時琅邪有之 注國語云爰居 釋曰云國語曰海鳥爰居者案魯語云海鳥

謂

曰爰居止於魯東門之外三日臧文仲命國人祭之展禽曰越哉臧孫之爲政也夫祀國之大節也節政之所成也故致祭祀以爲國典今無故而加典非政之宜也今海鳥至己不知而祀之以爲國典難以言仁且知矣無功而祀之非仁也弗知而弗問非知也今茲海其有災乎夫廣川之鳥獸皆知辟其災是歲海多大風冬煖是其事也 春扈至嘖嘖 釋曰李巡云諸扈別春夏秋冬四時之名喑喑嘖嘖鳥聲貌也郭云諸扈皆因其毛色音聲以爲名竊藍青色案昭十七年左傳云九扈爲九農正以此八扈并上扈鷓爲九賈遠注云春扈分循相五土之宜趣民耕種者也夏扈竊玄趣民耘苗者也秋扈竊藍趣民收斂者也冬扈竊黃趣民蓋藏者也棘扈竊丹爲果驅鳥者也行扈喑喑畫爲民驅鳥者也宵扈嘖嘖夜爲農驅獸者也桑扈竊脂爲蠶驅雀者也老扈鷓鷓趣民收麥令不得晏起者也舍人樊光注爾雅其言亦與賈同其意皆謂以扈爲官還令依此諸扈而動作也然則趣民耕耘及收斂蓋藏其事可得召民使聚而撻號令之其爲果驅鳥爲蠶驅雀豈得多置官方使之就果樹入蠶室爲民驅之哉又畫驅鳥夜驅獸不可竟日通宵常在田野溲天之下何以可周且其言不經難可據信也故郭氏及杜預皆不從也 鷓鷓戴鷓 釋曰李巡

云戴勝一名鷓鷓郭云鷓鷓即頭上勝今亦呼爲戴勝鷓鷓猶鷓鷓語聲轉耳月今季春云戴勝降于桑方言云燕之東北朝鮮洌水之間謂之鷓鷓自關而東謂之戴鷓或謂之戴頰或謂之戴勝東齊吳楊之間謂之鷓自關而西謂之服鷓或謂之鷓鷓 鷓澤虞 釋曰澤虞一名鷓郭云今姻澤鳥似水鷓蒼黑色常在澤中見人輒鳴喚不去有象主守之官因名云俗呼爲護田鳥說文云姻嫪也聲類云姻嫪戀惜也以此鳥戀惜池澤見人不去因名姻澤鳥也 鷓鷓 釋曰別二名也字林云似鷓而黑郭云即鷓鷓也 鷓鷓其雄鷓牝庫 釋曰李巡曰別雌雄異方之言鷓一名鷓其雄名鷓其牝名庫郭云鷓鷓屬鷓即上云鷓鷓母田鼠所化者鷓鷓說云蝦蟆所化者也 鷓沈鳧 釋曰鷓一名沈鳧郭云似鴨而小長尾背上有文今江東亦呼爲鷓陸機云大小如鴨青色甲脚短啄水鳥之謹愿者也大雅云鳧鷖在涇 鷓頭鷓 釋曰鷓一名頭鷓郭云似鳧脚近尾略不能行江東謂之魚鷓音曉箭嫌讀爲鷓鷓之鷓故音之山海經云青要山畛水出焉北注河其中有鳥名鷓狀如鳧青身朱目赤尾食之宜子是也 鷓鷓寇雉 釋曰寇雉一名鷓鷓郭云鷓大如鷓似雌雉鼠脚無後指岐尾爲鳥鷓急羣飛出北方沙漠地又謂之泆泆下云寇雉泆泆

是也 雀老鵠 釋曰老鵠一名雀郭云木兔也似鴟鵂而小兔頭有角毛脚  
 夜飛好食鷄 鷄鵠鳥 釋曰鷄鵠鳥名也郭云似雉青身白頭 狂鷄鳥  
 釋曰鷄鳥一名狂五彩之鳥也 注狂鳥五色有冠見山海經 釋曰案大荒  
 西經云栗廣之野有五彩之鳥有冠名曰狂鳥是也 皇黃鳥 釋曰舍人曰  
 皇名黃鳥郭云俗呼黃離留亦名搏黍詩周南云黃鳥于飛陸機疏云黃鳥  
 黃鸝留也或謂之黃栗留幽州人謂之黃鸝一名倉庚一名商庚一名鷺黃一  
 名楚雀齊人謂之搏黍常甚熟時來在桑間故里語曰黃栗留看我麥黃  
 甚熟亦是應節趨時之鳥也自此以下諸言倉庚商庚鷺黃楚雀倉庚鷺黃  
 之文與此一也 翠鷓 釋曰李巡曰鷓一名為翠其羽可以為飾樊光云青  
 羽出交州郭云似燕紺色生鬱林說文云翠青羽雀也案漢書尉佗獻文帝翠  
 鳥毛然則鷓羽可以飾器物故僖二十四年左氏傳鄭子臧好聚鷓冠是也  
 鷓山鳥 釋曰山鳥一名鷓郭云似鳥而小赤背穴乳出西方 蝙蝠服翼  
 釋曰蝙蝠一名服翼郭云齊人呼為蠟蠅或謂之仙鼠方言云蝙蝠自關而東  
 謂之服翼或謂之僊鼠自關而西秦隴之間謂之蝙蝠北燕謂之蠟蠅 晨風  
 鷓 釋曰舍人曰晨風一名鷓鷓擊鳥也郭云鷓屬陸機云鷓似鷓青黃色班

頤句喙嚮風搖翅乃因風飛急疾擊鳩鷓燕雀食之 注詩曰鷓彼晨風  
 釋曰詩秦風晨風篇文也 鷓白鷺 釋曰鷓一名白鷺郭云似鷹尾上白鷓  
 鷓母 釋曰鷓一名鷓母郭云似鳥鷓而大黃白雜文鳴如鷓聲今江東呼  
 為蚊母俗說此鳥常吐蚊因以名云鷓蚊音義同 鷓須羸 釋曰鷓一名須  
 羸郭云鷓鷓似鳥而小膏中瑩刀 鼯鼠夷由 釋曰鼯鼠一名夷由郭  
 云狀如小狐似蝙蝠肉翅翅尾項脅毛紫赤色背上蒼艾色腹下黃喙頰雜  
 白脚短爪長尾三尺許飛且乳亦謂之飛生聲如人呼食火烟能從高赴下不  
 能從下上高 鷹鷓鳩 釋曰樊光曰來鳩爽鳩也春秋曰爽鳩氏司寇鷹鷓  
 故為司寇郭云鷓當為鷓字之誤耳左傳作鷓鳩是也案昭十七年左傳郊子  
 曰少皞氏以鳥名官爽鳩氏司寇也杜注云爽鳩鷹也鷓故為司寇主盜賊是  
 也 鷓鷓比翼 釋曰鷓鷓比翼鳥名也說在釋地篇故注云說已在上 鷓  
 斲木 釋曰斲木鳥一名鷓郭云口如錐長數寸常斲樹食蟲因名云 鷓  
 鷓鷓 釋曰鷓一名鷓鷓郭云似鳥蒼白色 鷓春鉏 釋曰鷓一名春鉏郭  
 云白鷓也頭翅背上皆有長翰毛今江東人取以為毼攤名之曰白鷓縷詩陳  
 風云值其鷓羽陸機疏云鷓水鳥也好而絜白故謂之白鳥齊魯之間謂之春

鉏遼東樂浪吳揚人皆謂之白鷺青脚高尺七八寸尾如鷹尾喙長三寸頭上有長毛十數枚長尺餘純純然與眾毛異好欲取魚時則弭之今吳人亦養焉楚威王時有朱鷺合水自飛翔而來舞則復有赤者舊鼓吹朱鷺曲是也然則鳥名白鷺赤者少耳 鷓雉至西方曰鷓 釋曰別諸雉之名也鷓雉者郭云青質五彩即下文江淮而南者是也云鷓雉者郭云即鷓鷦也長尾走且鳴說文云鷓長尾雉走鳴乘譽以尾為防鉉著馬頭上詩小雅云有集維鷓陸機疏云鷓微小於翟也走而且鳴曰鷓鷦其尾長肉甚美故林木山下人語曰四足之美有鹿兩足之美有鷓鷦者是鹿而小是也山海經女几山其鳥多白鷓云鷓雉者雉之黃色鳴自呼者名鷓云鷓雉者案山海經牡山之上鳥多赤鷓郭注云即鷓雉也尚書謂之華蟲周禮春官司服職云鷓冕七章之服也畫此鷓雉郭云似山雉而小冠背毛黃腹下赤項綠色鮮明云秩秩海雉者海雉一名秩秩郭云如雉而黑在海中山上云鷓山雉者山雉一名鷓郭云尾長者今俗呼山雉是也云雉雉鷓雉者別二名也郭云今白鷓山江東呼白雉亦名白雉云雉絕有力奮者謂雉之壯大有力能鬪者名奮郭云最健鬪云伊洛而南素質五采皆備成章曰翬者李巡曰素質五采備具文章鮮明曰翬孫炎曰

翬雉白質五色為文也郭云翬亦雉屬言其毛色光鮮王后之服以為飾案周禮內司服云王后之六服禕衣鄭注云王后之服刻繒為之形而采畫之綴於衣以為文章禕衣畫翬者是也云江淮而南青質五彩皆備成章曰鷓者有雉青質五采備具而成文章名曰鷓雉郭云即鷓雉也亦王后之服以為飾周禮云揄狄鄭注云揄狄畫搖者是也搖與鷓音義同云南方曰鷓東方曰鷓北方曰鷓西方曰鷓者郭云說四方雉之名左傳曰五雉為五工正杜預取此四方之雉井上翬雉以為五也必取翬雉者伊洛土之中區故與四方之雉為五也樊光賈逵以此五雉分屬五工無所馮據不可采用故略而不言 鳥鼠同穴其鳥為鷓其鼠為鼯 釋曰尚書禹貢云導渭自鳥鼠同穴不言鳥獸之名故此釋之也李巡云鼯鼯鳥鼠之名共處一穴天性然也郭云鼯如人家鼠而短尾鼯似鷓而小黃黑色穴入地三四尺鼠在內鳥在外今在隴西首陽縣鳥鼠同穴山中孔氏尚書傳云共為雌雄張氏地理記云不為牝牡郭氏並載此言未知誰得其實也 鷓鷦鷓鷦如鷓短尾射之銜矢射人 釋曰鷓鷦一名鷓鷦郭云或曰鷓鷦鷓鷦一名墮羿案字書云墮古以為懈惰字羿古之善射者言此鳥捷勁雖羿之善射亦懈惰不敢射也故以名云郭璞圖讚云鷓



鷓之鳥一名墮羿應弦銜鏑矢不著地逢蒙縮手養田不睨鷓鷃醜其飛也  
 猥 釋曰鷓伯勞也猥疎也醜類也鷓鷃之類不能翱翔遠飛但疎翅上下而  
 已 鷓鳥醜其飛也翔 釋曰鷓鷃也鷓鷃之類其飛也布翅翱翔 鷹隼醜  
 其飛也翬 釋曰舍人曰謂隼鷃之屬也翬其飛疾羽聲也郭云鼓翅翬  
 然疾是急疾之鳥也說文云隼鷃鳥也陸機云隼鷃屬也一人謂之擊征或謂  
 之題肩或謂之雀鷹春化為布穀者是也 鳧鴈醜其足蹠其踵企 釋曰鳧  
 水鳥也鴈陽鳥也蹠猶蹠屬相著之謂也踵脚跟也鳧鴈之類脚指間有蹠  
 屬相著飛則伸其脚跟企直也 烏鵲醜其掌縮 釋曰掌足也烏鵲之類飛  
 時縮足於其腹下 元鳥隴其糞 釋曰別鳥咽噤之名也元者鳥喉隴也  
 其受糞處名隴郭云隴謂喉隴元即咽也噤者受食之處別名隴今江東呼糞  
 鷓子鷓鴣子鷓 釋曰別鷓鴣鷓之名也鷓之子鷓名鷓鴣之子鷓名鷓  
 雉之暮子為鷓 釋曰鷓是雉晚生之子名也郭云晚生者今呼少鷓為鷓  
 鳥之雌雄不可別者以翼右掩左雄左掩右雌 釋曰鄭詩箋云陰陽相下之  
 義也 鳥少美長醜為鷓鷃 釋曰鳥之少為子而美長食母而醜其名為鷓  
 一郭云鷓鷃猶留離詩所謂留離之子者案詩抑風云瑣兮尾兮流離之子

陸機疏云流離梟也自關而西謂梟為流離其子適長大還食其母故張奐  
 云鷓鷃食母許慎云梟不孝鳥是也流與鷓同 二足而羽謂之禽四足而毛  
 謂之獸 釋曰別禽獸之異也凡語有通別別而言之羽則曰禽毛則曰獸所  
 以然者禽者擒也言鳥力小可擒捉而取之獸者守也言其力多不易可擒先  
 須圍守然後乃獲故曰獸也通而為說鳥不可曰獸獸亦可曰禽故曲禮鷓鷃  
 不曰獸而猩猩通曰禽也易云王用三驅失前禽則驅走者亦曰禽也又周禮  
 司馬職云大獸公之小禽私之以此而言則禽未必皆鳥也又鄭玄注周禮云  
 凡鳥獸未孕曰禽周禮又云以禽作六贊卿羔大夫鴈白虎通云禽者鳥獸之  
 摠名以其小獸可擒故得通名禽也鷓伯勞也 釋曰李巡云伯勞一名鷓  
 樊光曰春秋傳曰少皞氏以鳥名官伯趙氏司至伯趙鷓也以夏至來冬至去  
 郭云似鷓鷃而大陳思王惡鳥論云伯勞以五月鳴應陰氣之動陽氣為仁養  
 陰為殺殘賊伯勞蓋賊害之鳥也其聲鷓鷃故以其音名云月令仲夏之月鷓  
 始鳴是也 注似鷓至趙是 釋曰云似鷓鷃而大者字林云鷓鷃似伯勞而  
 小故也云左傳伯趙是者案昭十七年云伯趙氏司至者也杜注云伯趙伯勞  
 也以夏至鳴冬至止是也 倉庚鷓黃也 釋曰即上黃鳥也郭云其色鷓黑

唯流

鷓

而黃因以名云

釋獸第十八

釋曰釋鳥云四足而毛謂之獸說文云獸守備也此篇釋其名狀故曰釋獸  
 麋牡至力狄 釋曰此釋麋之種類也說文云鹿屬也冬至解其角春秋莊十  
 七年冬多麋麋摠名也其牡者名麋其牝者名麋詩吉日云其麋孔有是也其  
 所生之子名麋其脚跡所踐之處名躡其絕異壯大有力者名狄也注國語曰  
 獸長麋麋 釋曰此魯語文也魯宣公夏濫於洲里革斷其罟而棄之曰且  
 夫山不槎葉澤不伐天魚禁鯤鮪獸長麋麋鳥翼殼卵蟲舍舌蝼蛄蕃庶物  
 也古之訓也今魚方別孕不教魚長又行網罟貪無藝也韋昭云鹿子曰麋麋  
 子曰麋是其事也 鹿牡至力麋 釋曰此辨鹿之種類也說文云鹿解角獸  
 也羣萃善走者也其牡名麋其牝名麋詩小雅云鹿麋麋其跡名速絕有  
 力者名麋 麋牡麋至力麋 釋曰此辨麋之種類也說文云麋麋也麋其  
 摠名也牡名麋牝名麋其子名麋其跡名解絕有力名麋 注詩曰至言耳  
 釋曰詩小雅吉日篇文也鄭箋云麋牡曰麋麋復麋言多也是鄭康成解即  
 謂此也云但重言耳者謂再言麋也狼牡至力迅 釋曰此辨狼之種類也

舍人曰狼牡名獾牝名狼其子名獾不有力者名迅孫炎曰迅疾也詩齊風云  
 並驅從兩狼兮陸機疏云其鳴能小能大善為小兒啼聲以誘人去數十步其  
 猛健者雖善用兵者不能免也其膏可煎和其皮可為裘故禮記狼膾膏又  
 曰君之右虎裘厥左狼裘是也 兔子麋至力欣 釋曰此辨兔之種類也崔  
 豹古今注云兔有九孔論衡曰兔舐豪而孕及其生子從口而出其子名麋郭  
 云俗呼曰齧其跡名迅字林云迅兔道也絕有力名欣 豕子至此麋 釋曰  
 此辨豕之種類也其子名豬郭云今亦曰彘江東呼豕皆通名也說文云豬豕  
 而三毛繫居者字林云豕後蹄廢謂之彘小爾雅云彘豬也其子曰豚大者謂  
 之豨方言云北燕朝鮮之間謂之豨關東西或謂之彘或謂之豕南楚謂之  
 豨其子或謂之豚或謂之彘吳揚之間謂之豬子云豨豨者舍人曰豨一名  
 豨郭云俗呼小豨豬為豨子豨謂彘豬也云豕幼者豕之最後生者名也郭  
 云最後生者俗呼為豕豚云奏者猛者謂之皮理豚豨者名猛郭云今豨豬短  
 頭皮理豚豨云豕生三豨一特者郭云豕生子常多故別其少者之名詩召  
 南云一發五豨鄭箋云豕生三豨張逸問曰豕生三豨不知母豕也豚也  
 豕曰豚也過三以往猶謂之豨以自三以上更無名也故知過三亦為豨其生

子二者為師一者為特云所寢檜者郭云檜其所臥蓐方言云其監及蓐曰檜是也舍人曰豕所寢草名為檜某氏曰臨淮人謂野豬所寢為檜李巡曰豬臥處名檜檜是所居之處云四獾皆白獾者獾蹄也豕四蹄皆白名獾其跡名刻絕有力名獾即下篇豕高五尺者也云牝豕者豕之牝者名豕注詩云有豕白蹄釋曰小雅漸漸之石篇文也案詩經直云白蹄不云獾則白蹄不知幾蹄白而郭氏引之者以爾雅主謂釋詩詩中言豕白蹄惟此而已故知本以訓此也鄭箋以獾為駭獾者躁疾之言也駭與獾字異義同注詩云一發五豕釋曰召南騶虞篇文也毛傳云豕牝曰豕虞人翼五豕以待公之發鄭箋云君射一發而翼五豕者戰禽獸之命也戰之者仁心之至是也虎竊毛謂之號貓釋曰竊淺也虎之淺毛者別名號貓注詩曰有貓有虎釋曰詩大雅韓奕篇文也號白豹釋曰號一名白豹字林云似熊而白黃出蜀中一曰白豹郭云似熊小頭厚脚黑白駿能舐食銅鐵及竹骨骨節強直中實少髓反辟濕或曰豹白色者別名號白虎釋曰白虎一名號郭云漢宣帝時南郡獲白虎獻其皮骨爪牙秘鱗黑虎釋曰黑虎一名鱗郭云晉永嘉四年建平秭歸縣檻得之狀如小虎而黑毛深者為班山海經云幽都山多立虎立

豹者案海內經云北海之內有山名曰幽都之山黑水出焉其上有立鳥立蛇立豹立虎是也號無前足釋曰字林云獸無前足似虎而黑者名號郭云晉太康七年召陵扶夷縣檻得一獸似狗豹文有角兩脚即此種類也或說號似虎而黑無前兩足鼯鼠身長須而賊秦人謂之小驢釋曰鼯獸名也身如鼠有長須而賊害於物秦人呼為小驢郭云鼯似鼠而馬蹄一歲千斤為物殘賊熊虎醜至力麋釋曰醜類也熊虎之類其子名狗絕有力名麋郭云律曰捕虎一購錢三千其狗半之此當時之律也引之以證虎子名狗之義也狸子隸釋曰字林云狸伏獸似狸其子名隸郭云今或呼狸狸者字林云狸狸也一號子狸一號曰字林云號似狐善睡其子名號郭云其雌者名涅今江東呼貉為狹狹字林云狹狸類狹謂之狹廣雅云狹狹也然則皆號之通名也貓子獲釋曰字林云貓獸似豕而肥其子名獲郭云貓豚也一名獲狸白狐其子毅釋曰字林云狸豹屬一名白狐其子名毅郭云一名執夷虎豹之屬詩大雅云獻其狸皮陸機疏云狸似虎或曰似熊一名執夷一名白孤遼東人謂之白羆麋父麋足釋曰字林云小鹿有香其足似麋故云麋足郭云脚似麋有香豺狗足釋曰說文云豺狼屬狗聲郭云脚似狗貪殘之獸左傳

云戎狄豺狼不可厭也 羆似狸 釋曰字林云羆似狸而大一名羆郭云

今山民呼羆虎之大者為羆豺字林云豺胡地野狗似狐黑喙皆羆之類故又

呼羆豺 羆如熊黃白文 釋曰舍人曰羆如熊色黃白也郭云似熊而長頭

高脚猛慙多力能拔樹木關西呼曰羆羆詩大雅韓奕云赤豹黃羆陸機疏

云羆有黃羆有赤羆大於熊其脂如熊白而羆理不如熊白美也 麀大羊

釋曰羊之大者名麀郭云麀羊似羊而大角負銳好在山崖間陶注本草云今

出建平宜都諸蠻中及西域多兩角有一角者為勝角甚多節蹙蹙負繞別有

山羊角極長唯一邊有節節亦踈大而不入用羌夷云只此名麀羊麀大麀

牛尾一角 釋曰麀麀也大麀牛尾一角者名麀即所謂麟也郭云漢武帝郊

雍得一角獸若麀然謂之麟者此是也此漢書郊祀志文也麀即麀也 麀大

麀旄毛狗足 釋曰麀亦麀也旄毛獵長毛也大麀毛長狗足者名麀山海經

云女几山其獸多麀麀如小熊羆毛而黃 釋曰羆淺也獸如小熊淺毛

而黃者名羆郭云今建平山中有此獸狀如熊而小毛羆淺赤黃色俗呼為赤

熊即羆也 獬豸類羆虎爪食人迅走 釋曰迅疾也獬豸之獸其狀類羆而

虎爪食人疾走山海經云少咸山有獸狀如牛而赤身人面馬足名曰奕窳其

音如嬰兒食人其名與此同其狀與此錯 狡麀如羆貓食虎豹 釋曰即師

子也出西域其狀如羆貓食虎豹善走者也 注漢順帝至百里 釋曰云漢

順帝時踈勒王來獻犂牛及師子者案後漢帝紀云孝順帝諱保安帝之子

也陽嘉三年踈勒國獻師子犂牛注引東觀記曰踈勒王盤遣使文時詣闕

師子似虎正黃有髯尾端茸毛大如斗封牛其領上肉隆起若封然因以名

之即今之峯牛是也云穆天子傳曰狡狴日走五百里案穆天子傳云柏天氏名

獸使足狡狴野馬走五百里是也 驕如馬角不角者驕 釋曰驕獸名也狀

如馬一角不角者名驕郭云元康八年九真郡獵得一獸大如馬一角角如鹿

昔此即驕也今深山中時或見之亦有無角者 羆如羊 釋曰字林云野

羊大角者也郭云羆羊似吳羊而大角角橢出西方橢謂狹而長也 麀麀身

牛尾一角 釋曰李巡曰麀瑞應獸名孫炎曰靈獸也京房易傳曰麀麀身

牛尾狼額馬蹄有五采腹下黃高丈二詩周南云麟之趾毛傳云麟信而應禮

以足至者也鄭箋云麟角之末有肉示有武而不用陸機疏云麟麀身牛尾馬

足黃色負蹄一角角端有肉音中鍾呂行中規矩遊必擇地詳而後處不履生

蟲不踐生草不羣居不侶行不入陷阱不罹羅網王者至仁則出今并州界有

麟大小如鹿非瑞應麟也故司馬相如賦曰射麋脚麟謂此麟也 注公羊傳曰有麋而角 釋曰案春秋哀十四年春西狩獲麟公羊傳云有以告者曰有麋而角者孔子曰孰為來哉孰謂來哉是其事也 猶如鹿善登木 釋曰說文云猶獲屬也其狀如鹿為獸健捷善能上樹 狝脩毫 釋曰脩長也廣雅云鞞毛謂之毫言狝獸體多長毛 羆似狸 釋曰羆獸其文似狸郭云今羆虎也大如狗文如狸 兕似牛 釋曰郭云一角青色重千斤說文云兕如野牛青毛其皮堅厚可制鎧交州記曰兕出九德有一角角長三尺餘形如馬鞭柄是也 犀似豕 釋曰郭云形似水牛豬頭大腹庠脚脚有三蹄黑色三角一在頂上一在額上二在鼻上鼻上者即食角也小而不橢音墮好食棘亦有一角者劉歆期交州記曰犀出九德毛如豕蹄有甲頭似馬吳錄地理志云武陵阮南縣以南皆有犀 彙毛刺 釋曰彙即蝟也其毛如針郭云今蝟狀如鼠狒狒如人被髮迅走食人 釋曰狒狒獸名狀如人被髮疾走食人山海經謂之梟羊又謂之顛音威臣人周書王會云北方謂之吐噎郭云梟羊也山海經曰其狀如人面長脣黑身有毛反踵見人則笑交廣及南康郡山中亦有此物大者長丈許俗呼之曰山都云山海經曰者海內南經文也案彼文云梟羊在

此眴之西其狀人面長脣有毛反踵見人笑亦笑左手操管又海內經云笑則脣蔽其面因可逃也故郭讚云狒狒怪獸被髮操竹獲人則笑脣蔽其目終亦號咷反為我戮是也云反踵者脚跟反向也大傳云周成王時州靡國獻之也 狸狐貍貍醜其足蹠其跡夙 釋曰說文云蹠掌也此四獸之類皆有掌蹠宣二十年左傳云宰夫肺熊蹠是其類也其指頭著地處名夙 蒙頌猱狀釋曰蒙頌一名蒙貴狀似猿猱故曰猱狀郭云即蒙貴也狀如雌而小紫黑色可畜健捕鼠勝於猫九真日南皆出之猱亦獼猴之類 猱媛善援 釋曰猱一名媛善攀援樹枝郭云便攀援者便謂便捷也 獼父善顧 釋曰大媛也能獼持人又善顧盼因名云郭云獼獼也似獼猴而大色蒼黑能獼持人好顧盼 威夷長脊而泥 釋曰泥弱也威夷之獸長脊而劣弱少才力也 麇麇短脰 釋曰脰項也麇麇之獸皆短項 贄有力 釋曰贄似犬之獸名也郭云出西海大秦國有養者似狗多力獷惡 虞迅頭 釋曰虞似猴之獸也好奮迅其頭故曰迅頭郭云今建平山中有虞大如狗似獼猴黃黑色多鬚鬣奮迅其頭能舉石擲人獼類也 雌叩鼻而長尾 釋曰雌亦猴類之獸叩鼻而尾長大郭云雌似獼猴而大黃黑色尾長數尺似獼尾未有岐鼻露向上雨

即自懸於樹以尾塞鼻或以兩指江東人亦取養之為物健捷山海經曰高山多狻螭是也 時善乘領 釋曰好登山峯之獸也 猩猩小而好啼 釋曰能言獸也曲禮曰猩猩能言周書王會曰都郭狴狴欺羽狴狴若黃狗人面能言郭云山海經曰人面豕身能言語今交趾封谿縣出猩猩狀如獾狨聲似小兒啼云山海經者海內南經文也 闕泄多狴 釋曰舊說以為闕泄獸名其脚多狴狴指也然其形所未詳聞 寓屬 釋曰寓寄也言此上獸屬多寄寓木上故題云寓屬 鼯鼠至鼯鼠 釋曰此別鼠屬也云鼯鼠者郭云地中行者說文云地中行鼠伯勞所作也廣雅云鼯鼠也方言云犁鼠即此鼠也謂起地若耕因名云云鼯鼠者六戴禮云田鼠者鼯鼠也鼯是頰裏藏食之名鼠若此者因名鼯鼠云鼯鼠者李巡曰鼯鼠郭云有螫毒者蓋如今鼠狼春秋成七年食郊牛角者是也博物志云鼠之最下者或謂之甘鼠何休亦云鼯鼠者鼠中之微者云鼯鼠者似鼯之鼠也郭云夏小正曰鼯則穴者在九月云鼯鼠者字林云如鼠赤黃而文郭云今鼯似鼯赤黃色大尾啖鼠江東呼為鼯即莊子云騏驎騏驎捕鼠不如狸鼯是也云鼯鼠者鼯鼠小鼠也本云一名鼯鼠郭云小鼯鼠也亦名鼯鼠云鼯鼠者孫炎曰五技鼠許慎云鼯鼠五技能

飛不能上屋能游不能渡谷能緣不能窮水能走不能免人能穴不能覆身此之謂五技蔡邕以此為螻蛄郭云形大如鼠頭似兔尾有毛青黃色好在田中食粟豆關西呼為鼯鼠見廣雅鼯音雀今本作鼯誤也案詩魏風云碩鼠碩鼠陸機疏云今河東有大鼠能人立交前兩脚於頸上跳舞善鳴食人禾苗人逐則走入樹空中亦有技或謂之雀鼠案此與郭氏所說同云豹文鼯鼠者郭云鼠文彩如豹者漢武帝時得此鼠孝廉郎終軍知之賜絹百匹者案漢書云終軍字子雲濟南人也少好學以辯博能屬文初入闕棄繻而去至長安上書拜為謁者給事中使南越為呂嘉所殺死時年二十餘故世號之終童武帝常得豹文鼠終軍以爾雅辨其名故受賜也鼯鼠者鼯鼠名也郭云今江東山中有鼯鼠狀如鼠而大蒼色在樹木上 注山海經云獸云狀如鼯鼠 釋曰案中山經云倚帝山其上多玉下多金有獸焉狀如鼯鼠白喙名狙如見則其國有大兵是也 鼠屬 釋曰言此上皆鼠之屬類也鼠小獸也亦四足而毛故於此釋之案字林云鼯鼠即鼯鼠也今郭氏分為二又說文云鼯豹文鼠也今郭氏以豹文下屬未知孰是故略言之 牛曰齧羊曰齧 釋曰此別鳥獸嚼食之名也牛名曰齧郭云食之已久復出嚼之羊名曰齧郭云今江東呼齧為齧麋

鹿名曰齧郭云江東名咽為齧齧者齧食之所在依名云鳥名曰嗉郭云咽中裏食處即上篇其嘜也寓木之獸及鼠皆曰嗉郭云頰裏貯食處寓謂獮猴之類寄寓木上此屬皆咽中藏食復出嚼之故題云齧屬獸曰鬣至鳥曰臭 釋曰此辨人魚鳥獸氣體所須之名也獸之自奮迅動作名鬣人之罷倦頻伸天橋舒展屈折名擣魚之鼓動兩頰若人之欠須導其氣息者名須鳥之張兩翅具具然搖動者名具此皆氣倦體罷所須若此故題云須屬也

釋畜第十九

釋曰案字林畜作豨說文云獸也人之畜養者也所以與釋獸異篇者以其畜是畜養之名獸是毛蟲撻號故此篇唯論馬牛羊彘犬雞前篇則通釋百獸之名所以異也 駒駟馬 釋曰良馬名駒駟字林云北狄良馬也一曰野馬瑞應圖云幽隱之獸也有明王在位即至是也 注山海至色青 釋曰海外北經文也青色二字郭氏語也 野馬 釋曰似馬而小出塞外案穆天子傳云野馬曰走五百里是也 駁如馬倨牙食虎豹 釋曰駁亦野馬名也其狀如馬其牙倨曲而食虎豹也詩秦風云隰有六駁傳引此文以釋之是也 注山海至虎豹 釋曰案西山經云中曲山有獸如馬而身黑三尾一角虎牙爪音如鼓

名曰駁食虎豹可以禦兵言雖小異正謂此也 駟蹄踞善陞 釋曰舍人云駟蹄者溷蹄也跂平也謂蹄平正善陞 駝者登山險也一云駝者阪也言駝善登高歷險上下於阪秦時有駝蹄苑是也李云駝者其蹄正堅而平似跂也顧云山嶺曰駝郭云駝山形似甑上大下小駝蹄蹄似跂而健上山秦時有駝蹄苑者取此駝馬以名其苑也 駝駟枝蹄踞善陞 釋曰駝駟馬名李巡曰駝駟其跡枝平似跂亦能登高歷危險也孫炎云駝駟之馬枝蹄如牛而下平郭云駝駟亦似馬而牛蹄也 小領盜驪 釋曰領頸也盜驪駟馬名也駟馬小頸名曰盜驪 注穆天至領頸 釋曰案穆天子傳云丙寅天子屬官效器乃命正公郊父受敕憲用中八駟之乘以飲于枝持之中積石之南河天子之駟赤驥盜驪白義渠黃華騮綠耳郭注云盜驪者為馬細頸驪黑色也綠耳者紀年曰北唐之君來見驪馬是生綠耳魏時西甲獻千里馬白色而兩耳黃因名之為黃耳即此類也云又曰右服盜驪者案彼云癸酉天子命駕入駿之乘右服盜驪而左綠耳右驂赤驥而左白義天子主車造父為御是也絕有力駝 釋曰馬絕有力者名駝郭云即馬高八尺者即下文馬八尺為駝者也 膝上至惟駝 釋曰此辨馬白色所在之異名也馬之膝上皆白者惟

鼻也駸膝下也四膝下皆白名駸蹄蹄也四蹄皆白名首俗呼為踏雪馬言蹄  
 白似踏雪也前兩足皆白名駸後兩足皆白名狗前右足白名啓前左足白名  
 蹄後右足白名驥後左足白名鼻駢馬赤色黑鬣馬也若駢馬腹下白者別名  
 駢詩大雅云四駢彭彭是也孫炎云驪黑也白跨股脚白也郭云驪黑色跨髀  
 間也謂黑馬髀間白名驕詩魯頌云有驕有皇是也州窵也謂馬之白尻者名  
 驕本根株也馬尾株白者名驥但尾毛白者名駢的類者舍人曰的白也類額  
 也額有白毛今之戴星馬也易震為的類素臯莖也其白自額下達臯莖者  
 名縣俗所謂漫臯徹齒其面額皆白者惟駢馬也 注左傳曰啓服 釋曰案  
 昭二十九年公至自乾侯處于鄆衛侯來獻其乘馬曰啓服杜預云啓服馬名  
 是也 注易曰震為鼻足 釋曰說卦文也取其動而見也 回毛至闕廣郭  
 釋曰此別馬旋毛所在之名也回旋也膺臂也旋毛在膺者名宜乘樊光云俗  
 呼之官府馬伯樂相馬法旋毛在腹下如乳者千里馬也旋毛在肘後者名滅  
 陽幹脅也旋毛在脅者名弗方旋毛在背者名闕廣郭云皆別旋毛所在之  
 名也毛逆毛居駢 釋曰字林云馬逆毛也郭云馬毛逆刺 駢牝驪牝注詩  
 云至見周禮 釋曰云詩云駢牝三千者鄘風定之方中篇文也云七尺已上

為駢見周禮者度人文也案鄭玄注禮記檀弓引此文云駢牝驪牝玄謂七尺  
 曰駢牝者色驪牝者色玄與郭異也 玄駒裏驂 釋曰此郭氏兩解一云玄  
 駒小馬別名裏驂耳指謂今馬駒也一云或曰此即裏古之良馬名言玄駒  
 裏驂即裏裏也 牝曰駢牝曰駢 釋曰別馬牝牝之異名也郭云今江東呼  
 駢馬為駢駢即草馬之名也 駢曰駢至白魚 釋曰此別馬毛色不純之異名  
 也孫炎曰駢赤色也謂馬有駢處有白處者曰駢有黃處有白處者曰駢駢馬  
 脊毛黃者名驪驪馬脊毛黃者名驪青驪駢舍人曰青驪馬今名緡馬也孫炎  
 曰色青之間青毛黑毛相雜者名駢今之鐵駢也青驪驪孫炎曰色有淺深  
 似魚鱗郭云色有淺深班駢隱鄰名駢今之連錢駢說文云馬文如鼉詩云有  
 駢有駢是也毛色青黑而鬣鬣繁多者名駢毛色黑白而復有雜毛相錯者名  
 駢詩云叔于田乘乘馬是也今謂之烏駢毛色黃白而復有雜毛者名駢今謂  
 桃華馬陰淺黑色也毛淺黑而白兼雜毛者名駢今謂之泥駢詩云有駢有  
 駢是也蒼淺青也毛有淺青及白兼雜毛者名駢形赤也毛赤白兼雜毛者名  
 駢說文云文似駢魚也即今之赭白馬也鬣鬣也白馬黑鬣者名駢白馬黑鬣  
 者名駢喙口也黑喙者名駢說文云黃馬黑喙曰駢郭云今之淺黃色者名駢



馬詩云駟驪是驂是也一目白者名瞶二目白者名魚言似魚目也注詩曰  
 駟駟其馬釋曰豳風東山篇文也注禮記至髦鬣釋曰云周人黃馬繁  
 鬣者明堂位文也云繁鬣兩被毛者郭氏釋之也言繁鬣者分其髦鬣兩鄉被  
 之也云或云美髦鬣者又引或人以為一解言其髦鬣繁多而美也今禮記  
 本繁作蕃則或說為得注詩曰有騅有駟又詩曰有驪有魚釋曰此詩魯頌  
 駟篇文也注禮記曰夏后氏駟馬黑鬣釋曰亦明堂位文也既差至齊  
 足釋曰云既差我馬者此詩小雅吉日篇文也作者引之然後作解云差擇  
 也者詰差為揀擇之義也云宗廟齊毫戎事齊力田獵齊足者此皆言擇馬  
 之事也李巡曰祭於宗廟當加謹敬取其同色也某氏曰戎事謂兵革戰伐之  
 事當齊其力以載干戈之屬舍人曰田獵取牲於苑囿之中追飛逐走取其疾  
 而已郭云尚純尚強尚疾者此毛傳文也案詩小雅車攻云我馬既同毛傳引  
 此文則每增二字以解之云宗廟齊毫尚純也戎事齊力尚強也田獵齊足尚  
 疾也言齊其毫毛尚純也齊其馬力尚強壯齊其馬足尚迅疾義與此合故  
 郭氏取以為說也馬屬釋曰自駒駟已下雖駿異毛色不同皆馬之屬類  
 故以此題之也下倣此摩牛至欣嘏釋曰此別牛屬也云摩牛名也郭云

出巴中重千斤犛牛領上肉爆肤起之牛也郭云即犛牛也者即上注云漢順  
 時疎勒王來獻犛牛是也云領上肉爆肤起高一尺許者謂領上肉腫墳起也  
 云狀如囊駝肉鞍一邊者山海經云號山獸多囊駝彼注云有肉鞍善行流沙  
 中日行三百里負千斤知水泉所在是也囊駝肉鞍肤起有二此牛領肉肤起  
 惟一故云一邊云健行者日三百餘里今交州合浦徐聞縣出此牛犛牛名也  
 郭云犛牛庫小今之犛牛也又呼果下牛出廣州高涼郡以其庫小可行果樹  
 下故又呼菓下牛犛亦牛名也郭云即犛牛也如牛而大肉數千斤出蜀中山  
 海經曰岷山多犛牛案中山經云岷山其獸多犀象犛牛彼注云今蜀中有大  
 牛重數千斤名為犛牛晉大興元年此牛出上庸郡人弩射殺得之三十檐肉  
 即爾雅犛牛是也犛亦牛名也郭云旄牛也髀膝尾皆有長毛案山海經潘侯  
 山有獸狀如牛而四節生毛名曰旄牛彼注云今旄牛背膝及胡尾皆有長毛  
 是也犛牛者無角牛名也易云童牛之牯是也俯低也牛角一低一仰者名觶  
 言傾欺也踊豎也牛而角豎者名觶牛黑脣者名特皆目匡也牛之目匡黑者  
 名牝黑耳者名駟黑腹者名牧黑脚者名捲郭云皆別牛黑所在之名其牛所  
 生之子名犛郭云今青州呼犛為物體身也凡牛之身長者名特絕有力壯大

者名欣猓 注毛詩至脣牛 釋曰詩小雅無羊篇云誰爲爾無牛九十其犉  
毛傳云黃牛黑脣曰犉毛意以此言黑脣明不與身同色而牛之黃者衆故  
云黃牛也其實不主爲黃牛故郭氏云此宜通謂黑脣牛 羊牡粉至力奮  
釋曰此別羊屬也云謂吳羊也其壯者名粉即白羝也其牝者名牂云夏羊  
者黑殺羸也其牡者名羴即黑羝也其牝者名殺郭云今人便以牂殺爲白黑  
羊名其實曰羊牝者名牂黑羊牝者名殺羊角不齊一長一短者名脆齋捲  
也羊角捲三迤者名羴羊之黃腹者名羴羊新生未成羊者名羴郭云俗呼  
五月羊爲羴詩小雅伐木云既有肥羴是也壯大絕有力者名奮 注詩云牂  
羊墳首 釋曰小雅苕之華篇文也 注歸藏曰兩壺兩羴 釋曰歸藏者成  
湯之所作也言萬物歸之所藏也是二易之一也云兩壺兩羴者齊母經羴有  
之文也案彼云羴有羴有羴有羴爲酒尊於兩壺兩羴飲之三日然後羴士有  
澤我取其魚是也 犬生至狗也 釋曰此別狗屬也云犬者說文云狗之有  
縣蹠者也象形孔子曰視犬之字如畫狗也犬生三子則曰獾二曰師一曰獾  
毫是鞞毛也犬子未生鞞毛者名狗喙口也犬長口者名獾短口者名獾獾壯  
大絕有力者名獾即狗也說文孔子曰狗叩也叩乞吠以守也 注此與至

出入 釋曰云此與豬生子義同者案釋獸注云豬生子常多故別其少者之  
名犬生子亦常多而此亦別其少者之名故云義同云名亦相出入者謂此獾  
師獾與彼獾師特字雖小異大意則同故云亦相出入 注詩曰載獾獾獾  
釋曰秦風駟鐵篇文也毛傳云田犬也長喙曰獾短喙曰獾獾鄭箋云載始也  
始田犬者謂達其搏噬始成之也 注詩曰無使龍也吠 釋曰召南野有死  
麇篇文也毛傳云龍狗也非理相陵則狗吠是也 雞大至力奮 釋曰此別  
雞屬也案春秋說題辭曰雞爲積陽南方之象火陽精物炎上故陽出雞鳴以  
類感也雞者知時畜其大者名蜀郭云今蜀雞蜀之雛子名雞雛之稍長未成  
雞者名健郭云江東呼雞少者曰健壯大絕有力者名奮郭云諸物有氣力多  
者無不健自奮迅故皆以名云者謂上文雉也羊也并此雞皆云絕有力奮故  
此釋之也 馬八尺至爲駟 釋曰此別六畜絕大者名也馬高八尺者名駟  
牛高七尺者名犉羊高六尺者名羴山海經云錢來山有獸其狀如羊而馬尾  
名羴注云今大月氏國有大羊如驢馬尾是也彘豬也豬高五尺者名豨狗高  
四尺者名獾雞高三尺者名鶡 注周禮至爲龍 釋曰夏官廋人職文也  
注詩曰至尸子 釋曰小雅無羊篇文也上云牛黑脣犉注引此詩傳此牛七

尺爲犉又引此詩文是犉有二義則牛黑膚者爲犉牛七尺者亦爲犉義得兩通故並引之云亦見尸子者尸子說六畜云大牛爲犉七尺故云亦見尸子下羊彘倣此 注公羊至之犢 釋曰案宣六年傳云晉靈公將殺趙盾趙盾踏階而走靈公有周狗謂之犢呼犢而屬之犢亦躡階而從之祁彌明逆而踐之絕其頷趙盾顧曰君之犢不若臣之犢也何休云周狗可以比周之狗所指如意是也今此周作害蓋傳寫誤或所見本異也

爾雅疏卷第十

光緒四年歲在著雍攝提格吳興陸氏十萬卷樓重雕

己未冬日假烏程蔣氏宋刊本校經二年辛酉除夕錄此清本國維

陸心源校

此書乃蕪風堂物蕪風老人致於庚申其書籍即於辛酉盡爲書肆所得余僅從肆中購此及許印林所刊孟子音義聊爲記念而已至此書宋刊本余有跋在觀堂集林不復贅云同日又記



